

# *AMEPUSHO Na MASUKO*

 Natutwalililepo ukwiminina pa kashita akanono ilyo tukontamike imitwe yesu mwipepo.

Lesa Taata mweba Kusenamina, twatotela Imwe luno lucelo ukufuma mukushika kwa mitima yesu, pantu Imwe muli abalinga kabilo abakabila ukwasuka amapepo yesu. Kabili twapepa ukutila Imwe mwalapokelela ifya kutotela fyesu pafyo Imwe mwatucitila akale. Ifwe tulelolela nokwenekela ukukalamba kuli Imwe ukutila mwataltwafwilisha muno lucelo, kabilo lintu twalafuma pa mpongolo sha cino cikulwa, lekeni tufume pano abantu abapusanako ukucila pafyo twaciba lintu twacisa. Lekeni Mupashi wa Mushilo akuule muno lucelo, imibele yesu, kabilo tupangeni ifwe abantu Benu aba mu Bufumu bwenu pantu twaipusha ico mwi Shina lyakwa Yesu. Ameni. (Kuti baikalako.)

<sup>2</sup> Munjelelekofye pakwisa uwacelwa panono, lelo Nacikwata ifintu ifinono ifyakucita, kabilo na bantu abalwele abengi nefyakwipusha amepusho ilyo Nshilati injise mu—mucikulwa.

<sup>3</sup> Kabili eico, ifwe tuli abansansa ukuba pano muno lucelo kabilo nokumona imwe bonse mwe bantu abasuma. Kabili Ndefwaya ukutotela abo...ifyo ifibusa ifyatutumine ifintu ifisuma, icabupe ku mukashi kabilo kuli...kabilo mu—munyina uwantumine imfuti yakwe iya mpombo. Shikulu Amupale. Ena ali...atile ena nakula kabilo tekuti afwaye ukubomfyia yena nakabili, kabilo alefwaya ine ukukwata yena; eico Ine—Ine icine cine ndetotela kuli ico...pali ico. Ilyo lyonse Ine ndi no mweo, munyina, kabilo ukufikafye nefyo Ningayafwa pa lwandi, Ndi nokuba nayena. Ine nshakatale njikata yena mukuboko kwandi kano Ine natontonkanya pali iwe nokupepelako.

<sup>4</sup> Nomba, ifwe tuli...Eico kuli ifintu ifingi ifyo ififwile fyacitwa ileelo, Ine nacitononkanya ukutila limbi ilyo Ndi pano Mfwile nakwatako amepusho nokwishiba ico icili pa mutima wa chalichi candi, yamo ayapusanako. Ine icine cine nacicita ico! Ninkwata amepusho ayengi ayo ayenga mfisha kukutampa kwa myaka Ikana limo! Ine nshacishiba ukutila kuti nakwata ayengi. Ni—Niikwata yamo ayali umwanda muno, kabilo kuli umwanda umo nangu yamo ayacisa muno lucelo. Eico Ine nshingaba uwakuyasuka yena, Ndetunganya, bwino bwino, pantu...Kabili yena—yena yali mepusho ayasuma, icine cine ayasuma.

<sup>5</sup> Nomba, yamo pali ayo tekuti yabelengwe pa cintubwingi, eico namwishiba, Nimbepusha...Nga cakutila ifyo Nshingalandia munshila iyapwililika...Fyena mafya ayakumine ulupwa kabilo...Imwe umfweni. Kabili Nde—Ndepusha ukukwata bonse babili umulume no mukashi

nokulanda pa mepusho ya pambali, eico Ine kuti nalanda kuli bena pambali palwa aya amafya. Fyena te fintu ifyabipa; fyena fintu ifyo ififwile fyapwa bwino mulupwa, mibeleye ya buntunse nefyo twenda ifyo ifwe... inshita twikala nefyaba ngefyo ifyo ifileta ifyo fintu ukubapo, kibili yena mafya ayo ayalola ku lupwa lwa buntunse; kibili yena yafwile yaasukwa. Kabilo eico, Ine ndi nokucita icili conse ico Ningacita ukwasuka yena munshila iyawamisha.

<sup>6</sup> Inshita shimo mukwasuka amepusho, cena cilaba icakusenda inshita iitali; kibili Nshilefwaya ukushapo nangu limo pali yena. Ine ndebula ilili Lyonse fye nokulilolekeshapo ngefyo Ningacita. Nomba, yena yalifye... Ine nacyabikafye mu mufuko muno, ukuyasuka yena, kibili—kibili nokubikapo Amalembo nga cakutila Ine kuti cafwaikwa ukuyabikapo yena, kibili—kibili nokubika ico bwino. Nomba Ine akasuba konse mailo, kibili necipandwa icikalamba ica bushiku bwafumineko, kibili ukutwalililakofye panono panuma ya kasuba nakatula muno lucelo... Kibili nomba Ninkwata icamiku ibili aya ayengi ukucilapo ayeshilie muno lucelo. Eico, Ine ndetontonkanya ico twalacita, Shikulu nga asuminisha, Ine nalayasuka yena ukufika apo Ine ningafika, mpaka ukufika munshita yacungulo, elyo nomba tusalangane, nomba twise tubwele muno munshita ya cungulo kasuba kibili—kibili ukwesha ukupwisha ayengi ayo Ningakwanisha munshita yabushiku, kibili nokumona nga cakutila Ine kuti nakwata... ukuyapwisha yonse. Kibili limbi Ine nshifwile namicusha inshita ntali munshita imo iikalamba iitali. Kibili Ndettontonkanya cena cilemipela inshita iyakufuma, nokutusha, nokupitulukamo panono, ukupemwinako nangu icintu cimo, kibili nokubwela nga cakutila kuti mwacita ifyo. Nga cakutila teti mucite ico, mulandu nshi, Munyina Fred Sothmann, Ndemonia, alebika ici pali tepu. Bushe filebikwa pali tepu? Nacilungama, ico cili bwino. Ee, bena bali mumuputule balebika pali tepu, kibili—kibili iyi tepu limbi kuti, nga cakutila cena conse cili icalungana imwe mwalakwata tepu; yena yalabikwa nokwitwa *Amepusho na Masuko*, pantu kuli yamo amepusho ayakosa icine cine muno kibili ne cintu cimo... Ayengi pali ayo yali pa masambilisho ya mu chalichi.

<sup>7</sup> Nomba, kuti Natemwa abantu ukwishiha ukutila inshita shimo mukwasuka aya mepusho, cintu cakosa. Cena cisenda ukusenamina ukwingi pakwiminina pano, nga cakutila imwe kuti mwaishiba ukutemwa uko Ine namikwatila imwe mwe bantu. Ine tekuti nande ico. Ine nshilanda ico nakubana bandi; Ine nshilanda mukushika kwa kutemwa kwandi—kwandi ku mukashi wandi ngefyo Mfwile ukucita, pantu Ine—Ine ndacinja cinja, kibili Ine ntwalililafye ukuya munshila imo iyaololoka. Kuliko icintu cimo ico Ningalangisha ukutemwa kwandi konse: uyo ni Lesa uwa Maka yonse. Kibili Na—Nalimutemwa

Ena pakubalilapo. Abantu bambi Nalibatemwa, lelo Nshi—Nshifwaya uku...Nshilefwaya ukonaula kulya ukutemwa uko Namukwatila Ena; lekeni ico cibe icakubalilapo. Eico kanshi, lintu Naasuka amepusho yenu, Ndayasuka nokutemwa mumutima wandi kuli imwe; lelo icintu cimo iciba kuli ine inshita yonse: uyo ni Yesu Kristu (mwamona?), munshila iyo Ena engasukilamo ico.

<sup>8</sup> Inshita shimo shimo Ine limbi kuti naasuka...Cena limbi kuti cacena, limbi kuti cakwebulula, kibili Nshi—Nshipilibula ukucita ico muli iyo nshila. Ngasuka ico nokukabila kumo, nga fintu Nacilanda, Kristu ukuba kuntanshi yandi. Kibili Ine mfwile ukwibukisha ukutila Cena ni Ena untu Ine...Ine ndi nokwasukako. Eico ukutemwa kwandi ukwa kubalilapo ni kuli Ena; ukutemwa kwandi ukwa cibili nikuli imwe mwe bantu, kibili eico Ine...I Chalichi cakwe ico Ena ashita no Mulopa Wakwe Wine. Kibili Ena icine cine alitemwa imwe ukucila pafyo Ena aitemenwe Umwine, pantu Ena aipele Umwine pali imwe. Nimwe mwecashitwa ica mu Mulopa Wakwe, kibili Nda—Ndacikata cena fye nokusakamana kibili necishinka nga fintu Ine naishiba ifya kucita. Lelo nomba, mukucita ico inshita shimo shimo imwe mutontonkanya ukutila, "Kulya kulanda kumo ukwabipa uko Ine...palwa...Kwena kubafye ukwabula ukushoka kibili ukwakufikapofye." Ine ncita ico na Ena mu mano yandi (mwamona?) ukwesha ukupanga, ukutila ico icashala...umuntu onse ukumonafye ico ukutila cena cifwile ukubafye muli iyi inshila. Cena taciba icili—icili conse icakucena nangu ukucila pakubafye uwashininkisha ukutila abantu bacumfwa bwino, kibili Ine ndesubila umuntu onse apokelela ico muli iyo inshila. Kibili nomba, muno ifwe tulesanga ifyo ifyaba mu mano yesu.

<sup>9</sup> Kibili ilyo Ine ndemona bonse bonse namulongana muno lucelo nafyonse ifyabikwa ukushinguluka, kibili Ndetontonkanya Natukwata ibumba ilicililepo mu—mu chalichi cimbi icikonkelepo. I chalichi cabashila banensu nacisenda u—umulabasa nangu icintu cimo ica—icakulanda pali lamya ukukuminkanya. Ico cili...Ukuya mu bwingi muli cily ichalichi mu lucelo, Ning'umfwa. Munyina...Nangu munyina umo alikwata i—i chalichi ico icakwata abengi ukucilapo uko ici ciletwalwa ukufuma muno ukuya muli cilya chalichi. Ico cili icakutila imwe tamuleinyanta pa makasa ya cila umo kibili nefintu ifili ku cibumba.

<sup>10</sup> Nomba muli ino nshita ya bushiku, Shikulu nga asuminisha, tufwile ukukwata...ifwe twalatampako bwangu munshita ya bushiku. Ndefwaya ukwipusha ba kakumba kibili ne—nebumba lya bakalamba nga cakutila bena kuti...Lekeni tutampekofye bwangu panono munshita iya bushiku, pantu abantu, bamo bali pano, kibili bafwile baensha intamfu iitali. Kibili Ndefwaya ukutampako ora imo mukubangilila munshita ya bushiku, nga

cakutila kuti twacita, kibili nokupwisha ico. Eico imwe . . . Lilya line fye imwe mwalya icakulya capakati ka mutwe panuma ya sikisi koloko nangu inshita yonse, mulandu nshi, Ndefwaya ukutampa. Mwamona? Ttile, imwe lyonse mutampa pa sebenisate teifyo? Lekeni tube, lekeni, lekeni injise pa cintamba pa sebeni. Mwamona? Kibili nomba pa eiti nangu naini-sate, nangu icintu cimo icili ngefyo, cileisa mipela inshita iya—iya kuya ku mayanda yenu nokuba abaipekanya pa mulimo wa mailo, nga cakutila kukaba ubushiku bwa mailo.

<sup>11</sup> Nomba, Shikulu abe pamo naimwe kibili nokumipala mubwingi, kibili Ine nalaisayamo lilya line fye kuno ukulongana kwapwa nokubulaaya yambi amepusho nokwesha ukuyasuka. Ine ninembapofye pali yena patunonofye—utunonofye utu pepala amashiwi nefili ngefyo, icakutila Ine kuti—Ine kuti . . . Limbi nalaba Amalembo. Nomba lintu Ine ndi mu muputule ndebelenga, nomba Ine (Nalitemwa ukubwekelamo muli yena ilyo ndi ku ncende kumo, kibili Ine ninkwata ifyo pano) kibili—nembelefye ifyo pacipimfyce pepala. Kibili eico, nga cakutila cena nimu—nimu mashiwi ayatantinkwa Mfwile nabula ico, nangu ukulondolola kumo ukwe shiwi, nangu ishina, Ine ndakwata ico icalembwa pantanshi yandi. Ine nshifwile ukuleta umwina wama buuku uukalamba nefyaba ngefyo; Ndacikwata palya.

<sup>12</sup> Nomba, nga cakutila ilipusho talili ilyakumisekesha imwe, ukuba, nomba Ine, limbi, Ine nimpanga icilubo. Mwamona? Ine—Ine—Ine kuti limbi nimpanga icilubo, pantu ifi fintu fye fili mukukutuluka kwandi ukusuma. Kibili Ndefwaya ba—bakapyunga abo abawkata inkuta shabo, nangu ulukuta ulwa chalichi cimo ico icingomfwako kuli aya amepusho . . . Ine nshilefwaya ici . . . Nga cakutila cena kulangisha kwandi pakufundisha kwenu kibili pa lwenu—lwenu—lwenu ulukuta, Ndefwaya ulukuta ukumfwikisha bwino bwino ukutila ici cakufundishafye cesu pano pe hema. Nshilefwaya ukucibika cena pa mabumba yambi aya bantu. Kibili Nde—Nde—Ndefwaya ukuba umwina Kristu mu—mu mutima wandi, ukutila Ine mfundishafye ifyo Ine nacetekelamo. Ine njiminina pakushininwa kwandi. Nga cakutila Ine kwaba ukumfwana pali ico, Ine ndi kafutuka kuli Kristu kibili myalu myalu kuli imwe; kibili Ine—Ine mfwile ukwiminina uwacishinka paco Nacetekela ukuba Icine. Lelo umuntu uuli onse alikwata insambu ukucita cimo cine. Lesa e Kapungula wa ifwe bonse.

<sup>13</sup> Nomba, ilyo fye tatulatampa, Nintontonkanya ukutila Mfwile nalumbula pali umo umusuma uwe lyashi lya kale, Paul Boyd. Imwe mwebengi mwalmiwishiba; ena esa pano pe hema. Afumine nomba line ku Yerusalem kibili aile sangwako ku Bulangisho bwe Sonde. Ena aba nganshi ka—kafundisha wa busesemo, kibili nikalandawa wapalyashi lya kale, umo pali abo abasuma ukucilapo. Ena ni munyina umo uwaba Mennonite,

ena *aali*, kibili alipokelela ulubatisho lwa Mupashi wa Mushilo. Kibili eico ena aliba ni cibusa wandi nganshi. Kibili ena lyonse alamona nokubula icintu conse ico Ine nalanda ukulola ku busesema, ukumona ukutila cena caisa fikilishiwa.

<sup>14</sup> Kibili nomba, nanembela pano (ilyo ali muno mu States nakabili), kibili cena cili pacipampa ca malyashi ayepi, Ndetontonkanya, muno lucelo. Kibili ena nanembela akapepala kamashiwi pano ukutila nabika mwipepala limo nangu icintu cimo nangu cimbi, pafya busesemo ubwacine. Kibili nalumbula pa cintu ica lenga fisano, Ndetontonkanya efyo cili, ukutila Namwene imyaka amakumi yatatu na itatu iyapitapo ukulola kufya kufikilishiwa ifya, ubuyantanshi, ukucila, pafya sayansi. Kibili onse pali imwe uuleibukisha, imwe mwalikwata ico. Naine nalikwata ico mu ma buuko yandi. Kibili necintu conse ico Shikulu alandile... anjeba, Ine ndalemba ico, ico ca cintu icikalamba pesamba... nangu icintu ico Ine ningeba abantu.

<sup>15</sup> Kibili Nacitontonkanya muno lucelo, ilyo tatulatampa ici... Aya temashimikilo, lelo ifwe tuli pano ukwikala capamo nokusambilila kuli umo nomunankwe pali ifyo ifyaba pa mitima yesu. Lekeni tubule ifi fintu fiwamishiwe nomba, ngefyo ifwe twapita mu Nkulo shama Chalichi nafimbipo. Ndetontonkanya cisuma ukwimininako ukwa kulongana nangu kibili, nokumona bwino, nokwishiha ifyo ifyaba mu mitima ya bantu, kibili nomba ukwenda ukufuma palya nokuya kuntanshi. Mwamona? Nomba kibili nokubwelelamo ukumona... ukumona mubutantiko ukwa—ukwa kubomba. Nga cakutila Shikulu asuminisha, Ndefwaya ukukwata ico pe hema ilyo inshita tailapita iitali, ukukwatafyе ukulongana ukwa tantikwa ukutali; namwishiha ico Ndepilibula, ukwa—ukwa masambililo aya lekana lekana; kibili ukutwalilapofye ukuya ku ntanshi mpaka Ena aisa nsenda nangu Naya muku mukumanya Ena, cimo. Mwamona? [Pali tepu tapali amashiwi—Kale.]

<sup>16</sup> Paul Boyd alilemba pano ukulola kuli filya ifintu cine lubali ifyo Namwene mu 1933, ifyo ifyali nokwisa fikilishiwa. Kibili ena alalolesha pali fyena mukutekanya, mufyakwishiha, ngefyo enga cita, pantu ena nikeshiba we lyashi lyakale. Kibili alamona pali ifyo, bwino bwino fye pafyo iwe walanda. Kibili ena alimona ifyo fintu ifyalandilwe imyaka iingi iyapitapo: palwa ifyo ulya Mussolini... kibili nefili nokumuponena ena, na Hitler, kibili nefili nokumuponena ena; kibili nefyo Communismu ili nokusenda fyonse fibili Fascismu na fyonse ifi; kibili nefyo—nefyo Siegfried Line ili nokukulwa, kibili nefyo abena America bali nokumwa palya (kibili bena tabakatale abasumina pali ico mpaka pa myaka ibilifye iyapitapo, kibili bena balikwata nefikope fyaba Gelemani palwa kwikatwa palya; kibili bena icine cine balyuminwe. Bena balefwaya... Bena balufishe mupepi na bankondo babo palya pene); kibili nefintu fyonse filya ifyacitilwe.

<sup>17</sup> Kibili nomba, cena pamo calanda ukutila, "Kibili cena cikesa fikilishiwa ukutila, ilyo impela tailaisa, ukutila ba motoka bakaba mumibele ya lini, ukuba cimo cine kwati nge lini." Kibili Namwene ulupwa lwa bena America luleensha mumusebo uukalamba muli ilya motoka...Bena baikele nabaloleshanya ifinso umo nomunankwe, kibili bakwete ne tebulo, kibili bali, balemoneka kwati, baleteya isolo nangu injuka. Kibili tabakwete icipindulwilo icili conse ica mipeto muli motoka. Kibili cena caletungululwa na maka yamo ukwabula icipindulwilo campeto. Nibanga abaleibukisha ine ukusesema ico (mwamona?), ico califika pano?

<sup>18</sup> Nomba, kulya ku Bulangisho bwe Sonde bena balikwata kale motoka bena baleshitisha. Pano pali...Yena ileshitikwa nomba; akampani kamo akakalamba nakakwata ayengi. Kibili uyu motoka, ili pano. Paul Boyd ali ibukisha ubusesemo, aloleshe mwi buuku lyakwe ico Nalandile, kibili akopele necikope mulya. Kibili cena cili palya, bwino bwino mumibele ye lini, nefipuna fibili ifyabikwa muli *ilya* inshila, kibili nefipuna fibili ifyabikwa *luno* ulubali, kibili netebulo ilya bikwa pakati ilya kuteyelapo injuka ne fintu pali lyena, bwino bwino fye.

<sup>19</sup> I Cebo cakwa Shikulu caba icalungama mukupwililika. Ico cali nimu 1933. Ico efyo cifwile ukuba...Natumone, ico kuti caba nicinshi? Imyaka amakumi yatatu na ibili iyapitapo, bushe ico tekuti? Muni nimu 64. Ee, amakumi yatatu...Ee, imyaka amakumi yatatu-na umo iyapitapo. Imyaka amakumi yatatu na umo iyapitapo Shikulu anjebele ine ukutila, kibili cena cili pano. Kibili akampani pano ako akashita yena; kibili u—utwampani twabamotoka ne fintu nafikwata ama motoka ayalepangwa nga yena. Bena kuti batungulula yena ukufumafye kulya kucisaka cabu kwati ngefyo, mwena tamufwile mwaba nangu ni namutekenya muli yena. Kibili pano yena yalipangwa akale, kibili cena cili palya naba motoka. Nomba, ico cili pacipampa cama lyashi ayepi kunuma, kibili imwe kuti mwabelenga ubusesemo nokumonafye ifyo Lesa wesi tapusa, ifyo i Cebo Cakwe...Ena atile, "Imyuulu ne sonde fili nokupita, lelo i Cebo Candi tacakafilwepo."

<sup>20</sup> Lolesheni fye, imyaka amakumi yatatu na itatu iyapitapo. Namwisha ifyo cili—ifyo 1931, nangu conse ifyo cena cali, motoka iya nomba ifyo ili nokumoneka; yena ili nokumoneka kwati cintu casungwa ica kale. Cena catile, "Cena cili nokumonekafye kwati lini, nokuba kwati lini." Ifyo fine, tapali nangu umo pano, Ndetunganya uyo uuleikala ileelo nangu pakati kesu uyo uwaumfwile ine nalanda ico. Cena cili...Imwe mwalyumfwa ine ndelanda ukupita munkulo, lelo...Ee, pano pali umwanakashi naikala. Mulandu nshi, Misisi Wilson, Ine nshacikumona palya. Uleibukisha ilyo ico cacitike. Ilyo e lintu ena aundepwe, alefwa kubulwele bwa cifuba ca Ntanda Bwanga (namayo, umulume wakwe

nomwana wakwe umwanakashi baishile kuli ine ukutila injé mupepelako) mpaka ena umulopa walefuma mpaka mu-mulusoso mwaiswile i—ifyakamantana ifya mulopa wapali pilo kibili nefintu ifyo umulopa walefuminako. Kibili dokota atile, “Tapali inshila iyakumulenga ena ukuba nomweo,” kibili nangu cibe ifyo... Ena aleesha ukulanda icintu cimo kuli ine ilyo talafwa, kibili nomulopa walefuma ukuya kumalangeti nemi shishibeti lintu ena ali palya lintu ena aleesha ukukola. Kibili Namufumishe pali bulya ubusanshi, kibili namutwele kumumana uwatalala pano, kibili na menshi aya menshi makasa, kibili nokumubatisha mwi Shina ilyakwa Yesu Kristu. Kibili cali imyaka amakumi-yatatu na itatu iyapitapo, kibili euyu ekele pano ileelo, acili no mweo, lintu abakalamba, abana aba bumi ubusuma, abengi pali abo balifwa. Mwaumfwā. “Ukusenamina ukwa kupapusha, ifyo kwena kumfwika ukusuma, uko ukwapuswishe icisasa icaba nga ine!” Ico cilelangishafye ifyo cena caba icapwililika ilyo cena caisa mukufikilishiwa lintu cena cili EFYA SOSA SHIKULU.

<sup>21</sup> [Nkashi alanda kuli Munyina Branham—Kale.] Ee, ico—ico nacilungama, Nkashi. Ee, mukwai! Abanakashi... Natile abanakashi bali nokuba abaonaika imibele munshiku shakule... Nomba, imwe namwishiba imyaka amakumi yatatu iyapitapo ifyo bena balefwala. Natile bena bali nokuba abaonaikilako mumibele, mpaka bena bakalaenda mumisebo nakasalufye aka kufwala pesamba. Kibili Natile, “Nomba cikesa fikilishiwa, ukutila bena bakaba abamusebanya, mpaka bena bakalafwala icintu cimo icimoneka kwati libula lya mukunyu.” Ine namwene ico, kibili nabawkata ico; kibili bena balefwala ico. Uku—ukonaikafye kwa banakashi kukafika pe samba nganshi ukuibwesha! Ifwe tekuti tuye pesamba apabipisha nomba; imwe tekuti tuye nakabili mucabipisha. Ena ali pampela! Mwamona, bena tabakatale ababa mukupwililika ubwamba. Iyo, bena...

<sup>22</sup> Nalishimikila ku bantu, abanakashi mu makana abo abashakwete nangu kamò akanono akakufwala pali bena (mwamona?), abaume imisepela, na banakashi imisepela, na bonse, lelo bena tabaishibe ukutila bali ubwamba. Mwamona? Benà tabaishibe ico. Kibili nenshila abanakashi bacitilamo ileelo...

<sup>23</sup> Nalelanda ubushiku bwafumineko kuli ba cibusa bandi bamò kulya uko twali ku mpili, kibili u—umwanakashi umusepela... Ine elyo napepelekofye umwana wakwe; ena akwete cipumputu; kibili no mwana alyundapwa. Kibili ulunono, ulupwa ululanda, kulya pa muulu wa cilindi, ibala ilinono ilya fwaka ilyashingulwike ing’anda, kibili nemiputule ibili mukati, kibili na bana cine lubali nangu cine konse konse... Ulya umwanakashi alabomba (oh, owe!), nesembefye ilyasalala kulya, aputaula inkuni ne fintu, kibili—kibili

nokulima mwibala linono, kabiili nokusunga ifintu. Kabiili Naloleshe pa mwanakashi umulanda, imifwalile imoine iyo alefwala pa mwaka umo nangu ibili, kabiili fyonsye fyaleisuka na fyonsye... Kabiili Naleesha ukusanga fimo ifyakufwala ifya kwa Meda mu mulungu wakonkelepo.

<sup>24</sup> Kabiili—kabiili twamwene abaiminine palya, niba munyina bamo kabiili na Ine, namayo alesungilila umwana wakwe. Ena afumishefye ibele ukufuma pali ena—pali ena—pali ena mucakufwala nokupela umwana; kabiili cena cali icintu icakusungusha pakashita akanono; uyo wine emusango ba mayo wandi bansungilemo! Ico caliba icalungama bwino.

<sup>25</sup> Ine nalikwata umucinshi uukalamba pa mwanakashi mu musango ngoyo ukucila ngefyo Ncita ku banakashi bamo abo abakutila atintafye akatambo akakale pesamba lyabo nokuiposa bema beka palwabo. Tabamoneka kwati bantunse. Bena balakwata ico bemininapo pakucita ico; ifyo fyakuulungana, ifyabulamo lesa. Umwanakashi alafwala ifyakufwala ifingi akabiili alesha palwakwe ukumoneka kwati cintu cimo ico ena taba... Ine... Mulandu nshi, abanakashi tababa—tababa icine cine muli iyo nshila; cena caba camusango umo icintu ca mu Hollywood. Kabiili nomupashi wakwa ciwa uya pali bema abanakashi ukubalenga bema ukwesha ukucebula abaume ukutila bapose amano ukupitila mukuulungana. Ibele ly mwanakashi lyapelwe kuli ena ukusungilako umwana. Ico nacilungama bwino. Umwanakashi alilungama mu nshila yabusensi, lelo ena alibikwa munshila bwino. Ine nalikwata umucinshi uukalamba pali ico, kuli ulya umwanakashi muli ico, pantu ena... Iyoine e nshika ba nyina bamukushishamo; e nshila... Bena—bena tabatala—tabatala abaposako amano kuli ico. Umwana asungilwe bwino kwati cikope cakwa Madonna ico imwe mumona. Kabiili nga cakutila abantu kuti babika amano yabo ngefyo, cena cili nokuba icapsanako.

<sup>26</sup> Lelo lintu imwe mwaisa nokutwalililapo kunse kabiili limbi mwafwala icacilapo nge bulaushi nangu ifyaba ngefyo, kabiili nokuimya palobe we mwine kulya ne ntambo ne fintu, ifyo ifimoneka ukubulamo lesa kabiili ukulenga abaume... Bushe imwe muleluka ukutila ulya mupashi uwakwa ciwa pali imwe? Eico imwe tamufwile ukucita ico, nkashi. Tamufwile ukucita ico; iyo mipangile iyaku Hollywood kabiili citeyo icakwa ciwa! Lintu wacita ico, iwe ulalenga abaume ukukwata ukutontonkanya ukwalubana pali iwe; kabiili lintu iwe wacita ico, nomba ninshi iwe uli nomulandu uwakucita ubucende naulya umwaume, pantu iwe waipele we mwine kuli ena muli iyo inshila. Iwe teti ucafwilishe iwe munshila wapangilwamo, lelo iwe kabiye fye nokwikala mu musango Lesa akupangilamo. Mwamona? Iwe taufwile ukwesha ukupanga we mwine icintu cimo ico tawaba. Iwe wikalefye umuntunse. Ico cintu cabipisha? Ukuba limbi ico ca asuka amepusho yamo aya muntu umo pambo.

<sup>27</sup> Mwe Taata wesu, ifwe twamitotela Imwe ileelo pali Yesu Kristu kabi napa kutambalala ukwa Cebo. Ngefyo Ine ndemonia Imwe mukupwililika ukupanga amashiwi ayo ayesa mukufikilishiwa, cena cilenga ine ukuba uwaipelesha mukwikala pamo ne Cine kabi ne cebo conse ica Cine. Eico Napepa, Taata, ukutila Imwe mwalatupala muno lucelo, pali aba abantu abatemwikwa. Kabi nokwishiba ukutila iyi tepu ili nokuya mu ncende ishingi umo bali nokumfwa nangufye nikulya ukulanda uko nombafye ukwapangwa... Ine nshaciba... te cintu cimo ica cipekanishiwa; Imwe namwishiba umutima wandi. Cena caisa fye mu mano yandi, kabi Ine nincetekela Imwe mwacilafwaya ine ukulanda ico. Kabi Ine nacilanda ico, kabi cena capwa nomba. Kabi—kabi ico bwino bwino ekushininwa kwandi kabi neco Ine ncetekela Mwacilafwaya ine ukutila nande.

<sup>28</sup> Lekeni umwanakashi onse uuli nokumfwa ico ukuya monse mu fyalo kabi nokushinguluka icalo nesonde; lekeni ena engaba uwanson pa lwakwe nokumona ico icacitika, kabi ukutila engafwala pa lwakwe nga namayo nomba, ukutila ena eba uwasekwaa pakucita ubucende. Umusuma, icibumbwa catemwikwa nga Iwe ico apela, ukuba ulubali lwa mwaume, ukuba muli uyo musango uku—uku—ukucebula imibe yakwe ukubwelela kuli ico, bena babili ukuba umubili umo, pantu ena afumine mu mwaume. Napepa, mwe Lesa, ukutila namayo alailuka ukutila ubusuma bwakwe nefyo ena aba, fyabafye kumulume wakwe. Fikilisheni ico, Taata.

<sup>29</sup> Twaipusha ukutila Mwalatwfwihsa nomba ilyo tuleesha ukulondolola aya amepusho. Ifwe tatuli abalingilwa ifi fintu, lelo lekeni Umupashi Wenu uukalamba wise, Shikulu, ico icili ukulinga kwesu; kabi lekeni Cena casuke amepusho mu mitima iingi. Tulemitotela Imwe pacu Imwe mupele kuli ifwe: *Inkulo Sha Chalichi*, kabi Ne *Fikakatikilo*, kabi ne... Oh, ifyo Imwe mubombele pamo naifwe mufintu ifikalamba ifya maka ifyo ifili ifikalamba kuli ifwe, Shikulu, pantu ifwe tulemona inshita yamu kulekelesha mupepi.

<sup>30</sup> Nomba, ku... natontonkenye ukutila cena cali icatunguluka nangu cikaba icatunguluka ku Bufumu Bwenu nga cakutila Ine nabebeta pa bantu. Imiku iingi pesamba lya kusubwa kabi nokumona ifintu ifingi ifya lekana lekana, kabi iwe tekuti uipeleshefye pali cimo pali fyena; eico mukutontonkanya—Ine nalekelefye balemba ifyo baletontonkanya mumitima yabo. Kabi nomba kuti Nalondolola amatontonkanyo yabo ukufuma pacipandwa ce pepala apo bena balembale, kabi nomba Imwe ukutupela ubwasuko ubwalungama. Ifwe bonse tulelolela, Shikulu. Iseni mukubapo kwesu, Shikulu, kabi endaukeni ukupita pakati kafipuna, kabi mubombele pali cila umo umwabela ubufwayo Bwenu. Twaipusha mwi Shina lyakwa Yesu. Ameni.

[Pali tepu tapali amashiwi—Kale.] Terry, Ine . . . bushe Ine . . . Bushe ico cicili cileisa, uko pali munyi- . . . Ine nacikatapo . . . Bushe ici nacilesha ico, nangu icili conse? Cena tacileseshe munyina. Ine nacikatapo pali cena nokuboko kwandi. Nshacishiba.

<sup>31</sup> Nomba, ngefyo Ndelanda nakabili nomba, ilyo twatampa, kuli—bonse bakapyunga nangu abantu mu ncende ishalekana lekana isha calo, nangu bonse abo abali nokumfwa kuli tepu, imwe muli—imwe muli . . . Tepu ilifye bwino: aya mepusho ayali pa mutima ya bantu abesa pano pali lino ihema, apo tatwakwata icilonganino, lelo tukwatafyen isenge ilya umo nomunankwe. Kibili Ine nincetekela ukutila cena cili nokuba i . . . icakuwamya amatontonkanyo yesu, ukutila ifwe twalaishiba ifyakucita kibili nokwishiba ifyo tufwile ukwikala bwino panuma yamepusho yesu nayasukwa. Ine ninjishiba, ukuyabelengafye, cena cali lipalo kuli ine.

<sup>32</sup> Nomba, Njakwetefye yatuleme pano mumwina, kibili Nalamona muli bamineti basano mpaka ukufika pali twelufu, Nalamisalanganya. Kibili nomba, mubwele muno cungulo kasuba pa sikisi-sate.

Ilipusho lya kubalilapo Nkwete, Nincetekela yena yali yasano nayatantinkwa, yalembelwe mukutaipwa pa cipandwa ce pepala lya mutuntula.

**236. Bushe ici cilepilibula cinshi? muli Mateo 24:19: “Akalandu kuli abo abakaba pabukulu, kibili nakuli abo abakalaonsha muli shilya inshiku!”**

Kucakupapusha, ukukana ishiba ukutila, Naciba nokulanda ici palwa mwanyakashi, kibili pano epo cili pali ino nshita, mulipusho lya kubalilapo.

<sup>33</sup> Nomba, muli Mateo 24:19. Yesu bamwipwishe amepusho yatatu. Muli aya amepusho mwali ukutila: Ikaba ninshita nshi ilyo takwakabe libwe ukuba pa libwe linankwe? kibili, Cikaba cishibilo nshi ica kupwa ukwa nshita ye sonde? kibili—kibili amepusho yatatu ayapusana pusana Ena ali—Ena ayo bamwipushe. Kibili Ayaswike munshila shitatu ishapusana pusana, aaswike cila ilipusho. Nililali cikaba ilyo takwakabe libwe palibiye? Kibili cili nokuba cinshi icishibilo cakwi Kobe? Kibili cikaba shani icishibilo ica mpela ye sonde? Kibili Ena ayaswike munshila shitatu isha pusana pusana. Ena abebele lintu inshita ikesa lintu tatwakabe libwe nangu limo ilikaba palibiye; Bushe cishibilo nshi icikabapo pakwisa Kwakwe; kibili nomba, pampela yesonde. Kibili imiku iingi nga cakutila imwe tamulemona bwino bwino, nomba, ifyo ico Ena aaswike (mwamona?), kuti wakwata ico icasakanishiwa nokucibika munshita imo; kibili nomba iwe wabafye uwafulungana.

<sup>34</sup> Nomba, tekukana pela umucinshi ku besu—ku besu ababwananyina ba Adventisti abo abasendafye ico ukuba ku

ntanshi. Ukwingila muli lilya isambililo ilya bushiku bwa cine lubali ukutila: "Mupepe ukutila ukusendwa kwenu kwikaba munshita yampepo nangu pabushiku bwe Sabbath," atile (mwamona?), bena kukaba ukusunga i Sabbath. Tekucibika pali balya ababwananyina, abo abashili nokuba nemibebe iya bwina Kristu ukucita ico, lelo kucibikafye cena icatambalala. Mwamona?

<sup>35</sup> Musango nshi untu abena Kristu bonse isonde lyonse bengalongana mukati akacibumba, kabilo ifibumba tafyaisuka nangu ukwisalwa nga fintu fyali lilya. Mwamona? Bulekano nshi ubo cena cili nokupanga, ukutila nangula ilya yali ninshita ya mpepo nangu iyalusuba ku bantu abo abaikele mu ncende iyakaba. Mwamona? Cena cali fye kuli Israeli eka. Iyo eikaba inshita ilyo takwakabe ilibwe ilikekala palibiye. "Akalandia kuli bena abo abakaba pabukulu, nakuli abo abakalaonsha muli shilya inshiku," pantu nyina uyo uukaba pabukulu (mwamona?), cikaba icakosa kuli ena ukubutuka, kabilo nakuli abo abakalaonsha abana babo pakubapapa munuma, pantu bena bali nokufumina ku Yerusalem ukufuma mumusumba ukuya mu... pamuulu mumpili isha Yudea.

<sup>36</sup> Kibili nomba, Ine kuti naikalafye ulucelo lonse pa cintu cimo, ukucipangafye cena icaumfwika bwino; lelo Nalaeshafye ukulanda pafikomo ifikalamba ifyo Ningacita, mpaka cena cifike nakubantu, kabilo nomba ukuya palipusho lyakonkapo.

<sup>37</sup> Nomba, Yesu alibebele ukutila bali no... "Lintu imwe mukamona Yerusalem ashingulukwa nabankondo, nomba lekeni ena uyo uuli mwibala, ukutila tabwelele mu musumba ukuya bula ikoti lyakwe, ukusenda icili conse ukufumya mu ng'anda yakwe; tafwile ukubwelela mumusumba nakalya, lelo abutukile mu Yudea, pantu kuli nokuba inshita yabwafya iishatala aibako ukutula apo isonde lyatampila." Kibili filya fyonse fikesa fikilishiwa munshiku lintu umukalamba waci Roma uwa bulwi, Tito, akashinguluka Yerusalem, nokoca umusumba, kabilo kwalifye... kabilo nokwipaya abantu mpaka umulopa wafumine pampongolo nokukunkuluka ukufumina mu... ukufumina mumisebo. Ena aushingulwike. Nshishibefye myaka inga ico cali, ukutila ena abulilefye aba bulwi bakwe nokwisa panga inkambi ukushingulukafye umusumba. Kibili nangufye abantu, abanakashi, baipike abana babo nokubalya, nokulya ifipapa fya fimuti, ifyani fya panshi. Ico cali pakukana i Cebo. Ico ecalengele ico. Kibili nomba...

<sup>38</sup> Nomba, bonse balya abapokelele i Cebo, nga Yosefasi, umukalamba uwaishibe ilyashi lyakale alembele... Ena abetile ukuba abantu balya abantu banabo, atile bena balelya umubili wa Muntu uwitwa Yesu uwaku Nazareth, Untu Pilato atanike; kabilo baishile munshita yabushiku nokwiba umubili Wakwe, kabilo aba bantu bausendele nokuupputaula mufipimfyaw noku ulya wena. (Bena balelya Umulalilo, mwamona. Bena

tabaishibe.) Ilyo lyalifye lyashi ilyalepitano, ngefyo bakwata ileelo palwa ifwe napali bonse abashala abena Kristu. Mwamona? Bena balalandi ifyo ifintu, lelo . . .

<sup>39</sup> Nomba, balya abantu abali . . . Umulandu, “Mupepe ukutila ukusendwa kwenu kwikaba munshita yampepo,” Yudea yashingulwikwe nemfula yabuuta. Mwamona, pa Ciminshi minshi? Nomba, nimu musango nshi untu Yesu afyalilwemo kulya lintu mumpili mwali imfula yabuuta? “Mupepe ukutila ukusendwa kwenu kwikaba munshita yampepo, nangula pabushiku bwe Sabbath,” mwamona, pamulandu wakweba ati bushiku bwe Sabbath impongolo shaleisalwa, kibili bena kuti babekata mulya mwine muciteyo cabu. Nga cakutila Tito aile kulya pa—pa—pa Cisano mucungulo kasuba, bena baisalwilwe mulya pe Sabbath, pantu ifi fyaiselwe. Impongolo shaiselwe pa bushiku bwe Sabbath kibili tashaiswilwe. Takwali ukwingila nokufuma mumusuba pabushiku bwe Sabbath.

<sup>40</sup> Kibili nomba, mwamona icacitike? Nomba Atile, “Akalandi kuli abo abakaba pabukulu, kibili nakuli abo abakalaonsha muli shilya inshiku,” (mwamona?) pantu ukufuma nokubutuka . . . Kibili umwabela ilyashi lyakale, takwali umo pali bena uyo uwacetekele muli Yesu kibili nokucetekela i Cebo lelo balemona pali ico icali nokucitika. Kibili bena babutwike, kibili nokuya ukufuma mu Yerusalemu nokuya mu Yudea, kibili—kibili babutwike ukusunga imyeo yabo, kibili teumo pali bena . . . pantu bena balibasokele kuli Kacema wabo kibili alemona pali ilya nshita ukufika. Lintu bena baumfwile ukutila Tito aleisa, babutwike, ukusunga imyeo yabo, kibili bafumine namu musumba.

Nomba, ilipusho limbi ilya konkapo.

**237. Mateo 24:24: “Kibili kukema bakasesema wa bufi, naba kristu wa bufi, naba kasesema wa bufi, kibili bakalangisha ifishibili ifikalamba ne fisungusho.” Bushe nimu musango nshi ifwe tuli nokubeshibilamo?**

<sup>41</sup> “Kuli nokwima . . .” Muli ico nomba imwe muleisa nokwingila mu nkulo imbi. Mwamona? “. . . ukwima kwaba kristu wabufi kibili bakasesema wabufi.” Uwabufi kristu akwata ukusubwa kwabufi, pantu Kristu ni ulya u Wasubwa. Nibanga abaishiba ukutila Kristu cipilibula “Umo uwasubwa”? Kukaba bambo abo abasubwa ababufi, kibili bakalaita abene palwabo bakasesema. Lelo nimu musango nshi imwe muli nokubeshibilamo? Kupitila mu Cebo; ifyo efyo imwe muli nokwishiba bena, kupitila mu Cebo, bnangula bena bali abalungama. Nimu musango nshi ifwe tuli nokubeshibilamo? Cikaba ukupitila mu Cebo. Nga cakutila bena bali . . . Nga cakutila bena balelanda ukutila balikwata i Cebo, kibili nomba balekana i Cebo, nomba ninshi takuli nangu cimo kuli cena, temulanda nefyo bengacita. Bena limbi kuti baundapa abalwele;

bena limbi kuti balenga impofu ukumona; kibili nokukana i Cebo, fumako kuli ico. Nshilesakamana pali ico ifyo cili, ikala pamo nacilya i Cebo temulandu nefyo cena cili (mwamona?) pantu imiku iingi Nalimona ifya muti nemisango yonse iicitwa pesamba—pesamba lyabundapishi.

<sup>42</sup> Pano pekele Munyina Sidney Jackson, Nkashi Jackson muno lucelo ukufuma ku South Africa. Ena kuti aiminina pano nokubula ilyo isambililo kibili icine cine nokumweba ifintu fimo palwa ico kulya. Mulandu nshi icine cine, abantu baya kutulubi kibili balondapwa. Mwamona, pamulandi wanshi?

<sup>43</sup> Pamofye nga Dokota Hegre ankalipile nganshi ilya inshita, ilyo nalandile ukutila ciwa tekuti ondape. Kibili cena catile, “Umuntu uwiminina ku cinso ca bantu abengi nga fintu iwe ucita, kibili ukukana ishiba ifyamippepele,” atile, “alandile ukutila ciwa tekuti ondape.” Atile, “Ifwe twalikwata umwanakashi ulya umwina mupalamano wesu alasenda icakufwala pakwipika aikubanya, nokuya palya; kibili nabantu balesa ukumushinguluka kibili bafwile babika ulupiya muli ici icakufwala pakwipika; nomba ukulupukuta lwena nokubula umushishi ukufuma mumutwe wakwe nomulopa ukufuma mumishipashipa yabo kibili—kibili ukubika lwena mu mishishi nokuluposa kunuma yakwe; kibili ena balamlesha ukupilibuka ukulolesha kunuma, pantu ubulwele kuti bwabwelela pa bantu. Kibili,” atile, “sate pasenti ya abo balapola. Kibili nomba iwe watila iciwa tacundapa?”

<sup>44</sup> Kibili Natontonkenye ukutila, “Oh, owe!” Nalembele ukumubweseshamo, kibili Natile, “Mwebatemwikwa mukwai:” Natile, “Cena cintu iceni kuli ine ukutila umukalamba uwa pa college ya Lutherani kuti ashintilila amasambililo yakwe aya mipepele pacakwishiba mucifulo ca Cebo cakwa Lesa.” Mwamona? “I Cebo cakwa Lesa calanda ukutila Satana tekuti atamfyе Satana. Ico capwisha ico; Yesu efyo alandile.” Nga cakutila Satana...kuti Atila, “Nomba imwe kuti mwasunguka ifyo abantu bondapwa ukupitila muli ico, muli ilya indoshi, pantu abantu palwabo abene batontonkanya ukutila balepalamina kuli Lesa ukupitila muli ilya indoshi. Kibili ubundapishi bushintilila pa cicetekelo, tekushintilila pafyo iwe waba uwalungama, ifyo waba umusuma, imiku iyo iwe usunga amafunde, nangula conse ico cili, cena cishintililafye pa cicetekelo. ‘Ifintu fyонse kuti fyacitwa kuli abo abacetekela!’ Mwamona? Cena tacishintilila pafyo iwe waba umusuma. Ine nalimona bacilende baisa kucintamba nokundapwa palya pene kabilo no mwanakashi uwashila palya pacintamba acipusa cena. Icine cine, cena cishintilila pacicetekelo, ‘Nga cakutila iwe kuti wacetekekela,’ tepabulungami.”

<sup>45</sup> Lolesheni muno mu France uko bena baya kuli lulya ulufuba ulwa ulya umwanakashi, baya mulya pamipando yakwensha kibili nokufumamo baleenda, tecaintu nangu cimo leelo

mukupwililika pafya buloshi, nga cakutila kuti kwaba icili conse, ifya mipashi, ukupepa umuntu uwafwa. Mwamona? Kabili cibe balondapwa, pantu bena batontonkanya ukutila balepalamina kuli Lesa. Nomba, tekubwesesa pansi abantu ba Katolika, Ine ndebwesesa pansi imibombele yaba Katolika, kwaitifye Ine ndi mibombele yaba Protestant (mwamona?), fyonsse ifi ifintu.

<sup>46</sup> Nomba, bakapyunga, Ine ninjishiba ici calaisa lepukila mukati, lelo Ine ndeasuka amepusho; kabili Ndefwaya—Ndefwaya imwe mukutuluke ico (mwamona?) Ine nde—ndemyeba Icine ukufuma mu mutima wandi; Kristu ku ntanshi yandi ukwishesha kwandi ukwawamisha. Mwamona? Yena mibombele yonse, kabili yonse ilya imibombele yalicena abantu kwati... Abantu bayo mukuyampanya naba Methodisti, Baptisti, Presbyteriani, Pentecost, Katolika; kabili bena batontonkanya ukutila balepalamina kuli Lesa lintu bena baleyafye ukupita mu mibombele. Lesa inshita shimo shimo alacicindika nokusenda ayabo—ayabo amalwele ukufuma pali bena ukupitila mutulubi. Ukuba, mulya mwine muli ba Hottentot aba mu Africa bena balapokelela ubundapishi mutulubi nefyaba ngefyo (mwamona?), lelo bena batontonkanya ukutila balepalamina kuli Lesa.

<sup>47</sup> Imwe mutontonkanya ukutila sisita wamu Katolika aya mukuyampanya ku—kwi bumba lyaba sisita bamu Katolika pantu ena alefwaya ukuba umwanakashi uwabipa? Ena ayampanya kuli lilya ibumba lyaba sisita pantu afwaya ukuba umwanakashi umusuma. Umwaume taya mukuyampanya ku chalichi ca Katolika ukufwayafye ukuba umwaume uwabipa; ena aya mulya mukuyampanya ukuba umuntu umusuma. Iwe taufwile...Ukulanda ukuti, “Ukuba, cinshi ico?” Nangula balya...nangula umwina India mu India, nangu umu Hindu ukuyampanya kuci Hindu ukuba umuntu uwabipa.

<sup>48</sup> Lintu Naile mwitempele lyaba—lyaba Jains, umo Ine banjipwishe amepusho kuli ulya shimapopo, kwati ni papa uwikele pali pilo iikalamba, amakasa yakwe nayakakwa pesamba lyakwe, naikata ifikondo fyakwe, nokumona ukwaba ifyo ukutila ena alembelie icakupashanya ica Malembo yamu Malumbo 23 nelinsofye ilimona nangu icipimfyacacela ico icali ica cepapo pa...tecaculapo ukucilapo pali kota ya inchi. Nomba, kabili cena nacicila pakutontonkanya kwa buntu nse ukulemba ico, kabili acipampamike cena palya na menso yakwe aya cifyalilwa; kabili ena ali muntu uwa myaka amakumi yane iyakufyalwa nangu icisumapo. Mwamona?

<sup>49</sup> Mulandu nshi icine cine, imwe—imwe mwikalafye ukushinguluka pano, mumfwafye palwa ba Methodisti, Baptisti, Presbyteriani; imwe mulingile ukuya kunse nokuya ingila mu mabala yabu minshoni pansi imo. Ukukwata ifintu ifyakwisula amenso yenu! Mwamona?

<sup>50</sup> Nomba, imwe mutontonkanya ukutila bonse bena ba nkashi abekala palya; bena tabakatale...ben a tabakaleipika; bena tabakalye; bena bafwilefye balomba babapela icintu conse ico bakwete. Bena tabali...ben a bakalapanga utukolopo tunono na maboko yabo ukuwamya ububensi nefintu ukufuma pamusebo, pantu bena bacetekela mukwingila muli cimo; bena limbi kuti balaonaula ukwishibana kwabo. Bena tekuti banyante pa bubensi, ukwipaya ba lunshi, nangu icishili nangu cimo; kibili bena teti bafumyeko nokushishi ku mwele wakulepwilako pa munwe. Lekeni umuntu afwe, pantu bena baipaya akashishi; cena kuti caba cab...balupwa lwabo bambo balebwela. Mwamona? Iwe kutwalililapofye ukuba bwino, kibili bwino, kibili bwino; mukulekelesha, waba umuntu nse, umuntunse umusuma, kibili ukutwalililapo kibili ukutwalililapo kwati, mpaka waba lesa. Ukutwalililapofye, kibili ukutwalililapo, kibili ukutwalililapo, ukulashinguluka, ukuwaminako nokuwaminako.

<sup>51</sup> Nomba, tabacita ifyo ukuba abantu ababipa. Bena bacita ifyo nabucishinka, lelo mwamona, "Kwaliba inshila iyo iimoneka iyawama ku muntu." Kwabafye icintu cimo, abantu, abo Naishiba ukumyeba imwe nge—nge bumba muno lucelo pali aya amepusho, Cebo, i Cebo cakwa Lesa. Nomba imwe mwacetekela ukutila Yesu Kristu e Cebo, kibili cilya i Cebo calipangwa umubili nomba pakati kesu, ukufikilisha bwino bwino ico Ena alandile ukutila Ena ali nokucita muli ino inkulo. Nacilungama.

Nomba, ifyo efyo mwiningabeshiba bena, teku chalichi cab, teku masambilisho yabo, teku cishibilo cab, temu filonganino fyabo, tekubundapishi ubuli bonse, teku cintu icili conse, lelo kupitila mu Cebo. Mwamona?

**238. Mateo 24:26 (ilyakonkapo) lilelanda pa “muputule umo” kibili “mu ncende shamu matololo.” Bushe ici cileplibula cinshi?**

<sup>52</sup> Cena cileplibula ukutila kukaba ba mulwisha kristu, ba mulwisha ukusubwa konse, nefyaba ngefyo. Kibili bushe bu *mulwisha* ni cinshi? *Mulwisha* ku “kanako.” Cena cikaba nifi fine ifibumbwa fimo fine ukulwisha i Cebo. “Kibili bena bakaba muciswebabe kibili na mumuputule uwa mubumfisol.” Nomba Ena atile, “Mwikakonka ico. Mukafumeko kuli cena.” Mwamona?

Nomba, ilipusho ilya lenga ciine:

**239. Mateo 24:28: (Umuntu aleisa aleikila pansi. Bena tababikilepo neshina lyabo; emukwai bena bacitile ico. Njeeleniko. Ine nshaite aya amashina, pantu cena tacili icakabilwa. Mwamona?) Mateo 24:28: “Pantu konse ukuli umubili, kulya ekuba ba kapumpe nabalongana capamo.” Ninani umubili kibili ba kapumpe nibanani?**

<sup>53</sup> Nomba, ilyo lipusho ilisuma, tapali nangu cimo icilubene pamo neco! Bushe umubili ni cinshi? Umubili e cintu ico ba kapumpe balyapo. Nomba, kapumpe bamu tontonkanyapo muli Baibele, ni kasesema. Kasesema e kapumpe. Lesa—Lesu umwine pa Lwakwe aita kapumpe, kabili ifwe tul “bana bakwa kapumpe” nomba, a—abacetekela. Namwishiba? Kabili mubili nshi untu bena balyapo? Cena Cebo. Konse uko i Cebo cili, imibele iya cine iya cuni ili nokui langisha iine palwaiko. Mwamona? Kapumpe, untu afwaya inama iipyga, ena awfile akwata inama iipyga iyakwe. Ena te—tekubi (mwamona?), ena ni kapumpe. Imwe teti mupele ifintu fya mucilonganino kuli ena; ena awfile akwata icakulya cakwa kapumpe; iyo e nama iipyga nganshi, tecilya Mose acitile, tecintu ico umuntu umbi acita, tecilya Sankey, Finney, Knox, Calvin, lelo nombaline, Inama iyo iyaipaiwa iya bunu ubushiku. Kabili ulo elubali ulwakwa Kristu ulo ulwafwile ukupanga ici Cebo ukuba icashininkishiwa. Ico eco bena balyapo. Cumfweni? Mwamona, mwamona?

<sup>54</sup> Tecilya ico Noah acitile, tecilya ico Mose acitile, fyena fyakumwenako; tulamona nokubelenga ico bena bacitile, lelo cena nicilya ico Ena alaile ukucita nomba. Ena ali Cebo kulya kunuma; ulya ewali u Mubili waulya ubushiku. Ubushiku ubwakwa—ubwakwa Wesley bwali mubili bwa bulya bushiku; ubushiku bwakwa Luther bwali mubili bwa bulya bushiku; lelo bena tababwelela kunuma kuli cilya. Ico kale kale calikoweshiwa. Cilya icashelepo cifwile caocewa, ica Mulalilo nangufye; tamufwile mwacisunga ukuya mu nkulo iyakonkapo. Baibele Yatila lintu imwe mulelya Umulalilo, ifishalapo kuli wena, tamufwile ukufileka fyafika mulucelo; fyoceni. Eico mulesontelelakofye kuli ico kunuma? Iyo, mukwai! Ifwe twalikwata i Cakulya icipya ileelo; ico e Cebo ico icalaiwa kuli ino nshita, cibe icasokololwa muli ino nshita. Uko ekuba bakapumpe, kulya ukuli umubili. Ifwe kuti twaikala pa nshita iitali pali ico, lelo Ine ninshininkisha ukutila imwe namumfwa ico Ndepilibula.

Nacilungama, ilipusho lyalenga fisano:

## 240. **Bushe Nabwinga akalongana capamo muncende imo pa Kusumbulwa, kabili bushe cikaba ni ku Mboshi?**

<sup>55</sup> Iyo, cena tacifwile ukuba kulya. Ee, Nabwinga ali nokukolongana capamo muncende imo. Ico cacine, lelo kanofye ukusumbulwa kwafika. Mwamona? “Pantu ifwe fwebali aba mweo kabili abalipo ukufika kukwisa kwakwa Shikulu...” Abena Efese, nangu, abena Tesalonika wa Cibili chapitala 5, Ine nincetekela efyo cena cili. “Ifwe fwebali aba mweo kabili abalipo ukufika kukwisa kwakwa Shikulu tatwakatangille (nangu tatwakeshe) balya abalala utulo (isonde lyonse); pantu ipenga lyakwa Lesa likalila, kabili nabafwila muli Kristu bakema, kabili tukolwilwa capamo pamo nabena ukuya mukukumanya Shikulu mulwelele.” Eico, Nabwinga onse akaba capamo lintu

Ena akaya mukukumanya Shikulu. Mwamona? Ena akaba capamo, lelo ico tacileplibula ukutila ifwe...bena bafwile ukwikala mucifulo cimo kwati ngefi; pantu Nabwinga nalala mulukungu lwamu mushili monse mwi sonde, ukufuma ku Arctic ukuya kuncende shakaba, kibili ukufuma—ukufuma ku kabanga ukuya ku mboshi, ukufuma ku kapinda ka kukuso ukuya ku masamba.

<sup>56</sup> Yesu atile, "Lintu u Mwana wa muntu akamoneka," mulandu nshi atile, "cena cikaba kwati lubuuto lulya ulubengeshima ukufuma ku kabanga ukuya ku mboshi." Icintu conse, kukaba ukubuka, Ukusumbulwa, kibili Ena akaya. Kibili ilyo Ena talatifye aye muku Mukumukumanya...

<sup>57</sup> Moneni amano yakwa Shikulu. Nomba, lekeni tutile, mucakumwenako, mukulanda ici...Ndelanda ici ukupitila mumatontonkanyo yakusenamina necicetekelo mu Cebo, ico Ine ndelanda ukutila "ifwe." Ndeibika pamo naimwe bonse kibili Ine—kibili pamo no Mubili onse uwakwa Kristu, isonde lyonse. Ine na—Ine nacetekela ico. Lintu Natila "ifwe" nomba, Ndepilibula, ukupitila mukusenamina Na—Na nacetekela ico. Kucicetekelo Ine nincicetekela ku kusenamina Kwakwe, ukutila ifwe tukaba pakati kabalya abantu abo abakasumbulwa.

<sup>58</sup> Nomba, icintu icakubalilapo icikacitika lintu ifwe twabuka...Bamo balya abali no mweo bena bakabafye filya fine...Ukubuka ekukabapo mukubalilapo, ukubuka kwa balya abalala. Kukaba inshita ya kubuka, kibili bonse balya abalala mulukungu nomba, tebalya bonse abalalila mulubembu, pantu bakatwalilila ukulala ifyo fine. Tabakabuke panuma ya myaka ikana limo. Lelo bonse balya aba—abalala mulukungu bakabuka mukubalilapo, kibili bena bakaba...iyi imibili iyaonaika ikafwala imibili iishifwa mu kusumbulwa kwa kusenamina ukwakwa Shikulu. Kibili nomba ifwe bonse tukaba capamo. Kibili lintu bena bakatampa ukuba capamo, nomba ifwe fwebali no mweo fwe babapo tukacinja. Iyi imibili iifwa tayakamone imfwa, lelo nimu kupumikishafye, cikabafye kwati cakupita pali ifwe, kibili naimwe mwacinja. Imwe mwapilibuka nga filya Abrahamu aali, ukufuma ku muntu umukalamba ukuya ku mulumendo, ukufuma ku mwanakashi umukalamba ukuya ku mukashana. Nikwisa uku ukucinja ukwa mukupumikisha? Kibili panuma yakashita akanono iwe—iwe walaenda kwati litontonkanyo, kibili iwe kuti wamona balya nomba kale ababukile. Oh, we nshita we! Nomba ifwe tukakolongana pamo na bena kibili nomba ukululwa pamo na bena ukuya muku kumanya Shikulu.

<sup>59</sup> Cena tacili icakabilwa, nga cakutila ba nokolume bashikwa kulya ku southern Kentucky, nga cakutila ena kuti aletwa mu Indiana, nangula ukushikwa mu Indiana afwile ena bamutwala ku southern Kentucky. Temulandu uko ena ali...Bena balya abafwila muli bemba bakabuka ukufuma muli bemba. Balya

abaonawilwe mucibansa nokuliwa ku nkalamo, balya abo baposele mumalungu ya mulilo kibili nangufye amafupa tayasheleko nangu ulukungu, bena nangu cibe ifyo bakabuka! Nangula bena bali mu Rome, nangu mucibansa caku Rome, nangula bena bali mumateshi ayafitisha aya ku Masamba, nangu mu ncende sha menshi makasa ku Kapinda ka kukulyo, bena bakabuka ukufuma kubafwa kabilo nokucinja kabilo bakaletwa; kabilo aba mweo bakacinja mukashita akanono, mukukapa kapa ukwa linsa kabilo nokusendwa capamo.

<sup>60</sup> Lolesheni pali ba minshoni abo abafwile mulya mu mpanga shamu Africa. Lolesheni pali bena balya abafwila kwi shilya mu—mu—mu ncende sha menshi makasa isha ku Kapinda ka kukulyo. Lolesheni pali bena balya abafwile mu fibansa, monse mwi sonde, mu Congo, kabilo na monse ukushinguluka mwi sonde. Bena bafwila konse konse, ku China, ku Japan, ukuya monse mwisonde; kabilo ukwisa ukwakwa Shikulu kukaba isonde lyonse, uku Kusumbulwa kukaba.

<sup>61</sup> Moneni ukucinja. “Bakaba bobili pabusanshi; Nkasendapo umo nokushapo umo,” inshita imoine, “Mukaba bobili mwibala; Nkasendapo umo nokushapo umo,” umo kulubali lumo ulwa mfifi iye sonde na umo kulubali lumo ulwa lubuuto lwe sonde. Mwamona? Kwena kukaba Kusumbulwa ukwe sonde Lyonse. Ee, i Chalichi conse cikaba capamo, lelo panuma, panuma iya kubuka kabilo no Kusumbulwa kwabapo.

<sup>62</sup> Nomba, nga cakutila uyo temusango imwe mulecimwenamo, mulandu nshi, ico nomba nacilungama nomba. Ine nshilelanda bwino bwino lintu Nalanda ico; ifwe tulebika ifi muli tepu. Mwamona? Kabilo cena limbi kuti caba bakapyunga bambi kuti bakanako kuli ico. Ico cilifye icalungama.

**241. Wemutemwikwa Munyina Branham, ilipusho lyandi lili pa lubatisho. Ninshita nshi umuntu apusuka? Nalyumfwa ciba nililya acetekela. Bamo batila ukutila nililya iwe wapokelela Mupashi wa Mushilo iwe ninshi wapusuka, nangulafye iwe taulati ubatishiwe mu menshi, nga mu mulandu wakwa Koneli mu Milimo ya batumwa 10:47. Bamo batila Paulo apuswike ilyo ali mu nshila yakuya ku Damasiko, lelo mu Milimo ya batumwa 22:16, catila ena ali acilifye mu membu shakwe inshiku shitatu ku ntansi. Bushe umuntu kuti abatishiwa mu Mupashi wa Mushilo nga fintu Koneli ali, kabilo ninshi acili nakwata imembu shakwe, apo ena talati akwate ulubatisho lwamu menshi, ukubapo, nangu bushe inshila iya muntu iya kuya ku Muulu taibapo mpaka kwaba ukubatishiwa mu lubatisho lwamu menshi, nangu fye ena alikwata Mupashi wa Mushilo?**

<sup>63</sup> Nomba, we cibusa wandi umusuma . . . Nomba, uyu munyina nalembapo ishina lyakwe; Ine nshamwishiba ena, lelo ena

alilembapo ishina lyakwe. Lelo Ine—Ine nshaite amashina, pantu tacili icakabilwa; pantu abantu bambo kuti balaya kuli bena nokutila, “Ukuba, Ine—Ine nshisumineko kuli iwe pali *ici* na *cilya*.” Mwamona? Kabili Ine nshaitepo amashina ayali yonse. Ayengi pali aya pali amashina yabo ayalembelwe, lelo Ine... pali ine fye neka. Mwamona? Nayabwekeshamo muno, pakutila Ine ningayasunga. Eico yena yalembelwefye mukulembwa kwa makumbi makumbi; yamo yali ayataipwa ne nshila shimbi isha lekana lekana.

<sup>64</sup> Nomba, ilipusho pano mukubalilapo lili: “Ninshita nshi iwe wapuswike?” Kabili ilyakonkapo, i...konkeni ici, “Bushe imembu kuti shaelelwa kunse ya lubatisho lwa mu menshi, pantu Koneli apokelele u Mupashi wa Mushilo, ena naba ng’anda yakwe, kabili ena ninshi talati apokelele ulubatisho lwamu menshi.” Kabili Paulo tali talati...panuma ena akumenye ico apitilemo pa...pamusebo uwakuya ku Damasiko, ena, pamo, ali acilifye mu membú shakwe mpaka ena abatishiwe; pantu cena catila (Nalibelenga yonse aya Amalembo ukupitulukamo nakabili ukuba uwashininkisha)...Kabili eico cena cali... Atile, “Ima no kwenda palya pene noku batishiwa, ukulaita pe Shina lyakwa Shikulu, ba uwabatishiwa, ukukwata imembu shobe ishælelwa (ishafumishiwapo), kabili—kabili kabiye uleita pe Shina ilyakwa Shikulu.”

<sup>65</sup> Kabili nomba, “Bushe e lubatisho lwa Mupashi wa Mushilo...umuntu kuti abatishiwa pamo na Wena kabili acili ninshi nakwata imembu shakwe kabili ukwabula—kabili ukwabula ukubatishiwa mu menshi.”

<sup>66</sup> “Bushe inshila ya muntu yalishininkishiwa iya kuya ku Muulu lintu abatishiwa, nangu cibe sera balikwata Mupashi wa Mushilo; cibe sera bafwile ba batishiwa mu menshi, ilyo sera tabalakwata inshila iyakuya ku Muulu?” Nomba, Nincetekela...Nomba, Nshi—Nshimwishibe uyu munyina, kabili ilyo lipusho ilisuma kabili ilipusho ly a mano. Kabili lyena lifwile lyabombelwapo apatali, pantu cena cikankala ukutila ifwe twaishiba ifi fintu. Mwamona?

<sup>67</sup> Nomba, Ine musango wakucetekela ukutila uyu munyina limbi kuti alelanda kuli ine nangu ukulenga ine ukulanda ico (nangu limbi ena acetekela muli ico, Ine nshishibe) kabili...pa cintu cimo ico Ine ndetontonkanya nicifye i—i icili panono icapusanako ku cituntulu, icicetekelo icine cine mu Cebo. Ine...Ici cileumfwika kwati nicilya munyina alelanda...Nomba, ico cili icalungama, Munyina; iwe limbi kuti nawikala pano; kabili ico cili bwino. Nde—Ndetontonkanya ico cisuma...Ndi uwansansa ukutila iwe walembele pano. Nomba, mona? Lelo Nshacetekela ukubatishiwa mu menshi ukuba icakulengwa cipyá cipyá (mwamona?), pantu lintu iwe wacita, ico cafumyapo u Mulopa. Mwamona? Iwe nga wabatishiwa mu menshi ukulangisha ukutila iwe ukuba cipyá cipyá nakucitika.

Mwamona? Ico cakunsefye...icishibili cakuba cipyapya cipyapya. Icintu conse cishintilile ceka pakumwenwa libela. Mwamona? Lelo ifwe tatwishiibe uyo uuli noyo uushili; eico, ifwe tushimikila i Mbila nsuma. Mucicetekelo ifwe tuyafye tuleshimikila.

<sup>68</sup> Lelo pakuba cipyapya nomba, apo epo Ine mpusanako naba bwananyina ba Oneness. Kibili imwe mweba bwananyina ba Oneness mwebaleumfwa kuli iyi tepu ya mepusho, nga cakutila yena yaisaba mwi ofeshi lyenu, nangu mu ng'anda yenu, nangu pakati ka imwe mwe bantu ba Oneness, tamufwile uku ng'umfwila mumbi, nomba, ukutila Ine—Ine—fye pantu ifwe tatumfwana.

<sup>69</sup> Ine nomukashi wandi tatusuminako; icine cine tulacita. Ine ndamweba Ine nalikutemwa iwe, kibili ena atila bushe tamulecetekela na Ine ndacita. Eico nomba—eico nomba ifwe icine cine tatusuminishanya, lelo Ine ndemyeba imwe, ifwe icine cine ifwe tulomfwana bwino.

<sup>70</sup> Nomba moneni. Limbi Ine nshilangisha ifishibili ifya linga kuli ena, ifyo Ndacita. Lelo Ninja mukushimikila, nomba naisa mu ng'anda nokusenda indobani yakulobelako nokuya mukuloba isabi. Mwamona? Lelo mukati ka mutima wandi Nalimutemwa ena; Mfwilefye nafumapo pali ena, epela.

<sup>71</sup> Nomba, moneni muli ici...Nomba, nga cakutila ifwe twakana ukusuminishanya, cilifye bwino; lelo mwamona, amenshi tayelela imembu; cena kwasuka ukulola kuli kampingu umusuma.

<sup>72</sup> Nomba, Ine nincetekela umulandu untu Paulo abatishiwe kulya, pantu cena cintu casuminishiwa kibili cena cikankala muli Baibele ukutila ifwe tufwile twabatishiwa. Pantu Ndebwelela kunuma pali ici nomba: lintu umupupu akobeme pa capindama...Kibili ena awfile ukwabula ukubatishiwa nakalya, kibili cibe pamo nobulayo ubwakutila Yesu ali nokumukumanya mu Paradise bulya ubushiku; mu Paradise, temuncende shabalya abalubile, pantu yali ni nshita yakubalilapo ilyo inshita yapelwe kuli ena.

<sup>73</sup> Kibili Nincetekela imibele imoine eyali pamo nailya imitima mu ng'anda yakwa Koneli lintu bapokelele i Cebo icakwa Lesa nensansa. Kibili Mupashi wa Mushilo e cilya i Cebo ica cincimushiwa, kibili Cena cali ica cincimushiwa kuli bena. Uyo wine e mulandu untu Mupashi wa Mushilo atampile ukulandila mundimi shimbi nokusesema. Cena cali mitima iyakupokelela iya bantu iyo i Cebo caponenemo, pakumona conse ica maka yakalamba.

<sup>74</sup> Ico ecinsungusha ileelo muli ino nshita iyo tuleikalililamo. Panuma ye bumba lilya ilya bena Roma lyali fy...kibili naba Greeki, nga fintu bena bali, bena bamwenefye ukulangishiwa ukwa cimonwa ukupangwa ica shininkishiwa, Mupashi wa

Mushilo aimishe imitima yabo mpaka ilyo Petro alandile ifi ifyebo, Mupashi wa Mushilo aponene pali bena. Mwamona?

<sup>75</sup> Nga fintu... Mwamona, Koneli atile, "Kabiye uye ita..." Ena ali mulashi, kibili ico cileisa ku "mwanda umo" ukufuma ku mwanda umo. Ena alicililepo pa bantu umwanda umo. Ena mulashi wa mwanda umo uwaci Roma; kibili ena—ena akwete icimonwa ilyo ena alepepa kibili Malaika aishile kuli ena. Ena ali umuntu umusuma. Atile, "Tentemukila ku Yopa. Umo Simoni, kanyuka wa mpapa, kibili kuli umo uwitwa Simoni Petro. Ena ali pa muulu... Iwe walamusanga palya, kibili ena alaisa nokukweba Ifyebo."

<sup>76</sup> Ukuba, ena atontonkenye ukutila icimonwa cali icituntunlu nganshi. "Ine nshacilala; Ine nacilalolesha ukulungatana na—na Malaika." Eico ena atumine abashilika bambo abacishinka nganshi ukuya kulya.

<sup>77</sup> Kibili ilyo bali kulya, Lesa alepekanya umutumwa ukuba uwaipekanya kulubali lumbi ulwa kubombelamo. Kibili Atile, "Nomba, ima." Atile...Ukumona ukutila ena pa muulu wa ng'anda alelolela... Misisi Simoni ukupekanya icakulya ca cungulo bushiku. Kibili ilyo ena ali pa muulu palya... Ena alyumfwile insala, limbi mukwenda, umutumwa uko, ukwendako ukupita mu—mu fiswebebe. Kibili—kibili alambaleleko palya pa muulu pa ng'anda ilyo takulaba icakulya ca cungulo bushiku, pa muulu wa ng'anda, nga fintu cena cali lutambi. Nalyo line ukucita icintu cimo cine, ukulambalalako pa mutenge, kibili baikila nomutanto pansi kibili inshita shimo shimo pama sitepu ne fintu, ukufuma pa mutenge; baikela palya mukatalala kwa munshita ya cungulo bushiku.

<sup>78</sup> Lelo umutumwa alele utulo, kibili ilyo ali mutulo, apitilila aingile mukufwa icipupu; kibili nomba amwene icisalu cileikila na fyonse ifishawama nefintu muli cena, kibili aumfwile i Shiwi liletila, "Ima, ipaya nokulya."

Atile, "Teifyo, Shikulu, takwaba nangu cimo ico icishawamishiwa ico icingila mukanwa kandi."

<sup>79</sup> Nomba, moneni, kuli icimonwa. Nomba, moneni! Ico cifwile cailulwa. Nomba, ico cilemoneka kwati Petro ali nokuya pabulendo bwakulunga kibili ali nokusanga inama imo iyo tatala alyapo nokwesha ukuiyla. Atile, "Teifyo, Shikulu, Ine—Ine nshatala nkwatapo icintu icishawamishiwa ukwisa pa milomo yandi."

<sup>80</sup> Atile, "Taufwile ukwita icawama ico Ine napanga... ukuba icishawamishiwa ico Ine napanga ukuba icawama." Atile, "Ima, kuli abantu abalelolela iwe pa mpongolo. Kabiye, witwishika icintu nangu cimo." Inshita imoine bena balekonkonsha pa mwinshi. [Munyina Branham akonkonsha pa cintamba—Kale.]

<sup>81</sup> Nomba, moneni? Kibili nomba lintu ena asangile uyu muntu palya, aba ababulwi abacishinka, ukubafye umwabelia

icimonwa... Kibili apa bena baishile naulya wine umuntu untu Lesa alandilepo mucimonwa... umuntu uushaishibikwa, umunonofye umushila ushaishibikwa. Lelo pakati ka lilya ibumba ilinono, cali icintu icikankala ukutila ena asangile uyu umushila munono. Kibili pano ena aleisa pa muulu ukwingila mu ng'anda nomba, palya pene pa cifulo pamo pene apo ena amwene icimonwa. Koneli aitile abantu capamo kibili nokutila, "Malandu nshi, cena cilifye bwino bwino umusango Ine nacimwenamo cena." Kibili nomba Petro aiminineko nokutampa ukulanda palwa ifyo bena bali nokupokelela Mupashi wa Mushilo, kibili ilyo ena cibe alelanda...! Bena bamwene ifintu fyonse ifyaba ifywililika mu mutande uwa cimonwa cimo. Ibumba lya bantu abo abali abena Fyalo, balya abamwene icimonwa cimo casokololwa, kibili bena baumfwile i Cebo ica Cine ukutila uyo emusango bali nokupokelelamo u Mweo; kibili Mupashi wa Mushilo aponene pali bena ilyo tabalati babatishiwe.

<sup>82</sup> Bushe nifinshi cifwile ukucitwa kuli lino ihema muno lucelo? Abalwele, abacululuka, impofu, bankoma matwi, ba cibulu, u—umubembu, na fyonse... Tontonkanyenifye, ukufuma mumakana ikumi aya fintu, tapaba inshita imo apo ico catala acifilikapo nangu mukanono kamo! Malandu nshi, cena cifwile cabili myimi imitimia yesu!

<sup>83</sup> Nomba, nomba, ena cibe, ilyo ena acili alelanda ifi ifyebo Mupashi wa Mushilo aponene. Nomba Petro atile, "Bushe kuti twalesha amenshi, ukumona aba bonse nabapokelela Mupashi wa Mushilo kwati fintu twacitile." Ine nincetekela ukutila imembu shabo kale kale shaliya, pantu Mupashi wa Mushilo nga teti esemo; kibili Ena teti esemo kano nga cakutila cipe cimo icamwenwa libela. Ena alishibe ukutila bena bali nokukonka. Ena alishibe...

<sup>84</sup> Ndecetekela Paulo, umulandu untu ena abatishiwe nakabili wali, ena alepakasa abena Kristu. Ico nacilungama. Kibili Ena, Lesa alishibe, pantu Ena atile, "Ine nalimusala ena," Ena efyo alandile kuli Ananiya, kasesema. Lintu Ena aishibe ukutila Shauli ali muli ulya muputule, pacinso apafita napa menso apafita, kibili ena a—ena alipepele pa maka nganshi kibili nolukungu lwali pali ena, kibili ena apangilwe mpofu ukufuma ku Ntumba ya Mulilo ilya iyamoneke kuli ena pamusebo aleendamo; kibili Atile, "Ine nasala ena ukuba icipe ca bena Fyalo." Lesa alishibe ukutila—ukutila Ananiya ali nokumubatisha ena mwi Shina lyakwa Yesu Kristu mu Mumana waku Damasiko inshiku shitatu pantanshi. Lelo Ine nincetekela ukutila imembu shakwe kale kale shalifuminepo, lelo ena acitile ici ukulangisha kwisonde. Kibili Ine nalicetekela ukutila uyo wine emulandu uwakutila ifwe tufwile twabatishiwa mwi Shina lyakwa Yesu Kristu. Kibili Ine nalicetekela ukutila ulubuto

ulwa mwenwa libela luli nokumona ico, kibili bena fye ebali nokumona ico.

<sup>85</sup> Nomba, ba munyinefwe mweba cicetekelo cabu lesa patatu, Ine nshileposela pali imwe ici, munyina we mutemwikwa wandi, Ine ndeasukafye amepusho. Ine ndepelafye amatontonkanyo yandi aya cine palwa ico. Iyi tepu limbi pansiita imo ikapelela ku Africa. Ine nalicetekela ukutila ifwe tuli mufinshingwa ifya Kwisa Kwakwe. Ifwe bonse twacetekela ico.

Ninkwata ifibusa fyandi ifisuma, ba duPlessis naba Schoemanns, na bonse, Yeager, na bonse ba munyina abasuma mu—mu South Africa. Lelo Lyonse kulaba umuntu umo uyo uwimininafye bwino mumweo wa muntu. Kibili pa bantu bonse abo—kibili Ine natemwa bena kwatifye fintu Natemwa uyu munyina, umusumafye, lelo Munyina Jackson nomukashi wakwe Lyonse baba abaishibikwa mu mweo wandi. Inefye tekuti ncikutuluke ico; ena—ena alishibikwa. Nomba, kuli Justus DuPlessis, cibusa wapa mutima, kibili oh, abengi nganshi abo ababa abasuma, abasuma aba bwananyina ama Afrikana naba nkashi.

<sup>86</sup> Ukuba, mulandu nshi Munyina Jackson nomukashi wakwe babela abaishibikwa kuli ine? Pantu ena ali nifundi? Iyo! Pantu Ine nalikwata abengi ba cibusa ba fundi kulya. Lelo mulandu nshi ena aishibikilwa? Kibili mulandu nshi? Nga cakutila imwe mwalihibe icankama icili kunuma ya ici conse. Lelo Ine nsheba abantu ifya nkama fyonse ifyo Naishiba. Ukuba, mulandu nshi cabelele pa nshita imoine iyo Shikulu alandile, “Mulande na Sidney Jackson uwaku South Africa,” Shikulu alandile kuli Sidney Jackson ukwisa kuno? Pa Mulungu umulungu ena abatishiwemo, ena nomukashi wakwe, mwi Shina lyakwa Yesu Kristu, pano pene munshita iyakulanga imibombele. Mwamona, uwamwenwa libela kumulimo. Mwamona?

<sup>87</sup> Nomba, Ine nincetekela ukutila iwe waliba—waliba—uwapusuka ukupitila mukupokelela Yesu Kristu. Kibili ulubatisho lwa mumenshi lwaba cakulangisha ica kunse icakulangisha ukutila icintu cimo mukati nacicitika, pantu amenshi tayakwata amaka; cena cishibilofye. Kibili Ine nacetekela ukutila iwe walipusuka lintu iwe . . .

<sup>88</sup> Nomba, kwaliba abantu abengi (lekeni ngololole ici kuli munyina) . . . Kwaliba abantu abengi abo ababa . . . abalandia bena ukutila balipusuka; bengi ababatishiwa mwi Shina lyakwa Yesu; abengi balandila mu ndimi, kibili bakwata imisango yonse iya fishibilo ifya Mupashi wa Mushilo, kibili tabapusuka nokupusuka. Ico nacilungama. “Abengi bakesa kuli Ine muli bulya bushiku no kutila, ‘Shikulu, bushe Ine nshasesemene mwi Shina Lyenu?’ (ni kashimikila) ‘Bushe Ine, mwi Shina Lyenu, nshamatfishemo ifiwa kibili nokucita imilimo iingi iya maka.’” Ena akatila, “Fumeni pali Ine, imwe bakacita wa mampulu;

Ine nshatalile nangufye ukumwishiwa.” Mwamona? Eico fyонse ifyo ifintu, cibe fyena—fyena—fyena ni Lesa; fyaba mu maboko Yakwe. Lelo lintu Ine namona ico...

<sup>89</sup> Imwe mwatila, “Ukuba nomba, mulandu mwebela abantu ukubatishiwa nakabili?” Nipamulandu wakutila Ine ndekonka icakumwenako pakutendeka. Cinshi tamwinga lekela yalya amafunde.

<sup>90</sup> Nomba, tulebula umutumwa Paulo lintu ena asangile balya abasambi bamo balya abali abantu abasuma. Ine nincetekela balya balipuswike, kibili cibe bena taba batishiwefye mwi Shina lyakwa Yesu Kristu, nangula bena babatishiwe (Imilimo ya batumwa 19). Paulo apitile palulamba lwapa muulu lwa Efese; ena asangile bamo abasambi. Kibili atile kuli bena, “Bushe mwalitala amupokelela Mupashi wa Mushilo ukutula apo mwacetekele?”

Kibili bena batile kuli ena, “Ifwe tatwaishiba palwa Mupashi wa Mushilo, nga cakutila kwaliba Mupashi wa Mushilo.”

Atile, “Nomba nimuli cinshi mwabatishiwemo?”

Bena batile, “Ifwe twalibatishiwa. Yohane ewa tubatishe ifwe, umuntu umo wine ulya uwabatishe Yesu.” Ulo lubatisho lumo ulusuma.

<sup>91</sup> Lolesheni pali uyu umutumwa uwakosa nangufye. Ena atile, “Lelo Yohane abatishefye ukulola kukulapila,” tekulekelelwa ukwa membu, pantu Ilambo talyapaiwe, kubatishiwa ukulola kuli ico... Kibili lintu baumfwile ici, bena balibatishiwe nakabili mwi Shina lyakwa Yesu Kristu, kibili Mupashi wa Mushilo aishile pali bena.

<sup>92</sup> Nomba, cinshi ico ici cacitile? Calangisha ukutila aba bantu abamwenene libela ukuya ku Mweo, lilya line bena bamwene cilya i Cine ca mu Malembo, bena baendele mu Cine kibili bapokelele icilambu ica wa cetekela: Mupashi wa Mushilo aishile pali bena, kibili balandile mundimi, basesema, bakushishe Lesa. Mwacumfwa nomba? Mwamona? Bena bacitile ico panuma bena kale kale bakwete ukusangalala kukalamba, balebilikisha, nokulumbanya Lesa.

<sup>93</sup> Muli Baibele balikwete kashimikila wa ku Baptisti kulya lubali; naena alibatishiwe capamo. Lelo ena ali, kibili ena ali—ashininkishiwe na—na Baibele ukutila Yesu ali ni Kristu. Kibili nabantu bakwete ukusangalala ukukalamba, kibili bena balifye abansansa palwa ico; kibili bena balifye ababula Mupashi wa Mushilo! Bena bali batishiwe nakabili. Kibili Paulo atile mubena Galatiya 1:8, “Nga cakutila Malaika aisa ukufuma mu Muulu aisa nokushimikila imbila nsuma iili yonse imbi ukucila pali Ine nashimikila kuli imwe, lekeni ena atipwe.” Nshilesakamana ifyo cena cili nokuba.

<sup>94</sup> Eico, ukwishiba ifi fintu... Limbi imwe tamwaishiba fyena, mwe babwananyina bandi; lelo ukwishiba ifi fintu, nomba Ine nabandesa kibili ndi uwakakilwa pa mulimo uwakwa Lesa ukutwalilila nobutantiko ubwa mufula wakubalilapo, pantu takuli umuntu umbi uwingabika umufula umbi ukucila pali ulya untu ine kale kale nabika; abo batumwa kibili ba kasesema. Ba kasesema balandile libela ico, kibili nabatumwa babombele pali ico; kibili ifwe tufwile ukutwalililapo neco mpaka ubukule bwapwililika.

<sup>95</sup> Nomba, Ine nincetekela nakabili, ukutila umuntu alapusuka lintu ena acetekela pali Shikulu Yesu Kristu no mutima wakwe onse, kibili ukufuma mumutima wakwe, lelo tekufuma muli kampingu wakwe uwakunse nomba...

<sup>96</sup> Mwamona, iwe—iwe uli muntu pabili, abantu batatu muli umo, umweo, umubili, no mupashi. Nomba, Ine nincetekela amano yobe aya kunse, uobe—uobe umweo ukufuma ku...te mweo obe, lelo kampingu yobe iya kunse, amano yobe... Lintu iwe wabuka, mumashiwi yambi, iwe uba—iwe uba uwabomba namano yasano: ukumona, ukusonda, ukupampantila, ukununsha, no kumfwa. Yena yapelwefye kuli imwe ukwampa pamo ne ng'anda yenu iya pe sonde; kibili yena yaba—yena tayapelwe kuli imwe uku ukwampa ne ng'anda yenu iya mumuulu. Mwaba mucituntulu amano mutanda mumubili wamuntu, pantu ena aba ninambala ya mutanda muli Baibele. Ena apangilwe pabushiku bwalenga mutanda, kibili ena ninimbala ya mutanda, iyo umuntu abapo. Kibili ena alikwata ukumona, ukusonda, ukupampantila, ukununsha, ukumfwa, necicetekelo. Icicetekelo cakwe ecabika ubuyo bwakwe, uko ena alelungama.

<sup>97</sup> Nomba, icicetekelo e shintililo ilya fintu ifisubilwa, icakushininkisha ca fintu ifyo imwe tamumona, tamusonda, tamupampantila, tamununsha, nangu ukumfwa. Lelo ku cicetekelo, lintu ena aikata i Cebo, Cena cimutwala munshita (mwamona?) ico cipanga cena ukuba icituntulu nganshi kuli ena, mpaka ena cabafye icisuma nga fintu ena akwete cena mu maboko yakwe. Ena aleshiba ukutila cili nokucitika.

<sup>98</sup> Nomba, palya pali icintu cimo cine pali ili ilipusho pano pa lubatisho lwa mu menshi. Mwamona? Lesa alishibe ukutila aba bantu bali nokubatishiwa mwi Shina lyakwa Yesu Kristu. Kibili Paulo, abikilepo ukulanda ukwakutila takuli umuntu, nangufye Malaika ukufuma mu Muulu, tafwile ukufundisha icili isambilisho lyonse ukucila pali lilya lintu afundisha; eico kanshi, nga cakutila Naisa nga kashimikila, nga kapyunga, nga kasesema, nangu conse ico Ine ningaba, nangufye Malaika ukwikila pansi, kibili ukuti afundisha icintu icapusanako kuli ico ico uyu umutumwa acitile, kibili Nshaebele abantu ukutila benga batishiwa nakabili mwi Shina ilyakwa Yesu Kristu, Ine

kuti nasangwa muli Baibele ukuba inte yabufi iya cintu ico Ine nanda ukucetekela.

<sup>99</sup> Eico Nacetekela ukutila icakumwenako calibikwa. Umuntu onse muli Baibele abatishiwe mwi Shina lyakwa Yesu Kristu. Tapalipo inshita iyo umuntu onse abalile abatishiwa mwishina lyakwa Taata, Mwana, na Mupashi wa Mushilo. Mwamona? Takwatalile akubako umuntu umo ukutala asanswa amenshi; bonse baingile mu menshi.

<sup>100</sup> Eico Ine nacetekela ukutila lintu iwe mucine cine... Kulipusho lyobe, munyina we watemwikwa, Nacetekela ukutila lintu Lesa aishiba umutima obe... Kuli nokuba amakana kulya aya abo aba batishiwa mwi Shina lyakwa Yesu. Iwe kuyafye umubembu uwauma kibili wafuma umo uwabomba. Mwamona, mwamona? Lelo nga ku mutuntulu, uwacetekela uwa cine, ukutila iwe uwile ukwenda mucicetekelo conse kibili muli kampingu umusuma ukulola kuli Lesa, kibili lintu iwe wamona ico, iwe ninshi naubatishiwa! Lelo Ine nincetekela ukutila cena cabafye nimukulangishiwa kwa kunse ukutila ukubomba ukwa mulimo wa mukati ukwa kusenamina nakucitwa.

<sup>101</sup> Cimofye nga fintu Lesa apangile ubwato. Atile, "Noah, ingila muli bwena, iwe nolupwa lobe naba ng'anda yobe." Kabili bena baingile muli bwena. Nomba, Ine nincetekela nga cakutila takwali kulya ubwato, Lesa nga talekele Noah ukwikala pa mulando nangu ukwenda pa menshi. Mwamona? Lelo Ena amupangile ubwato ukwingilamo, kibili yena eyali inshila iya kucitilamo ico; iyo eyali inshila yakwa Lesa iyapelwe. Ine nacetekela ukutila Lesa apususha umuntu ukupitila mukusenamina. Mwi Shina ilyakwa Yesu Kristu ukupitila mukulangishiwa ukwa kunse e nshila yakwa Lesa iyapelwa ukwingila mukati, pantu bena bonse babatishiwe muli ilya inshila.

<sup>102</sup> Ine nshilesusha umuntu umbi, lelo ico cilifye... Ine ndetontonkanya ukutila ifyo efyo cena caba. Amenshi tayapususha umuntu, cena cilangafye ukutila ena alipusuka; cena cakulangishiwa ica kunse. Nomba, ico limbi tekuti cibe icalungama, munyina. Nga cakutila tacili, ukuba, ifwe bonse kuti twakwata ico inshita imbi nangu... Nacilungama.

## 242. Mu Kutendeka 6:4, panuma ye lyeshi, nikwisa uko amapaka yafuma?

<sup>103</sup> Ilyo ni limo ilisuma, ilisuma nganshi. Ilyo lipusho ilya mano. Nikwisa uko aya amapaka yafumine? Adamu tali lipaka nga fintu ifwe twaishiba, pantu nga cakutila ena ali, Baibele nga yalilanda ifyo. Alifye umuntu fye. Nikwisa uko bena bafumine? Nomba—nomba, uku kukansana ukukalamba, kibili ili lyacipelwa fye kuli ine. Lyena lili pali kalamba, ipepala lyafitulukila, kibili lyena lili, nangu, likalamba, ifilembo ifya fitulukila pa cipimfyia ce pepala lya buuta.

<sup>104</sup> Nomba, aya amapaka... Nincetekela cena cali ni umo... umuntu umo tapapitile inshita... Cena limbi kuti caba ni Yosefasi. Ine nshile—Ine nshilelanda ico nomba, ba munyina bakapyunga, ukutila cena cali ni Yosefasi. Lelo cena cilemoneka kwati nifyo cena limbi kuti caba ni ena, nangu Dokota Scofield, nangu bamo pali abo, aya amapaka ayali mu calo yena mucituntulu mipashi iyapona iyakwa Lesa iyo iyakutike ku—ku kulanda kwakwa Satana, nga fintu ena alandile mu... mulya mu Muulu... Kabili cena cali ni Mikaele... Uwaleesha ukwimya ulubuli pamo na Mikaele mu Muulu... bamutamfisher ukufuma... Ukutila aba abana abaume bakwa Lesa bamwene abana abanakashi ba bantu, kabili ukutila aya amapaka yali mu calo pali ilya nshita, ukutila bena baititikishe abene beka mu mibili ya buntu nse. Nga cakutila iwe wacita ico, iwe ninshi walenga Satana ukuba kabumba. Iwe teti ucite ico.

<sup>105</sup> Tacicilile pali Dokota Smith, pa Bushiku ubwalenga Cine lubali ubwaba Adventisti pa imbushi ilambo. Atile imbushi imo iyo iyali... Bena baipeye imbushi shibili pa—pa bushiku ubwe lambo, pa Bushiku ubwa Cikonsolwelo, kabili imbushi imo yalipaiwe kabili na imbi bailekeleko yabutuka. Kabili nomba ena atile imbushi ilya iyaipaiwe yaiminineko Yesu, Kasenda wa membu shesu ulya uwafwile; lelo ilya imbushi iyo balekeleko yaya yaiminineko ciwa, uyo uwasendele imembu shesu kabili afumapo aya mu tuyayaya pamo nashena. Nomba, mwamona, icili conse... Kuma tontonkanyo yandi... Nga cakutila ici cabwelela kuli munyina umwina Adventisti, Ine nshilelandapo icintu nangu cimo palwa ulya umuntu umukalamba, Dokota Smith. Oh, ena ali uwacenjela, uwa mano, umusuma, umwina Kristu wamisango iisuma, uwacetekela; lelo kuli ine, mwamona, cena tacilepanga amano. Lintu imwe mwacita ico, imwe mulepela ilambo kuli ciwa nomba. Bonse babili baiminineko imfwa yakwa Kristu, ukushikwa, kabili nokubuka. Naena pamo afwilile pa membu shesu kabili asendele imembu shesu ukutali; bonse babili bali ni Kristu.

<sup>106</sup> Eico amapaka tayatalile ayafuma mukuititikisha ayene yeka mukati. Aya amapaka yali bana abaume bakwa Kaini, abo wishi ali ni nsoka, uwalemoneka mu musango onse kwati muntu, lelo ena ali umukalamba, umuntu uwakulisha, uku kulishapo ukucila pa muntu. Kabili uko eko balya abana bafumine, pantu bena bali bana baume bakwa Kaini, pantu bena bali bena Kenani mu calo ca Kenani, uko bena bafumine; kabili kulya eko Kaini aile. Kabili ico cali... Mwamona, ico pamo cishininkisha ulubuto lwa nsoka. Wena wali mutundu uwaibela uwa bantu capamo. Lulya lwali lubuto lwa nsoka. Mwamona?

<sup>107</sup> Nomba, lulya—lulya ulubuto ulwa nsoka muno, eico ifwe twa—ifwe twalafikako kuli ico, kabili Ndefwaya imwe mubike ici mu mano. Mwamona? Nomba, ukumipelakofye ici icakutampilapo.

<sup>108</sup> Mwamona, bena bali—bena bali bena Kenani, aya mapaka; kibili bena bali bana bakwa Kaini, uyo uwali umwana uwa nsoka. Kibili insoka yali muntu ipaka, umukalamba, icimuntu icabafye icakutinyafye, te cinama icibikila amani nakalya, lelo icisuma. Ena ewali icinama ica bucenjeshi pa finama fyonse mu mpanga. Kibili ena ewalifye umo... .

<sup>109</sup> Mwamona, imi—imibile ukufuma munama ukwingila mumwanakashi teti fisandane nakalya. Bena baceseshe ukubwekeshapo nokubwekeshapo; yena teti yalenge ilini lya mwanakashi ukusanda. Kibili nomba, bena balifilwa ukusanga ico. Buleni kolwe wa mpili, cena e cintu capalaminako ico bena bengasanga ku muntu, nangula kolwe wamu mushitu, nangu fimo ifi ifyapalaminako ku muntu. Nga fintu Lesa mukupilibuka kwa fintu Fyakwe ifikalamba atampile ukupanga isabi; kibili nomba Ena apangile ifyuni; kibili nomba Ena apangile ifintu fimbi, inama, kibili fyatwalililepo, mpaka cimo caishileba kwati ni kolwe wa mpili, kibili ukufika nakuli kolwe, kibili nokutwalililapofye ifyo fine ukufika nakuli kolwe wamu mushiku, kibili nomba ukuya mumibebe ya nsoka, kibili nomba ukufuma mu nsoka ukuya mu muntu.

<sup>110</sup> Kibili umuntu nse alyesha ukufwailisha, sayansi, yalyesha ukusanga amafupa, ifyo iyi inama yali ilya iyakonkelepo pamuntunse. Kibili nomuntunse ninama. Umuntu, icipandwa ica mibili caba cipandwa ica nama; twalishiba ico. Ifwe tuli nama ishonsha, ico icaba inama iyakwata umulopa uwakaba; twalishiba ico! Lelo icipangapo ubulekano? Inama tayakwata ulya umweo wa mukati, lelo umuntu nse alikwata. Yena tayaishiba icalungama ukufuma ku calubana.

<sup>111</sup> Imbwa iinono iikota taishiba tayaishiba ukufwala indeleshi, kibili Ine nshacetekela yena kuti yafwala utuputula nga cakuitila yena yali... caumfwika. Nangula kapoli umulume, lelo wena mutundu wa muntu uwapona. Mwamona?

<sup>112</sup> Nomba, apo epo—apo epo cena cafuma. Apo epo aya amapaka yafumine. Bena bali bana ba nsoka.

<sup>113</sup> Kibili moneni, lintu ena amwene Efa muli iyi imibile, ena... Satana aingile muli ena kibili alengele ena uku... Mwamona, Adamu tali uwaishiba cibe. Ine—Ine nshishibe umusango wakubomfeshamo aya amashiwi. Cena kuti caba icisuma pano pamo naimwe bonse, lelo umuntu umo alasusha ico. Imwe namwishiba, bena lyonse bafwaya abaimyapo icintu cimo. Lelo mwamona, Adamu tatalile eshiba Efa, umukashi wakwe. Ena tatalile afikapo pali ilya ncende, kibili Satana ali mucilile ena palya. Mwamona? Kibili nomba lintu aishileba pabukulu, nomba ena amewishibe. Twalafika pali ico pali ili ilipusho ilya lakonkapo nangu limo pali aya amepusho. Ine nshishibe apo lyena lilesangwa; ifwe... Ine namonafye lyena pano. Nomba, lelo palya epo amapaka yafumine.

**243. Wemutemwikwa Munyina Branham, bushe bonse abana abaume na bana abanakashi aba cine, abafyalwa cipy a cipy abacetekela bushe kuti bapusuka?**

<sup>114</sup> Iyo, munyina; iyo, bena icine cine tekuti. Mwamona, nga fintu Ine—nga fintu Ine namupeleko ifya ambulwa fimo Davidi duPlessis pali uku ukulanda, “Lesa takwata abeshikulu (mwamona?), akwatafyе abana abaume na bana abanakashi.” Mwamona, bena bafwile bafyalwafye bwino bwino fintu wishi wabo nanyina bafyelwe ku Mupashi. Mwamona? Ico ecipanga umuntu ukuba umupyа, pantu ena nafyalwa cipy a cipy, nafyalulukwa. Ukuфyalwa kwakwe ukwakubalilapo ena ukumuleta mu muntu uwacifyalilwa pe sonde; ukuфyalwa kwa cibili kumuleta ena mu muntu uwa bumupashi mu Muulu. Mwamona? Cena cilamucinja, umweo wakwe, te kampingu wakwe uwa kunse, imibele yakwe iya kunse, amano yakwe; ena acili alapampantila, kibili alanunsha, alasonda, kibili alomfwa; lelo ifilundwa fyakwe ifya mukati, ukukabila kwakwe, ifyo ifimusunkamo ena, fyana fyalicinja ukuya kuli Lesa. Mwamona?

<sup>115</sup> Nomba, ibukisheni, inshilafye imo umo ici cinga citikila kuti caba nici: kwatifye fintu cena cali munshita yamukalamba waci Roma. Paulo aebele umwina Roma, ena na Sila, lintu ena alefwaya afumye ulupanga lwakwe nokuipaya umwine pa lwakwe, pantu Lesa asunkenye icifungo palya necinkukuma; atile, “Iwe wiicita icabipa palobe, mona ifwe bonse tuli pano. Imwa!” Kibili alefwaya ukwishiha ico ena ali nokucita. Atile, “Ima no kubatishiwa, uleita pali...pe Shina iyakwa Shikulu, kibili iwe naba ng’anda yobe muli nokupusuka.” Mwamona? Mu mashiwi yambi, “Cetekeleni pali Shikulu Yesu Kristu, iwe naba ng’anda yobe muli nokupusuka.”

<sup>116</sup> Nomba, mumusango nshi? Nga cakutila ing’anda yobe yacetekela mu musango umo wine ulya untu wacetekelamo. Mwamona? Iwe upepe nokubika abana bobe kuli Lesa kibili nokwikatilila kuli Lesa, ukucetekela ukutila bena bali nokupusuka.

<sup>117</sup> Ine elyo napitilefyе mucakwishiha pamo na Rebekah wandi. Mwamona? Kucibikafye ico kuli Lesa. Lintu ena afikile pakuba “umukashana munono,” kibili aleangala nomukashana umo lintu ifwe mukubalilapo twaile kulya, aleya...nokuya pita pa ng’anda ya mukashana umo uwalekwata amasambililo ya nyimbo... Kibili uyu umukashana... Namukumenye ubushiku bumo, kibili pano uyu umukashana aikele pa cinanda alelisha ulwimbo lwakushana ulwakuya ku ntanshi na kunuma. Ukuba, ico cilingilefyе ine! Eico Ine namwebele uleke ukuyako kulya. Mwamona? Kibili nomba ena atile, “Ukuba, encendefye imo Mfwile ukuyako nokuya mukusambilila ukulisha ifilimba nokwimba.” (Imwe namwishiba ifyo “umukashana munono” asambilila.)

<sup>118</sup> Kibili Natile...Umwaise onse afwile apita muli ico. Ukukonkafye namukwesha onse umwaice alapita muli ilya inkulo. Naiwe walicitile; Naine nalicitile. Kibili ifwe tufwile twaba mukutontonkanya kwama tontonkanyo yabo.

<sup>119</sup> Eico nomba, inshiku ishinono panuma iya cilya nyina wakwe amushitile icintu cimo, kibili ena ali uwamibele yabipa kuli ena. Nomba, uyo te Rebekah nakalya. Afumine nokupunka icibi, kibili mupepifye nokonaula ifintu ukufuma ku cibumba, aile ku sukulu.

<sup>120</sup> Nomba, Mfwile nakwata, mucakumoneka, nafumishekofye umushipi wandi, kibili nokumukonka kulya mulubansa, kibili nokumubwesha nentambo nshimupomba. Mwamona? Lelo Natontonkenye ukutila, “Loleleniko panono, Ine naile mukutontonkanya amatontonkanya ya wa myaka ikumi na cine konse konse iya kufyalwa.” Mwamona? “Nomba,” Natile, “Mayo, Ninjishiba ukutila...” Atampile ukulila, Meda. Natile, “Ninjishiba iwe naucita fyonse ifyo ucitile; Ine nincita fyonse ifyo Mfwile ukucita. Nomba, nga cakutila cena cafuma mu maboko yesu ifwe tufwile twasenda ulutampulo lumbi ulwakonkapo.”

<sup>121</sup> Nga fintu namayo umusuma alembel ubushiku bumbi (cena cili muli yamo amepusho pano), atile, “Munyina Branham, iwe teiwe Messiya, bushe uli?”

Natile, “Iyo, mayo.”

Atile, “Ifwe twacetekela ukuba kacema wesu, lelo iwe lyonse utusontelela kuli Kacema Mukalamba.”

Natile, “Ico nacilungama; ico nacilungama.” Mwamona?

<sup>122</sup> Natile, “Ukuba lolesha, Wemutemwikwa, nomba, iwe ufwile ukumfwa kuli ine. Cena cintu cakosa kuli iwe ukucita ici; Ine ndi mulume obe. Lelo abantu balensha ukuya monse mufyalo kibili ukushinguluka pa mashiwifye ayanono ayakupanda amano. Nomba, nga cakutila iwe...Ine nalandile kuli ena ubushiku bumbi ubwfumineko, kibili ena aendele ukufuma pali ine.”

<sup>123</sup> Nomba, Becky tatalile acita ica ifyo kuli ine. Mwamona? Kibili lintu nyina wakwe alandile icintu cimo palwa ico, ena apunkile icibi nokutila, “Imwe muleenekela ine ukwikala pano nokuba iluba lyapa cibumba umweo wandi onse?” Kibili mukusunguka! Ena apunkile icibi nokufuma. Ulya ali niciwa.

<sup>124</sup> Ndeibukisha, imyaka ibili iya kubalilapo iya mu mweo wakwe alelila. Ifwe twaile mucifulo cakulilamo ifyakulya kibili twalile; Nalemutandasha pa musebo ilyo Meda alelya, kibili nomba naena alemutandasha ilyo na Ine nalelya. Alelilafye nokulila. Kibili ubushiku bumo muno mu Canada, alilile ubushiku bonse, kibili Nafililwe ukutusha ne fintu fyonse; ine naimine palya... Nomba. Kibili Icintu cimo calandile kuli ine, “Ni ciwa uleingila mu bupyungishi bobe.”

<sup>125</sup> Natile, “Mpeleni uyo umwana.” Natile, “Satana, mwi Shina lyakwa Yesu Kristu, fumyapo amaboko yobe pali ena.” Alekele ukulila palya pene kabili tatalile alilapo nakabili. Ena mwana umo uwatalala untu Ine nakwatapo. Ukufuma pali ilyaine inshita cena califumine nokuya. Imwe mulingile ukukwata ico... Imwe mufwile mwakwata ico muli imwe nangula, ilyo taulati ucite ico!

Kabili nomba lintu ena... kabili nomba ico... ena atampile ico. Kabili Nabulile Meda pali ora imo. Natile, “Meda, iwe fumyapo amaboko yobe.”

“Ine? Uyu mwana wandi!”

<sup>126</sup> Natile, “Bushe te wandi pamo?” Nacilungama. Natile, “Nga cakutila ena aciba alefwa muno lucelo, iwe nga kuti wamubika ena kuli Lesa pa bwikashi bwakwe ubwa muyayaya. Mulandu nshi ifwe tatwinga bikila ena kuli Lesa nomba pabulendo bwakwe ubwa pesonde?”

Kabili atile, “Ukuba, ulya mwana wandi!”

Natile, “Ena wandi pamo.”

Natile, “Nomba, bushe kuti wasenda ifyobe...”

“Ine nshalandilepo nangu cimo kuli ena?”

<sup>127</sup> Natile, “Ine nshilandilepo. Twalaleka ukumucusha ena, mupandefye amano ena. Alefwaya cibusa, kaili iwe niwe umo uufwile aba cibusa wakwe, iwe na Ine. Ifwe tuli bafyashi bakwe.”

<sup>128</sup> Aba abaise bafwaya cibusa. Nga cakutila bakwete ba nyina naba wishi abengekala pa ng’anda kabili nokubasakamana, mucifulo icakuba pano mu muputule uwakushitishamo ubwalwa nokwendauka ubushiku bonse ne fintu ifyaba ngefyo, tekuti ifwe—tekuti ifwe tukwate ubonaushi bwa misepela. Mwamona?

<sup>129</sup> Bena balifuma kuli Baibebe; bonse baya mu chalichi nokupanga amangalo ya ludo ne fintu ifyaba ngefyo kabili... Mwamona? Imwe muleesha ukuwamya nga mucibansa cakwa Satana mulya mu Hollywood. Imwe tekuti mulete Hollywood mu chalichi, imwe mufwile ukucita... Ndepilibula ukuleta i chalichi mu Hollywood, imwe mufwile ukuleta Hollywood mufibansa fyenu. Mwamona? Tekuya mufibansa fyabo, lekeni bena bese kuno. Ifwe natukwata icintu cimo ico bena tabaishiba napo pali cena.

<sup>130</sup> Eico ifwe kulya tuba pamakufi yesu nokubika cena kuli Lesa. Natile, “Ine ninjishiba ukutila ena ali ne myaka ya kufyalwa ikumi na cine konse konse, efyo ali nokuba munshiku ishinono, kabili ena...no mukashana waulya mushinku ali nokulatontonkanyafye pali ba cibusa abalumendo, kabili ifwe twalimisunga mukati.” Natile, “Ine—Ine nshalefwaya ukumona ena aupwa. Ine ndefwaya ukumubika mwi ofeshi pano,

nokubomba umulimo. Ndefwaya ukumona ena aisulamo no Mupashi kibili—kibili—kibili nokwikala kwati ngefyo.”

Kibili ena... Ukuba, ifwe bonse twalefwaya ico. Ena atile, “Ukuba, teti tucite ico.” Atile, “Ena tekuti omfweko kuli ico.”

<sup>131</sup> Natile, “Lolelako panono! Ifwe twalimukusha ena muli fyonsse ifyo twingacita, nomba twamubika mu maboko ayakwa Lesa, mubike ena.” Kibili Natile, “Nomba lintu ena acitapo icintu cimo tutile twatila, ‘Becky, wemutemwikwa, ba mayo tabafwaya iwe ukucita ico, lelo Ine ndi cibusa obe; Ndi nokuba pamo na iwe.’ Mwamona? Leka ena eshibe ukutila iwe walimutemwa ena. Ena ali nokukwata umuntu uuli nokumutemwa ena, kibili cena kuti caba mwanakashi uwa lubana.” Mwamona? Natile, “Iwe ube ulya umwanakashi uucita ukutemwa.” Natile, “Wemutemwikwa, ico cileumfwika kwati cintu icabipisha, lelo abantu besa ukufuma konse konse, kibili nokwikala mukwipusha amepusho yapali umo, kibili ne fintu.” Natile, “Ine nalishibikwa nganshi; twaliba abaishibikwa kuli umo nomunankwe, pantu ifwe tuli mulume nomukashi, lelo ifwe tatufwile twaleka ico cacitika. Iwe uwfile waibukisha ukutila, ili e Shina lyakwa Shikulu!”

Eico atile, “Cisuma.”

Ifwe twaikela pansi nokucibika kuli Lesa. Twatile ifwe twalafumyapo amaboko yesu pali ico.

Cilya icungulo kasuba aishile ingila mukati; atile, “Ukuba, Ndetunganya imwe mucili mulelanda ukutila Ine nshakayeko kulya!”

<sup>132</sup> Meda atile, “Iyo, Ine nshalandilepo nangu cimo palwa ico.” Atile, “Nawishiba, Mayo tafwaya ukucita ica ifyo; kibili iwe nawishiba ukutila cena cafwaile ukwipaya ba taata bobe lintu bena baumfwile iwe ulelisha lulya ulwimbo ulwa boogie-woogie, conse ico cena cali, pamo naulya umukashana.” Atile, “Nomba, ena talefwaya iwe ukucita cilya, kibili ifwe tatwalefwaya iwe ukucita cilya, Becky, lelo ifwe twacibikilefyen kuli Shikulu. Ndefwaya iwe wishibe ukutila ifwe twalikutemwa. Conse ico iwe ucita, ifwe tutwalilapofye ukutemwa.”

Abilikishe apundile, atile, “Ine ndeya nangu cibe ifyo!”

Atile, “Nacilungama, Wemutemwikwa.” Eico atwalililepofye. Atile, “Nacilungama, Ndeisa pekanya icakulya cacungulo kasuba lintu iwe ulebwela.” Ena taile! Iyo, ena tatalile aya ukufuma palya. Mwamona?

<sup>133</sup> Tapapitile inshita iitali panuma yacilya ena akumenye George; George mwina Kristu. Ico—ico ecapwishishe ico nomba.

<sup>134</sup> Ena aleesha ukweba Misisi Wood palwa ico ubushiku bumbi. Atile, “Oh, Ine nalikalipa icabipa.” Atile, “Taata na Mayo bambikile kuli Shikulu.” Atile, “Nakalipe icabipa.” Lelo ico—ico cali icabipa kuli ifwe; ifwe tatulefwaya ukukwata icabipishapo

ukucila pali ico. Mwamona? Mulekefyе ico cibe ifyo fine. Nacilungama.

**244. Munyina Branham, cinshi ico iwe utontonkanya palwa fyesu...** (Oh, oh! Ndeibukisha ukubelenga ili limo. Nshali... Nali nokulisungilila, lelo Ndemona Nalabelengafye lyena. Kulemba kwa mwanakashi. Ena afwile ukufuma ku Kentucky, pantu ena akwete i—itiketi lyaba Kosmos Portland Cement apa.) **Munyina Branham, cinshi ico iwe utontonkanya pali ba nkashi yesu mu chalichi abafwala indeleshi ishipi nge fyo? Bushe taconaula ubunte bwesu nokubikapo icakumwenako icalubana pa bantu besu abaice muli cino i chalichi cesu?** Cena cimoneka ifyo m-u... ukumona umwaice... ukumona umwanakashi umukalamba nafwala indeleshi iyaipipa nganshi ukutila lyena lilelangisha na makufi yakwe lintu aleenda.

<sup>135</sup> Onse untu iwe uli, Nkashi nangu Munyina, onse uyo untu cili, Ine ndesuminishanya pamo naiwe wanu andeleti pesenti. Cena cansoni, lelo njeba ico mfwile ukucita palwa ico! Ndashimikila pali cena fye mukukosa nga fintu Ine naishiba ifyakushimikila cena; bena bacita cimo cine. Eico cena bupingushi bwabo, pantu i Cebo cena calishimikilwa. Ee, Ine icine cine nshifwaya tulya utunono utwakale utwikata inkanda indeleshi isho ishimoneka kwati... Ine ilingi line ndakalipila abana bandi abaice, Becky na Sarah. Ine nshisakamana ifyo bena bengaba abanono, Ine... ukutila... Ine ndabakalipila bena inshita yonse. Ndetontonkanya bena balafwala ne ndeleshi shabo... Meda alakalipila Becky cila bushiku palwa ico. Mwamona? Indeleshi ilipi... Pantu abaice, imwe kuti mwaenekela ico mu baice, kabili imwe mufwile mwabalungika; lelo lintu caisa ku mwanakashi, palipo icintu icalubana palya. Mwamona?

<sup>136</sup> Tamufwile ukucenwa ku myumfwile nomba, Ine ndeasukafye amepusho. Iwe unjipushe ukufuma mu mutima obe; Ine ndekweba iwe ukufuma mu mutima wandi. Nga cakutila iwe wasanga ubwasuko, Ine—mukwai iseni nokunjeba, Ine icine cine ndecita ico, nga cakutila Ine kuti nacitapo icili conse palwa ico.

<sup>137</sup> Kwati nga fintu umuntu umo alandile ubushiku bwafumineko, atile, “Ukuba, Ndekweba iwe, Munyina Branham,” atile, “Ndekweba iwe ico Adamu na Efa...” Atile, “Cena califye bwino bwino; bena bakwete iapple!” Kabili Nalimona bena balicinja ico nomba; bena batile bena bakwete cinshi? Nincetekela cena caleitwa *icintu cimo*? [Munyina atila, “Apricot.”—Kale.] Apricot, ee, yena yali ni apricot balile. Ukuba, yena ninshita iyakupela ama apricot nakabili nga cakutila kuti calenga bena ukwiluka ukutila bali ubwamba. Mwamona?

- 245. Munyina Branham, Ine nimpokelela i Mbila yakwa Lesa ileelo, kabi no mwana wesu. Kabi ifwe bonse babilo twalibatishiwa mwi Shina ilyakwa Shikulu Yesu Kristu. Umulume wandi—umulume wandi ena alikana ukupokelela i Mbila kabi ena alalwisha iyi Mbila. Kabi alyongola umwana wesu umwaume kabi amutwala ku chalichi caba Methodisti. Ena afwaya ine ukulaya pamo nankwe ku chalichi lintu ifwe tatulelongama pano pe hema. Bushe kuti caba icalungama kuli ine ukuya pamo na ena nangu bushe kuti caba icalungama ukukana yako kuli cilya icilonganino?**

<sup>138</sup> Ukuba nomba, wemutemwikwa Nkashi... Ena talembelepo ishina nangu limo, lelo limbi iwe ulekutika kulipusho lyobe; nga cakutila tauli, iwe uli nokumfwa lyena pali tepu. Kabiye nomulume obe, lelo iwe taufwile uku kumako kuco—kuco bena balecita. Wamona, iwe uwfwe ukutemwa umulume obe, kabi ukutemwa ekucita ico. Iwe uwfwe ukubafye umucele uwine wine; ena ali nokukwata icilaka nga cakutila mwaliba icintu cimo muli ena.

<sup>139</sup> Taufwile ukuyampanya kucilonganino cabo. Atile, “Taufwile ukuyako kuli cilya icilonganino.” Taufwile ukuyampanya kuli cena; ukuya kuli cena. Nga cakutila iwe taukwete umukate onse uwawililika iwe kwata citika; taukwete citika, bulakofye akaputulwa. Wamona, wamona? Lelo iyo e nshila iyo wingacimfishamo umulume obe, kupitila mukucita ico. Taufwile ukuba uwacau, nomba ena kuti aishiba ukutila ena akwatafyne nga fintu iwe wakwata. Mwamona? Lelo lintu iwe walangisha icintu cimo ico iwe wakwata ico ena takwata, ico kuti camulenga ukukwata icilaka ukuba kwati niwe. Umukashi uwashishiwa alashisha umulume wakwe.

<sup>140</sup> Ico cacibafye kupanda amano. Eico Ine—Ine tekuti mpose inshita iitali pali ico, lelo ifwe tulefwaya ukupwisha bwangu ayengi ngefyo twingacita, pantu Ine ndemonia Nkwetefye ama mineti ayali twente-tuu nomba. Nacilungama.

- 246. Munyina Branham, Ine nincetekela i Mbila ufundisha no mutima wandi onse. Cena cilemya umweo wandi; nangu cibe ifyo, umukashi wandi no mwana wandi tabasangalala mu Cebo. Bena tabakabila ukupatulula abene beka ukufuma ku misango imo iyabo iya mwi sonde. Iwe watile ifwe tufwile twapokolola—twapokolola indupwa shesu. Ine nalisanga ico ukuba icakosa ukucita, ukumona ukutila bena tabafwaya ukwikalilila pa Cebo nangu mu Cebo. Cinshi ico ningacita icandi, mukwai? Bushe kuti Nabapokolola bena bacetekela, nangu bushe kuti Napepa, “Taata, ubufwayo Bwenu bucitwe,” kabi imbe uwasekelamo mu mibile intu Ine naisangamo pa lwandi ukubamo? Ine kuti natotela ubutungulushi bobo, Munyina Branham.**

<sup>141</sup> Lesa akupale, Munyina nangu Nkashi, uyo onse untu iwe wingaba. Ine—Ine nalababikafye bena kuli Shikulu. Ine... Mwamona, pantu, “Bonse abo Taata apela Ine bali nokwisa kuli Ine.” Mwamona? Nomba, icintufye cimo kuli imwe mwe bantu icakucita...

<sup>142</sup> Cena calengele umutima wandi ukukula ne nsansa ubushiku bumbi ukuya pa muulu na pansi ukumona aba bantu bamu motel. Ba...Ine naile kulya kuli Mista Becker. Ena atile, “Billy, nawishiba ifyo cili? Ine ndalisha ulukuta lobe lonse cila Mulungu,” lintu ba Blue Boar balisha imyanda itatu mupepi na cila Mulungu! Mwamona? Kabili Ine naumine pano nokuya noyu muntu pano, uyu shimucindikwa pano pa—pa Ranch House, umuntu umusuma nganshi. Namukumenye ena. Atile...

Natile, “Ukuba, caba icine cine bwino.” Natile, “Ine ndetotela iwe ukusunga balya abantu bonse ukufuma kulya, bonse balya abatwalilapo kulya.”

Atile, “Ee, mukwai, Munyina Branham.”

Natile, “Musango nshi ena ali nokunjishibilamo ine?” Mwamona? Natile, “Musango nshi iwe wanjishibilamo?”

Atile, “Nalikwishiba,” Atile, “Ine ndalisha ulukuta lonse ulobe pano cila Mulungu ukupitila mu...Ukuba,” atile, “kabili Ndefwaya ukukweba icintu cimo: bena bantu abasuma. Bena bantu abasuma!”

<sup>143</sup> Nomba mwamona, ico calengele ine ukumfwa ubusuma. Imwe mwe bana bandi. Mwamona? Lintu Naumfwile abana bandi balecita icisuma kibili ukuba abawama, ico cilenga Taata ukumfwa icisuma icine cine. Mwamona? Eico imwe mwaumfwa.

<sup>144</sup> Nomba, nomba, Mayo, lintu...Nkashi Yandi, nga cakutila umulume obe alefwaya iwe ukuya kulya ku chalichi caba Methodisti, kabiye. Iwe limbi teti ukwate umukate onse uutuntulu, lelo nga cakutila bena balalanda ukutila balicetekela Yesu Kristu ukuba u Mwana wakwa Lesa, iwe wacetekela ico, pantu naifwe twalicetekela pamo. Nomba, nga cakutila bena kuti baselamo mu fintu fimbì ifyakulanda landa ne fintu, lekafye—lekafye bacite, lelo iwe ulye ulya umukate uukalamba. Mwamona? Kabili muli ico, iwe kulangishafye ubusuma ubwa mu mweo obe kibili nokutontonkanya kobe pali bambi... Kabili nga cakutila taukwete ico, wemutemwikwa Nkashi, upepe mpaka cena caisa kuli iwe, ukutila iwe taufwile ukufwala icintu cimbi icapangwafye, pantu lintu iwe wacita ico, cena tecituntulu. Umulume obe kuti akweba ico. Lelo iwe, lintu icine cine wapepa ukufika pa ncende iyakutila umweo obe walisulamo umucele uwa Mupusushi, cena ico kuti caikatana. “Nga cakutila Ine nasumbulwa, Ine ndi nokuleta umuntu onse kuli Ine.” Ine kuti naya; ukuba umutuntulu uwacenjela. Taufwile ukuya yampanya ku chalichi cabu nangula! Mukwai taufwile ukucita ico; taufwile ukuyampanya ku chalichi cabu, lelo twalililapo!

**247.** Munyina Branham, ili e lipusho ilili kwati kutusungusha fwebengi pano. Limo—pa—pa (njeleleniko ine) pa matepu yamo mulandafye paba Yuda epela ukuba abapusuka panuma yakwa Nabwinga nasumbulwa. (Kabili cena mulongo ukuya konse.) Mukwai londololeni bwino palwa bena Fyalo abo abashili nokuya mu Kusumbulwa. Ine natontonkenye ukutila imwe mwalandile ukuti abena Fyalo balya abashele ebapitile mu Kupakaswa ukukalamba kibili bapele imyeo yabo ukuba ubunte bwakwa Yesu. Lintu Ena akabwela ukufuma ku bena Fyalo ukuya ku Yuda... lintu Ena apilibuka ukufuma ku bena Fyalo ukuya ku ba Yuda, nomba ninshi takwakabe nakabili inshita imbi ukucilapo ku bena Fyalo ukupusuka, abena Fyalo fye abo abapusuka, lelo abashapokelela Icine cabo ica mu bushiku bwakulekelesha eba kapita mu Nshita ya Kupakaswa ukukalamba kibili nomba bakesa pusuka ku mpela. Bushe ici nacilungama? Mukwai londololeni, pantu imwe mwalandile ukutila kukabafye ibumba ilinono ilikaya mu Kusumbulwa. Nga palwa bantu balya abacetekele muli Shikulu—abacetekela muli Shikulu nomba kibili ne nshila... kibili tabacetekela inshila imwe mushimikilamo pali iyi i Mbila ya nshita ya bushiku bwakulekelesha? Bushe bali no kupusuka? Kabili nomba nkashi alilembapo ishina lyakwe.

<sup>145</sup> Nomba, lipusho ilisuma nganshi. Nomba, icakubalilapo, icimfulunganya nico, efyo Nandile palwa nshiku sha bena Fyalo ukucitwa lintu kukaba ubucushi bukalamba... mu bucushi bukalamba. Nomba, Ine nshilemonamo abena Fyalo muli Baibebe... Nabwinga Umwina Fyalo, Nabwinga, te chalichi ca bena Fyalo nomba, ichalichi ca bena Fyalo cikapita mu Nshita ya Kupakaswa bukalamba (mwamona?), lelo tepafyabo... Mwamona, Nabwinga untu Asalwa; Bena tabakapite nangu muli cimo lelo mu Kusumbulwa. Bena bacinjafye kibili bafumishiwa mwisonde. Mwamona? Nomba, Ine nalalondolola ico mu lipusho ilili kuntanshi apa, ukufumya lyena ukufuma kuli Luther ukuya pa muulu, kibili imwe muli no kumona nomba ifyo cena cipilibula; cena kukula ukwa Mubili. Mwamona?

<sup>146</sup> Nomba moneni. Nomba, aba Yuda abo abakashala ebamo abo bakashimikilako kuli bakasesema bibili, Eliya na Mose.

<sup>147</sup> Nomba, aya matontonkanyo yandi, ba kapyunga mwebabwananyina, munshila yandi iyo Ine ndeumfwilamo Mupashi wa Mushilo asokolwelemo kuli ine.

<sup>148</sup> Nomba, icintu icikakonkapo icikacitika ku ba Yuda, nangu, ku bena Fyalo, Nabwinga uwa salwa kusumbulwa pamo na bashala abena Fyalo, Nabwinga uwasalwa uyo uwapita mu nkulo, ukusumbulwa Mukubapo ukwakwa Kristu mu myuulu. Abafwa baima; bambo abo abakaba aba mweo abakabapo

bakacinja; kibili bena bakasumbwilwa capamo mulwelele ukuya muku kumanya Shikulu. Nomba, pantu... .

<sup>149</sup> Panuma yakusefya kwa Bwinga mu Bukata, Yesu, panuma iya ico nasumbulwa pa muulu ukuya mu makumbi, Yesu akabwela pe sonde no kulenga umwine Eka ukwishibikwa ku bantu Bakwe, mucakupashanya kwati fintu Yosefu ailengele umwine pa Iwakwe ukwishibikwa kuli ba munyina bakwe. Kibili umukashi wakwe, takwali umwina Fyalo uwalipo, tapali nangu umo kano Yosefu eka, lintu ena ailengele umwine eka ukwishibikwa kuli ba munyina wakwe. Bonse umfwikisheni ici nomba?

<sup>150</sup> Ena atumine... .Nangufye umukashi wakwe ali mwisano, icakupashanya icakutila Nabwinga ali nokuba mwisano mu Bukata pali ilya nshita. Nomba Yesu aipanga umwine Eka ukwishibikwa ku ba Yuda (mwamona?) panuma yakusefya kwa Bwinga, imyaka itatu na citika, kibili—kibili—ubwafya bwakwa Yakobo, ukutila imyaka itatu na citika, e mpela ya milungu amakumi cine lubali iyakwa Daniele. Messiya Akepaiwa pakati aka... .Kibili Ena aseseme imyaka itatu na citika kibili ena alipaiwe. Nomba kuli imyaka itatu na citika iyasheleko ukuba iya ba kasesema, Mose na Eliya, kibili nomba pa mpela ya nshiku sebente iishilati ilingwe pa bantu, nga fintu Daniele alandile; elyo ku mpela ya nshiku amakumi cinelubali, Yesu ali no kuilenga Umwine ukwishibikwa kuli bena. Ena ni ulya Cilolo uyo uwalingile ukwisa ku ba Yuda. Mwamona?

<sup>151</sup> Nomba, kibili nomba pali ilya nshita... .Mwamona, Nabwinga umwina Fyalo ali mu Muulu, kibili na nacisungu walala utulo, nacisungu umwina Fyalo, ena tali nokupusuka muli ilya nshita; ena kale kale alipusuka, lelo alikanwa ukuba muli Nabwinga. Kibili ena ali nokupitafye mu nshita ya Nshita ya Kupakaswa ukukalamba mu nshita yakuwamishiwa, pantu ena alikana Kristu, i Cebo, ku kuwamishiwa kwakwe. Nomba ena awfile aculila imicitile yakwe, lelo Nabwinga uyo uwaba i Cebo, icikonsolwelo icapwililika capangilwe na Kristu, pantu Ena e Cebo. Ulya umibili walyonawilwe, kibili lintu ulya umibili waonawilwe, Nabwinga ali muli ulya umibili, pantu Wena onse Cebo! Amen! Mwacimona ico?

<sup>152</sup> Lintu Yesu aculile mu mubili, Ena aculile... .Pantu umwaume no mwanakashi baba muntu umo. Efa bamufumishe muli Adamu, kibili ne Chalichi... .Cinshi icacitike? Lesa aiswile ulubali Iwakwa—Iwakwa Adamu no kufumyamo mulya kafwa, nabwinga. Kibili Lesa aiswile ulubali ulwakwa Yesu pa Kalbale kibili no kufumyamo Nabwinga. Mwamona? Kibili lintu Yesu awfile pa Kalbale... .Ibukisheni, Nabwinga tafumishiwe mu mubili mpaka lintu umibili wafwile. Ena kale kale alifwile, kibili bena bali nokonaula amolu Yakwe. Kibili kasesema atile, “Tamwakabe ifupa nangu limo ilikonaulwa.” Eico bena babweseshe kunuma inondo iyali nokonaula ukulu, kibili

umuntu aninine pamo nefumo nokulasa lyena ukupita mu mutima Wakwe; kibili amenshi no Mulopa fyafumine; Ena ninshi kale kale nafwa. Ena kale kale ali uwalubulwa mu mubili ukupitila mumfwa Yakwe, eico nomba takuli ukucula nakabili mu Nshita ya Kukalamba kuli Nabwinga. Mwamona? Ena kwingilamo. Lelo ichalichi ca bena Fyalo ico fye icacetekele pali Ena nokusenda amasambilisho yafilonganino nefyaba ngefyo, kibili nomba...

<sup>153</sup> Kwati nga fintu uyu umuntu umulanda alandile: "Umulume wandi nomwana wandi umwaume, bena bacili abatemwa ifintu fya mwisonde kibili nefintu ifyaba ngefyo..." Moneni, bena tabapokelela kulya ukulubulwa, pantu lintu iwe wacita, iwe cilakuwamya palya penefye. "Ena uyo uwafyalwa kuli Lesa tacita ulubembu." Takwaba ukukabila, tamwaba nangu cimo muli ena palwa fintu fya mwisonde.

<sup>154</sup> Yesu atile, "Ena uyo uwatemwa isonde (*Kosmos* nomba), nangu ifintu fya mwi sonde, ukutemwa ukwakwa Lesa takwaba nangufye muli ena." Ena taba mukutemwa pamo na Shibwinga. Mwamona? Eico, ena awfile alipila ulya mutengo, kibili te... Ena takapusuke muli ilya nshita; ena napusuka nomba ukufuma kumfwa ya muyayaya; lelo ena akapita mu nshita ya Kupakaswa Kalamba pa kuwamishiwa. Mwamona ico Ndepilibula? Nomba, nomba, kulya, Ine nincetekela ukutila ico eca asuka ilyo ilipusho.

<sup>155</sup> Lekeni tumone, palipo icintu cimbi pano.

### **Mukwai londololeni, pantu mwalandile ukutila kukabafye ibumba ilinono ilikaya mu Kusumbulwa.**

Ukutila muli aba pesonde abo bali nokucinja. Yesu atile, "Yalisalala impongolo kibili ninshila iya cepa, lelo banono abakasangwa muli yena."

**Nga palwa bantu abo abacetekela muli Shikulu nomba kibili tabacita...kibili te musango imwe mu shimikilamo** (Bushe bena tabafwile bacetekela ici. Bena tabafwile bacetekela inshila intu Nshimikilamo. Mwamona? Bena tabafwile bacetekela ico.) ...pa **Mbila ya bushiku bwa kulekelesha. Bushe bena bakapusuka?**

<sup>156</sup> Ee, nga cakutila bena bacetekela muli Shikulu. Mwamona? Kibili nga cakutikla bena—nga cakutila bena bakana ukusuminako nokutila, "Nshacetekela Ena ukuba i Cebo. Ine nshacetekela ukutila ici cintu calungama. Ine nshacetekela mu lubatisho lwa Mupashi wa Mushilo," ico ecilelangisha uko bena baleya, ku Nshita ya Kupakaswa kukalamba. Lelo bonse abo abenga pokelela i Cebo mu mwisulo Waciko, teine ukushimikila Cena, pantu Cena caba ni Baibele eyalanda ifyo. Bonse abo abapokelela ico bantungwa, pantu bena...i Cebo kale kale calipingulwa.

<sup>157</sup> Nomba, bushe Kapingula wa lungama kuti apingula umuntu imiku ibili pa cintu icili conse nga cakutila ukulipila umutengo kwalilipilwa? Nga cakutila Ine nali mwishopo lyaku kongolamo indalamu, kabili iwe waisa pita nokutila, “Ine nala mulubula ena”; kabili iwe waya mukati walipila no mutengo pa bulubulo bwandi (kabili ico ekulipila kwa mutengo wandi uwakuba mwishopo lyakukongweshamo indalamu), kabili iwe walipila ubulubulo bwandi, nomba nimu musango nshi untu kashita kabili kashitisha wa ndalamu engesa ndubula nakabili? Kano nga cakutila Ine nashitishe nakabili. Mwaumfwa imwe. Lintu Ine nakene Umwisulo wa Cebo, nomba Ine nabwelelamu mwishopo lyaku kongweshamo indalamu nakabili. Mwamona, mwamona? Nomba nokulwisha inshila yandi, nga cakutila kuti Nacita ico. Lelo Ena alindubwile. Nacilungama. Ine ninsubila ukutila ukutila . . . Ine—fye ninkwata ayengi apa Ndefwaya ukubula aya ayo ayali . . . [Pali tepu tapali amashiwi—Kale.]

**248. . .ici i Citinto ca Butatu kibili cilelanda i Cebo.**  
**Cilemoneka mukupwililika icingacitwa kuli iwe ukulanda icebo kibili umo kuti aba mukupwililika kibili uwa bwekeshiwapo mu mwisulo, uwabikwa mukupwililika uwaipekanya mu Kusumbulwa mukubuka, u Mwana wa muntu. Ici efyo caba ico, nangu cena tacaba? Kabili iwe kuti wacita ici nga cakutila iwe bwino bwino nautitikishiwa pali ico, bushe iwe tekuti? “Ubutuke ifi fintu fyonse (cena nacikwata icintu cimo cine palya)—ukubutuka ifintu fyonse no kwiminina ku cinso ca Mwana wa muntu”?** (Luka 21:36)

<sup>158</sup> Nomba, wemutemwikwa cibusa wandi—wandi. Mwamona? Nomba, Ine ndetontonkanya ukutila iwe—iwe—iwe naukwata i—naukwata imilandile iisuma. Ee, mukwai! Ee, mukwai! Nomba, ico kuti caba ifyo. Watila, “Munyina Branham . . .” Mu mashiwi yambi, pano pali ifyo Naba . . . Ine nshiletontonkanya ukutila ico cili . . . Ine kuti nacita . . . Ine nincetekela Ine . . . Tekuwamya ico iwe walandise, lelo Ine nincetekela Ine kuti napanga cena icaumfwika bwino panono ku bantu. Mwamona? Iwe naucetekela pamulandu wa Fyebo fya Soswa ne fintu ngefyo ngefyo Ena alandilepo. Kabili imwe bonse pano mwali inte pa kabili nefintu fimbi ifi ifyo ifyacitilwe. Lelo bushe imwe mwalmwene, ico capelwefye mu Maka ya eiko! Ine nshatalile mwipusha Ena, “Shikulu, lekeni ncite ici, ukulanda ifi fintu mukati kwati ngefyo, ukucita ifi fintu kulya.” Ine nshatalile mwipusha Ena ukutila. Ena pa lwakwe Ummwine mu Maka ya bufwayo Bwakwe ayakalamba kuli ine nokutila, “Iwe kabiye nokucita ici.” Mwamona? Ine nshaipwishe icintu cimo palwa ico. Mose tatalile epusha ukuya mulya mu Egypto, lelo ali ni Lesa uyo uwamutumine ukuya mu Egypto. Mwamona?

<sup>159</sup> Nomba, Ine nacetekela ukutila Mupashi wa Mushilo kuti aisa kuli ine nokulanda mu cimonwa, “Kabiye nokweba umo-

*umo umuntu ukutila bena tabaleesha—ben a baleesha ukucimfy a icintu cimo*, kabili bena tekuti bacite ico. (Kabili bena balepeepa; bena balenwa; bena balebepa ubufi, baleba, nangu balaeita ubucende, conse ico cena cingaba; nangu bena balikwata umupashi uwa lunkumbwa lubi.) Kabili iwe wayafye kulya uko bena bali nokutila, ‘Iwe we mupashi fuma mulya; Ine kakula uyu uwakakwa ukuba umuntungwa.’’ Bushe kuti cacitika? Mukupwililika! Ee, icine cine, ico mukupwililika kuti caba; cena kuti cabapo. Lelo nomba, pakutunganya kwandi kwine... Nomba, *ukutunganya ni*... cilepilibula “ukwingila mukucita icintu ukwabula insambu.” Mwamona? Naya kulya mukwafwilisha uyu muntu; Ndettunganyafye ukutila cena cilebafye icalungama. Mwamona? Nomba ninshi Nshishibe; Ine kuti nalanda i Shina lyakwa Shikulu pali bena; Ine kuti nabapepelako, nokucita conse ico Ndefwaya ukucita.

<sup>160</sup> Nga cakutila Ine nalikwete inshila yandi muno lucelo... Na—Nacikwatafy e ukwipusha amepusho uyu namayo munono uwikele muli uyu umupando waku kunkulusha. Ukwisa kuli kuno ukulongana kweleelo, bena bakwete icipandwa ca bakushimya umulilo ukwisa mufumya ena mu ng’anda yakwe mu Chicago; kabili abantu bekala ukwabuka umusebo kabili tabesa mukulongana. Mwamona?

<sup>161</sup> Cinshi ico Ine ningacita? Nga cakutila yena maka yandi... Cena cili mu... Ine ninkwata amaka ayakucita ico, lelo Mfwile nalolela pa malamuno ayakucita ico. Mwamona? Ine nalikwata amaka ayakufuma kuli Lesa ayakucita ico; lelo nomba, lintu Ena apela amalamuno, ena kuti abwelelamo ku ng’anda ukuba. Mwamona? Ine ninjishiba ukutila ico e cine. Mwamona? Ine kuti nabafye uwakabila ukufwa muno lucelo pali ico nga Ine—Ine kuti naba icili conse. Mwamona? Ico e cine.

<sup>162</sup> Lelo mukubalilapo, mwamona, cena ni conse ico... Takuli nangu umo, nangu ni Yesu pa Lwakwe umwine atile, “Umwana tekuti acet e nangu cimo pa Lwakwe umwine, lelo kano ico Ena amona Wishi acita, ico eco no Mwana acita muli uyo wine umusango.” Ifwe twalishiba ico muli. Yohane Washila 5:19. Nacilungama. “Umwana tacita nangu cimo umwine pa Lwakwe, lelo kano ico Ena amona Wishi acita, ico eco no Mwana ali nokucita muli uyo wine umusango.” Nacilungama.

#### **249. Bushe icimonwa ico iwe wakwete imyaka iyapitapo ica cisungusho cikalamba icali nokucitika mupepi na Corydon, Indiana, bushe calisa fikilishiwa?**

<sup>163</sup> Naloleshe mwi buuku lyandi ilyo Napokelele ici kabili nabikilepo necishibilo ca lipusho. Nomba, kwali nokuba inshita iyakutila Ine nali... nali nokumona filya ifimuti fya mikedali... Lilya linefye iwe watampa ukwikila lulya ulupili kulya ku lubali lumbi, ukuya pansi ukulola ku Corydon, panuma iwe wafuma pa muulu wa lupili pa New Albany, Ine nali nokumona

pali filya ifimuti fya mikedali pa busanso bwabipisha ubo Ine nali nokubamo. Kabilii ukupitila mukusenamina kwakwa Lesa, Nabutwike ico lintu umukashana umusepela, uwalenwa mwibotolo lya whiskey, balimwikeye; umukolomino wakwe waliputwilwe palya pene kwi botolo ilyo ena abikile mukanwa kakwe, umukashana wa myaka ikumi na mutanda iyakufyalwa, kabilii Ine nali palya pene pali ilya nshita. Mwamona? Nomba, ico cifwile ukuba ico iwe wacila landapo. Ine nalibelengele ico.

<sup>164</sup> Kabilii nomba pamo, lintu Ine nakwete uku ukulongana muli Munyina Beanblossom... Cena limbi cifwile ukuba nico. Cena limbi cali nokuba ni Georgie Carter. Mwamona? Ico e cintu cimbi icacitike palya. Kabilii nomba kuli fine nangu fisano ifya ifyo mulya... Ine nshamwenepo nangu cimo kano cilya icaishile fikilishiwa. Nga cakutila—nga cakutila umuntu uyo uwalembele ici nga cakutila ena kutifye abwekeshapo ukulemba nokunjeba Ine ico nalandile muli ilya inshita, nomba Ine kuti nafwailisha. Mwamona? Nga cakutila iwe kuti wanjebachye ico Ine nalandile, icimonwa... Pantu Namwene mucimonwa cilya ifintu ifyo Ine nabikile mwibuuuku, kabilii apa apo cena cali nokucitika muli uyo musango ngefi. Ine nshakwete icintu cimbi ico nalembele, ico Ine naishiba, icintu cimo cimbi kunse ya ico.

<sup>165</sup> Kabilii nomba kwali icintu cimbi; ico cali kupilibulwa ukwakwa Omar Price kulya pali ilya nshita lintu ena ali kasusha wandi nganshi. Kabilii namwishiwa, ena aishile kwi hema nokubatishiwa kabilii abatishiwe mwi Shina ilyakwa Shikulu Yesu. Oh, ena andwisheshe apakalamba nganshi pali ico; kabilii Ine naikeli pamo na ena munshita ya bushiku. Natwallilopefye ukumutemwa, ukwikala palya penefye mumusango umo wine; lelo mukulekelesha aishile, pantu Shikulu anjebele ukutila ali nokwisa, kabilii eico Ine—Ine naikelefye bwino neco cine. Mwamona?

<sup>166</sup> Cimo cine nakashimikila munono uwikele kunuma yandi pano. Naile ku Clarksville ukuya landa pamo na ena pa nshita imo, uku mushimikilako ena muli cilya ichalichi caba Methodisti, kabilii ena ali ni Methodisti ukupwilapo kabilii umupwilapo, eco Nddepiluba. Nabwelele pano; Natile, “Ubushiku bumo Nkamubatisha mwi Shina ilyakwa Shikulu Yesu Kristu.” Kabilii Nacitile; uyo ni Munyina Neville!

**250. Nga cakutila ine cili icalubana kuli ine uku—bushe cintu calubana kuli ine ukukwata shopo—yamafuta yakuiwamy? Ine ndi kawamya nshacetekela mu bena Kristu ukubeya umushishi, lelo Ndabeya bambi kabilii (Ndetontonkanya cena k-u-p-i-l-i-b-u-l-a, **kupilibula**, ico cilepilibula kala, Ndetunganya, bushe teifyo?) **kala pamo**.**

<sup>167</sup> Nkashi wemutemwikwa, Ine nshingeshiba—Ine nshingeshiba ifya kukweba. Kutika, Ine tekuti nandileko abanakashi palwa ico, ukubika kala mu mishishi yabo. Ine

nshikwete Amalembo ukulola kuli ico; Ine kuti nashintilila fye pa Malembo. Mwamona? Amalembo Tayalanda pali bena ukukana cita ico. Amalembo Yatila ena awfile akwata umushishi uutali, kibili panuma ya ico, Ine nshishibe ukwakuya. Mwamona? Ine—Ine nshishibe nangu cimo palwa ico.

<sup>168</sup> Nomba, kappyunga umunono uyo uuli pano pa ncende imo untu Naishiba, ena ni cibusa uwatemwikwa uwandi, twalelanda capamo ubushiku bumbi palya pa Blue Boar lintu ifwe twalelya icakulya ca cungulo bushiku. Atile, “Umukashi wandi ali ne nsoni ishakwisa kuli iwe.” Uwashila nganshi, uwabulesa, umwanakashi umunono, kibili ena a—alikwata namayo umunono uwayemba, nakulu, kibili... Lelo ena untu wawama, uwabusaka, umutuntulu... Umukashi wandi abafye uwafulunga palwa uyu umwanakashi, kibili—kibili Ine ndetontonkanya ena mutuntulu, mutuntulu umwanakashi. Ena... Nshishibe nga cakutila ena ekele pano; Ndetunganya ali pano. Ndetontonkanya umulume wakwe ali pano. Kibili atile kuli ine; atile, “Ena alaleka umushishi wakwe ukukula kibili panuma yakumfwa imwe mwashimikila kibili ena amwene ukutila cena nacilungama, lelo,” atile, “ena alabomfyा kala yakupilibula umushishi wakwe; kibili ena aleesha apakalamba ukufumya ilyelangi lyonse ilyo ena talati ese pano apo iwe uli.”

<sup>169</sup> Nomba lolesha, Nkashi wemutemwikwa, Nalicindika ico apakalamba. Nalikwata ukucindika namayo uyo uwingacita ico. Pa mwanakashi umo ukwisa fye nokubombela pa mushishi wakwe ifyo fine, nangu ukufewishila pa makasa yobe nokwenda konse filumba filumba kibili takuli nomucinshi nakalya, ibukisheni, Yesu atile, “Ico imwe mwacita kuli aba, imwe ninshi namucita ico kuli Ine.” Mwamona? Kibili Ndecindika ico icaba muli iwe, kibili Lesa ali nokukupala iwe pali ico.

<sup>170</sup> Lelo, Nkashi, palwelangi lya mumishishi nangu icintu cimo ngefyo, Nshi—Nshishibe. Ine—Ine tekuti ntungilile ico pamo na Malembo, eico Ine... ico cilifye kuli iwe. Mwamona? Imwe, nga cakutila mulefwaya ukucita ico, ico cilifye mukupwililika icalungama pamo naine. Nga fintu Ine naishiba, ichalichi tacawkata ulutambi ulwaba ifyo. Nga cakutila imwe mulefwaya... Icintu conse ico icishili muli iyi Baibebe, Ukuba, imwe fye... Ico cili kuli imwe. Mwamona? Lelo Ine nalamipelafye icakupanda amano candi, mwamona, kibili nga fintu Ine naishiba... Namwishiba, cena cabafye cifyalilwa ku mwanakashi ukufwaya ukumoneka uwayemba; ena awfile ukuba muli iyo nshila.

<sup>171</sup> Namwishiba, mubwikashi bonse kwaliba, icilume ecayembesha, lelo mu mutundu wa buntu nse. Buleni icuni conse, ing’ombe. Buleni umukuni wa ng’ombe. Isho eshaba ishayemba, iya iikalamba ing’ombe ya masengo yapotana nangu ing’ombe iilume iikalamba? Buleni insebula; iyo iili, iinono iikota nangu insebula? Buleni umukuni uwa nsansala; isho

ishaba ishayemba, iilume nangu iikota? Insansala ikalamba, na conse ico iwe ulefwaya ukucita. Cisende—cisende citwale mu cuni; citwale mu nkoko, muli mukolwe nangu inkota? Twaleni ico mu cuni, icinono... icayemba icikalamba icuni icimba nangu inkoko inkota iinono iya fiyemba, nacikala pa cinsa ca ciko nokusunga amani yaciko? Mwamona? Ifintu fyonse mu mutundu onse, lyonse i—icilume ecayembeshapo, lelo mwanakashi kubantunse. Mulandu nshi? Ewalengele ukupona. Satana amusalilefye ena palya pene, kabili ubusuma bwakwa ciwa. Mwamona?

<sup>172</sup> Satana ewali malaika uwaemba nganshi. Ewali ni kelubi ulya uwakupile. Lolesheni pabupusano bwapa mwanakashi alebwelela nomba kuli filya bena bali. Nibanga abaleibukisha Pearl, nangu, ukubelenga pali Pearl Bryan? Lekeni tumone amaboko yenu, imwe bambo mwe bantu abakalamba. Icine cine. Mwamona? Ewalingile ukuba umwanakashi umusuma mu America. Umwaice umunono uwaafilumba pa musebo kuti aba imiiku iibili uwayemba nga ena nomba. Mulandu nshi? Ico cili bwino bwino fye ifyo Baibebe yalande: “Lintu abana bakwa Lesa bamwene abana abanakashi ba bantu nabawama...” Ilyo lyali libumba lya bantu baonaika abalengele ilyeshi ukwisa pesonde, icakutila Lesa aonawile umutundu onse uwa muntunse. Mwamona? Cena cili bwino bwino. Kabili ileelo icintu conse cishintilila pa Hollywood kabili—kabili pabusuma nefintu ifyaba ngefyo, lintu ubusuma bwaba icintu cankama ica mumutima (mwamona?) kabili tekumoneka kwa kunse. Lekeni bena baipulamike abene beka, tekumoneka kwa kunse, leelo ukwa mukati, ukwa bufuke, ukwa mupashi wa kutekanya. Uyo—uyo e mwina Kristu.

Eico nomba, palipusho lyobe, Nkashi, Ine nshishibefye ifyakukweba.

Nomba, Ine kuti naleka nombaline nangu ukubulako amamineti yambi sate nomba, kabili nomba... Bushe ama mineti sate...? Nibanga abengekala pama mineti sate, kabili ico calatupela inshita imbi iinono buno ubushiku? Ukuba, Nalaangufyanya bwangu bwangu nganshi.

## 251. Munyina Branham, bushe uyu Timote Wacimo 2:9 cileplibula umwanakashi tekuti apange ifikuti mu mushishi wakwe? Bushe ishishi iyalukwa iyansekebele cileplibula imishishi iya “fikuti”?

<sup>173</sup> Nomba lolesha, Nkashi, nomba ici... Ine—Ine ndi nensansa ukutila cilya cakonkele pali ici. Ine nshabikile cena palya, lelo cena cakonkelefye—cakonkele cilya icisuma.

Moneni, umushishi wafikuti muli bulya bushiku cali cishibilo ica mwanakashi wa pamusebo; ifyo efyo alecita, ukuluka ifikuti mu mushishi wakwe. Kabili Paulo atile ku bena Kristu, “Nomba, ukutila ukuipulamika, tekuleka cena caba

ifikuti . . ." (nangu "uwalukwa ifya nsenkebele" kibili "ifikuti" cintu cimo cine), ukuluka ifikuti umushishi wabo, pantu cena calemoneka kwati ni bonse abashala mwi sonde.

<sup>174</sup> Nomba, imwe tamufwile ukumoneka kwati li sonde nangu ukucita kwati li sonde! Mwamona? Abanakashi bafwile ukuba abapusanako filya. Mwamona? Iyo, nomba, ukuluka ifikuti mu mushishi . . . Nomba, ileelo umushishi wafikuti kuyemba, kibili cena caba ukutali ukufuma kuma fashoni ya mwisonde. Nomba, mwamona abanakashi, umusango bacitilamo imishishi yabo ileelo . . . Musungefyе imishishi yenu munshila iili yonse; tamufwilefyе ukumoneka kwati lisonde! Mwamona? Tamufwile ukumoneka nangu ukufwala nga lyena! Nga cakutila bena bafwala utuputula, imwe mufwale indeleshi. Nga cakutila bena—nga cakutila bena bapanga imishishi yabo yonse . . . baibeya yonse kibili baiputulapo pamuulu, kabii nokucita yena ifyo Lyonse . . . Imwe—imwe—imwe lekenifye iyenu ibe yeka. Mwamona?

<sup>175</sup> Kibili icikuti—lelo ifikuti . . . Ilipusho lyaciba: Bushe "ifikuti" filepilibula . . . *ifyalukwa* cilepilibula iya "fikuti"? Ee, ico nacilungama. Kibili nomba, pa musebo . . .

<sup>176</sup> Nomba, Nafwailishe ico ukufwailisha imyaka iyapitapo ico umushishi "wafikuti" ipilibula. Mwamona? Umwanakashi, icine cine, abanakashi abakale, bena baletwalafye imishishi yabo kunuma kibili nokukaka yena, cimo kwati ni ponytail ileelo. Kibili bena baleya konse . . . Bena bafwele imingila kwati ngefyо, lelo abanakashi ba mumisebo babulile imishishi yabo nokuluka pa mitwe yabo, kibili nokufimba ukushinguluka kwati ngefyо, kibili nokubikamo amaluba muli yena kibili ne fintu ifyaba ngefyо, kibili ico cali musango wa—wakwa cilende pa musebo; kwati pamofye ngefyо tumona cilende ileelo, umusango ufwalilamo. Ndelanda ukutila *umukashana*, pantu namwishiba Ine ndi muntu umukalamba; eico ifyo efyo baleita bena munshiku shandi. Cinshi ico bena babeta ileelo? Ine . . . Owe, Ine nshishibe. *Bakashana* nangu icintu cimo nangu cimbi. Eico . . . Conse ifyo cena caba. Bapeleni ishina lya musango uuli onse, bena balitemwa ico.

**252. Munyina Branham, iwe watile pali tepu imo ukutila Noah apuswishe aba ng'anda yakwe. Bushe ici cilepilibula nyima kuti akwata icicetekelo cimo cine icaba naba ng'anda bakwe? Kibili bushe cilepilibula onse uwa mulupwa ali nokupusuka nga cakutila ifwe bonse twacetekela ico?**

<sup>177</sup> Nomba, ico cili . . . ee, cili icamusango wakuti . . . Iwe uwfile wamona umusango Nala asukilamo ili nomba. Mwamona? Mukubalilapo, "Imwe mwatile . . . (Nomba, lekeni mone ico.) Imwe mwalandile pali imo pama tepu yamo ukutila Noah apuswishe aba ng'anda yakwe." Mulandu nshi? Pantu bena balicetekele. Ifyo efyo cili, pantu bena bacetekele imbila yakwe.

<sup>178</sup> “Bushe ici cilepilibula ukutila nyina kuti akwata icicetekelo cimo cine naba ng’anda yakwe?” Ee, Nkashi! Ine ndemona umutima wakwa nyina munono alelililako abantu bakwe. “Kabili bushe ici cilepilibula ukutila onse umo uwamulupwa ali nokupusuka nga cakutila ifwe twacetekela ico?” Ee, nga cakutila bena bali nokupokelela cena. Ico Nacilungama.

<sup>179</sup> Ibukisheni kasunga wa cifungo umwina Filipi. Acetekele pali imwe bonse babili... Nga cakutila iwe naukwata icicetekelo icalinga pe pusukilo lyobe, bushe teti ukwate ici cetekelo cimo cine ico icinga bomba pa bantu bobe? Icicetekelo ni cinshi? Cena maka ayashimoneka. Mwamona? Cinshi ico—cinshi ico—cena calikwata u Mupashi. Mupashi wa Mushilo Aleta icicetekelo. Mwamona? Cena maka ayashimoneka.

<sup>180</sup> Mulandu nshi Ine ningabikila amaboko pa mulwele? Mwamona? Nga cakutila Ine kuti nakwata kulya ukwikatana kwesu pamo naulya umupashi muli ulya umuntu kulya, icintu cimo cili nokucitika. Mwamona? Pano napeminina Mupashi wa Mushilo; Ena ali nokusokolola ifyankama fya mu mutima. Ena ali nokucitafye bwino bwino fye ico Ena alandile Ali nokucita mu nshiku shakulekelesha. Abantu balacetekela ico; bena balalolesha pali cena, “Ee, mukwai, Ine nalicetekela ico.”

<sup>181</sup> Nomba, nga cakutila Ine nshili uwaishibikwa kuli imwe (mwamona?), ukubafye icintu icaishibikwa. Iwe kuti waenda maka maka ubushiku bumo kabilo waenda maka maka ubushiku ubwa konkapo. Mwamona? Ico icakuti—ico fye kucita icintu cabusanso. Iwe tawacetekela cena mukubalilapo (mwamona?), pantufye lilya line bwangu bwangu iwe mucituntulu wacetekela cena... Ulya umwanakashi atile, “Nga kutila Ine kuti naikata ku cakufwala Cakwe, Ine nalapola onse,” kabilo ena acitile ico. Mwamona? Ena talandile ukutila, “Lekeni njeshe ico nakabili.” Mwamona? Ena acetekele ico. Mwamona? Ico cili—ico cili...

<sup>182</sup> Nomba, nga cakutila iwe kuti wacetekela pamo na conse ico icili muli iwe pa lupwa lobe...

<sup>183</sup> Nomba, kwati pano, cinshi icilensumbula? Aya ni yesa—aya ni yesa amaka mukuboko kwandi? Cena icine cine te munofu wandi, wena mupashi wandi. Icine cine, fumyamo uyo umupashi, kabilo cinshi ico umunofu walacita? Wena uli uwafwa ngefyo ukufwa kwingaba. Mwamona? Wena uli nokubola, lelo wena uli... Mwamona, wena mupashi eupela amaka.

<sup>184</sup> Lolesheni pali Samsoni munono. Abantu abengi bamwene ifibi fyamoneke kwati cena kuba pafi pilala ifi fibili pano. Mulandu nshi, umuntu uwakula nga filya kuti aimya inkalamo nokuilepula mutupimfyia, Munyina Jackson. Inkalamo yatolokela pa muntu nga filya pamo ne cibi... namapeya kwati cibi capabutala, mulandu nshi icine cine, ico tekuti cibe icankama; lelo icankama cali, ena alifye umunono ne mishishi ya mumutwe iya nyongana uwaonda, umunono panono, uwakula,

uwaba, ngo mwanakashi munono, umulumendo munono uwaba mayo, nefikuti cine lubali ifinono ifya banakashi fileselela pa numa yakwe. Lelo imwe moneni, ena alebafye uwabula amaka nge cintu conse mpaka u Mupashi uwakwa Shikulu waisa pali ena. Kibili lintu u Mupashi wakwa Shikulu waisa pali ena, ilya inkalamo yabutuka konse konse nokubuluma, ena ailepawile yena mutupimfya. Cena tacali ni Samsoni; Cali Mupashi wakwa Shikulu.

<sup>185</sup> Nomba, nimumusango nshi untu ena engabulilamo incendwa yakwa mpongolo, ilya iyaikeli palya muciswebebe kabilo yasangwike iya buuta... Kibili fyena ifimpompo fyaba Pelisite fyali kwati inchi imo ukutikama kwamukuba uwa kosa. Ukuba, iwe wabula ilya incendwa nokuyuma pacimpopo cimo icabo, cena kuti catobaika mutupimfya ikana limo. Imwe namwishiba ico. Bena kuti bauma pali ilya iyakale, incendwa yauma... Lelo lolesheni palya, ena aiminine palya neyi ncendwa mukuboko kwakwe nokupumaula ukuponya inkana limo ilyaba Pelisite; abashala bonse babutukile ku mabwe. Ena atile, “Iseni, bushe mulefwaya nafimbi ifyo pamo?” Alifye—alifye naikatilila yena! Cali ni cinshi ico? Umupashi wakwa Shikulu waishile pali ena. Mwamona?

<sup>186</sup> Eico, Wena Mupashi uwakwa Shikulu. Kibili lintu iwe wakwata u Mupashi wakwa Shikulu muli iwe ukucetekela pe pusukilo lyobe line, bika ico pa lupwa lobe. Utile, “Ine ndebapokolola bena mwi Shina ilyakwa Yesu Kristu; Ine napokolola ico! Lesa, Ine nshishibe umusango Imwe mwälengelamo ena ukucita ico, kibili nomusango Imwe mwälengelamo ena ukucita ico, lelo Ine nincetekela ico. Nincetekela ico, Shikulu! Afwilisheni ukukana cetekela kwandi.” Landa cena kibili umone icalacitika. Cena calacita ico.

**253. Bushe Nabwinga—bushe Nabwinga ilyo Yesu talaisa, bushe Ena akakwata amaka aya Mupashi wa Mushilo aya kucita ifisungusho, ukwimya abafwa, kibili nefyaba nefyayo nga mumfula iya kuntanshi—nangu bushe iyi emfula iya kuntanshi paba wanu fote-fo sausande aba Yuda? Bushe bonse ba kapyunga bawkata ici, bushe ifwe, nangu, ifwe tulelolafye pakwisa?**

<sup>187</sup> Ee. Mwamona, cibusa, Ine—Ine—Ine nshili kasambilila uwafya mapepo. Nshili kasambilila uwa fya mapepo; eico, Ine mfwile nafundisha fyonse ifyo naishiba palwa Baibele ukufuma kufinshingwa nefya kupashanya. Imwe munjita ine ukuba kalondolola. Lelo nga cakutila Ine nalolesha pali cilya icibumba, kibili Ine nshatala njimona pa lwandi; kibili Nalolesha, kibili Ine namona ukutila Ninkwata umutwe, na matwi, na maboko, kibili... Ine ninjishibapo icintu cimo palwa ifyo Ine ndi nokumoneka kwati Ine nali imonapo pa lwandi. Mwamona? Nga cakutila Namona ukumoneka kwandi mucilola, Ninjishiba

ifyo Ndi nokumoneka nga cakutila Naiminina apatali kibili nokulolesha pali ine ne mwine.

<sup>188</sup> Nomba, uyo emusango Ntontonkanya pali Baibele. "Fyonse ifi fintu," Abena Roma 26 itila, "ficitika ukuba ifyakumwenako fyesu." Ifwe kuti twalolesha kunuma nokumona ifyo cena cali, kwati mweshi ulelangisha akasuba. Ifwe natwishiha fintu akasuba kali nokuba, lintu, nga cakutila ifwe tatwalamona akasuba, ifwe kuti twamona umweshi, nokumona ukutila wena uli nokukulilako ukucila palya. Ukuba, lintu imwe mwamona icacitike mu Cipangano Cakale cena cakulangishafye pali ico icicitika mu Cipyा.

<sup>189</sup> Nomba, muno, Ine nincetekela no mutima wandi onse Ine... ifwe tuli, nangu shino inshiku...Nga cakutila ifwe tatuli, umuntu umo ali; cena cifwile ukuba. Inshita naipwa; ifwe tuli pa mpela!

<sup>190</sup> Conse...Pe sonde...Lesa apangile isonde mumyaka amakana mutanda, kibili mumakana cine lubali Atushishe. Atile umuntu takekale ukupwisha ilya nshita, u—umwaka, nangu—nangu, ubushiku: "ubushiku imwe mukalyako, e bushiku imwe mukafwa." Adamu, nangu, Methuselah bali abantu abaikele pa nshita intali muli Baibele, kibili ena ali ne myaka imyanda pabula na makumi mutanda na pabula imyaka yakufyalwa; kibili ena tatalile ekala ilya imyaka ikana limo. Lelo umuntu uyo uuli nokwikala ukupita mu myaka Ikana limo, imyaka ikana limo, ukulangisha ukutila u—umutengo walilipilwa... Umuntu ekala ku nshita; ubushiku nabupwa; inshita naipwa; bena haya mu muyayaya.

<sup>191</sup> Muku konkafye, Ine ninkwata amakalata ayengi pa mbila yandi iya pa Milungu ibili nangu itatu iya pitapo iya pa—*Ng'anda Ya Kuntanshi iyakwa Nabwinga na Shibwinga*. Ico icine cine cafikile pa ng'anda ku ncende kumo ku bengi bena. Ukutila... Cena cacitile kuli ine pamo. Ine nshatala pita pali ico.

<sup>192</sup> Nomba, moneni. Pali ici (mwamona?), Abrahamu amwene...Nomba, ilyo Ena alebombele pamo na Abrahamu, eico efyo Ena acitile nolubuto lwakwe. Nomba, bumo pali ishi nshiku ilyo Ine nkabwela mu nshita imbi, Ine nkafwaya ukubula ico panonoko uku cipalamika ukucilapo nokulangisha imwe bwino bwino incende isha mu mweo wakwa Abrahamu. Cena caba bwino bwino pamo na Luther, Wesley, kibili ukuya pansi ukufika apa, bwino bwino ifyo Ena abomba pamo nama chalichi kwati nga fintu Ena acitile pamo na Abraham; ifyo Ena amoneke; icakutila kulya lintu Ena ashininkishe icipangano kuli ena mwisamba lya mulopa uwasumine, yena yali ninkulo ya Philadelphia. Ee, mukwai, ilya yali ni nkulo ya mulopa, iyakwa Luther...inkulo yakwa Wesley.

<sup>193</sup> Lelo nomba moneni inkulo yaba Pentecosti. Panuma Aishile kulya, Ena apangile ubulayo kuli *El Shaddai*, "kasunga ukufuma

kuli Ine." Ilipusho lili: Bushe kuti iwe wasunga? Ilyo elya letelwe ku cinso caba Pentecosti. Mwamona? Bushe kuti wasunga? Lelo bena tabacitile ico; bena bafwembele bena i—ibele ukufuma kucilonganino kulya bena bafumine. Lelo nomba u Lubuto, u Lubuto ulutuntulu, lwaishilepo nokusunga lilya ibele.

<sup>194</sup> Kibili cishibilo nshi icakulekelesha ico bena bakwe, ilyo ulya umwana wa bulayo ulya bena balolele imyaka yonse iyi, lintu Ena ali nokubwela? Bushe Lesa ewaiminine mumibele ya Muntu kibili nokulingulula amatontonkanyo yalya ayali mu mutima wakwa Sarah (Sarah ukuba i Chalichi, aleimininako i Chalichi), ukulingulula amatontonkanyo ayo ayali mu Chalichi ayo ayali fye na kunuma Yakwe. Bushe ico nacilungama? Kibili palya penefye panuma yaico, acinjishe ukubwelela ku mwanakashi umwaice na ena ku mwaume umwaice; kibili na Isaki aishile letwa abapo, umwana wa bulayo.

<sup>195</sup> Ndecetekela imwe mulemona icintu icakulekelesha ico icili nokucitika ku Chalichi ilyo u Kusumbulwa takulabako. Ico cili bwino bwino. Ine nalicetekela ico. Imfula naipwa. Belengenifye amachapitala yatatu aya mu Kusokolola kibili imwe muli nokumona ico icalaiwa ku Chalichi. Ico ecalaiwa, ku Chalichi, palya pene, inkulo sha chalichi.

<sup>196</sup> Imwe mwalimwene ubushiku bumbi lintu twatampile yalya Amapenga, Mupashi wa Mushilo atile, "Filya te fyapano." Mwamona, mwamona?

<sup>197</sup> Nomba, imfula iikakonkapo, umwanda umo na makumi yane na bane aba Yuda, iyo, ico te ifyo... ico... bena tabali... ico cili—ico cili lintu Eliya na Mose... Palya epo ifisungusho fili nokucitika. Ifintu ifyo abantu bafwaya ukumona, ba Pentecosti, bafwaya ifisungusho, palya epo filya fikacitika muli cilya, pesamba lyabo. Mwamona, uyo ni Eliya na Mose. Bena bakoma isonde ne fitipu inshita yonse bakafwaya; bena bakesala imyuulu ukutila yena tayakaloke mu nshiku shabo isha busesemo. Kibili Lesa akeminina nokubalwila kwati fintu Ena acitile, kibili Ena akabafumya pesamba lyakuboko ukwa maka bwino bwino fye kwati fintu Ena acitile mu Egypto (mwamona?), ukufuma muli utu "utwakupangwa" utwa mwi sonde. Kibili Ena ali nokucita ico, lelo ico tec... .

<sup>198</sup> Ifwe tuli nokulolelafye pa Kwisa kwakwa Shikulu. Ukulolelafye; sungeni inyali shenu ishaaka, shonse ishaisulamo amafuta. Mulepepa inshita yonse, te bushiku bonse, inshita yonse. Imwe mulebafye abaipekanya; muleba abaipekanya, muleba abasuma, kibili mulemona.

Oh, ifwe tulemona pali kulya ukwisa ukwa bushiku ubwa nsansa ubwa myaka Ikana limo,

Lintu Shikulu wesi uwopalwa ali nokwisa ukwisa senda Nabwinga Wakwe uulolela ukumutwala;  
 Oh, owe—oh owe, umutima wandi wiswilemo nokusumbulwa ilyo Ndebomba, moneni, nokupepa,  
 Pantu Shikulu wesi ali nokubwela pe sonde nakabili.

Eifyo; ilyo e subilo ilya Chalichi ino nshita.

**254. Bushe i Shina ilyakwa “Yesu Kristu” lyalilungama ilya lubatisho, nangu bushe tacifwile ukuba mwi Shina ilyakwa “Shikulu Yesu Kristu”?**

<sup>199</sup> Nangula limo. Ine nabula *Shikulu Yesu Kristu* (mwamona?), pantu Ndetontonkanya Ena e Shikulu wesi. Nomba, *Ishinafye ilyakwa Yesu*, nga fintu bambo aba bwananyina besu babatisha, Ine—Ine cintu capusanako kuli ico (mwamona?), pantu Nalishiba Nalikwata abengi bacibusu abetwa Yesu, abengi ba—abengi bacibusu ba kashimikila mu Mexico, na—na mu Italy, kibili nefyaba ngefyo. Bena babeta *Yesu*, kibili eico *Yesu* talyalinga. Ena afyelwe Kristu u Mulubushi, nga fintu Ena afyelwe u Mulubushi, Kristu, uwasubwa. Kibili inshiku cine konse konse isha konkelepo Ena apelwe i shina lya *Yesu*. Mwamona? Nomba Ena ali ni Shikulu Yesu Kristu. Ifyo efyo Ena ali. Nacilungama.

**255. Munyina Branham, bushe Shikulu kuti asuminisha iwe ukweba ifwe palipusho lya cupo nokulekana pali ino nshita? Ilipusho: Bushe umuntu kuti aupa umwanakashi nokulekana naena kibili nomba aupa umbi? Nga cakutila bonse babilo baupa bambi, bushe bonse babilo balecita ubucende? Iwe walandile ico ukutila cili nokutwala mulubuto lwa nsoka. Kutu caba shani ifyo?**

<sup>200</sup> Nomba, pano—pano pali amepusho pano yamo aya bucjenjeshi nganshi ayo ifwe tukwete muli iyi mina, kibili lyena elyo bepushapo nganshi mu—mu—mwisonde ileelo. Nomba, ngumfweni ine, kibili Ine ninkwata umulandu pali ici. Nga cakutila Ine icine cine naletele kuli cino chalichi kibili pali iyi tepu muno lucelo, icintu icalungama pa cupo nokulekana, cena kuti catoba i chalichi conse mu calo, nga cakutila bena bakutika kuli yena. Mwamona? Ico nacilungama.

<sup>201</sup> Nomba, eico ngafwilisheni, iyi pano Baibele ku ntanshi yandi, Ninkwata pali lilye lipusho, EFYA SOSA SHIKULU! Kibili shonse imbali ishilandilepo tashilungamike. Bonse babilo abo abopa abaupwa kibili na fimbipo, bonse babilo baliluba pafyo balecita, lelo pakati ka cena e pali Icine, pakati ka musebo. Nshilefwaya uku... Nalapanga tepu nga cakutila icintu cimo cacitika kuli ine, elyo ba munyina kuti baibikapo panuma Ine naya (mwamona?) kuma chalichi. Lelo Nde—Ndefwaya ukupanga tepu pali cena nokumilangishafye apo cibelele; lelo

mpaka Naumfwa ukutungululwa na Shikulu, Nshalandepo icintu nangu cimo palwa cena. Lelo Ndeumfwa ukutila pali ifi fintu Ningile ukutungululwa na Shikulu; nga Nshitungulwile, Ndi nokonaula ukucila ifyo Ncita icisuma. Mwamona?

<sup>202</sup> Nomba, Ndefwaya imwe mumone ici. Ilipusho: "Bushe umwaume kuti aupa umwanakashi nokulekana nankwe elyo kabiili nokupa umbi; kabiili nga bonse babili baupa umbi, bushe bonse babili balecita ubucende?" Nomba, we munandi, Nshilefwaya ukucena imyumfwile yobe, lelo ico Cishinka. Yesu atile, "Uyo onse ukamupa uyo uukalekwa acita ubucende." Mwamona? Nshi—Nshilefwaya fye ukusosa ico, lelo cena e Cine.

<sup>203</sup> "Mwatile ici cikesaba ulubuto lwa nsoka." Mwamona? Nshilebukisha ukulumbulapo ico, lelo Ine nalimo nalicitile ico kuncende imo, nalilandile icintu cimo palwa cena.

<sup>204</sup> Nga filya ubushiku bumbi, Nalikwete icintu cimo icasankanishiwe, Nalicumfwile cena, kabiili cena cili... Nalicimwene palya pene; kabiili cena cili pa tepu, kabiili Ine—Ine nalimo ndi no kumfwa ukufuma kuli cena. Ilyo Nalelanda palwa Mapenga Cinelubali, Natile cali mapenga cinelubali. Nalesontelela ku mutebeto wa Pentecosti. Ukufuma mu mutebeto wa Pentecosti mpaka pa ya cinelubali...mpaka ama—Amapenga, kwaliko ama Sabbatha cinelubali. Ama Sabbatha cine lubali yali pakati ka Matebeto ya Cakucilila ku Pentecosti (mwamona?), ico icapangile inshiku amakumi yasano. Mwamona? Lelo ico Nacilasontelelako, ukuba cilya, Natile, "Ico cileplibula Inkulo shama Chalichi Cinelubali."

<sup>205</sup> Pali ilya tepu, nga muli nokuibula nangu icintu icili conse, pali ilya tepu cilingile ukuba, ukutila umweshi uwalenga cinelubali panuma ya ico waishile mu—mu Mutebeto wa Mapenga, ico capilibwile Inkulo shama Chalichi Cinelubali, imyeshi cinelubali, tema Sabbatha cinelubali. Ama Sabbatha cinelubali yaile mu...Nalilondolwele palwa ico. Natile ama Sabbatha cinelubali, nga filya, lelo lyena Nalisendele lilye tontonkanyo limo line pali cilya, ilyo umweshi uwalenga cinelubali panuma ya Mutebeto wa Cakucilila, nangu, pa Mutebeto wa—wa Pentecosti, elyo kwaishile umutebeto panuma ya mwanshi wa letelwemo, ukulangishiwa. Mwamona lyena—lyena...Imwe muleibukisha kulya, umwanshi wasanguka umukate panuma ya ilya nshita. Mwamona? Ilyo u—umwanshi wa...umwanshi umo, lyena fyonse fisanguka mumukate umo. Oh, kufundisha ukukalamba ukuli apa; Nshaiketeko kumpela waico. Lelo nga muli nokukwata ico pali tepu yenu, ibukisheni, lolesheni muli Baibele. Mwamona, cena myeshi cinelubali panuma ya ico. Ukupenda ukufuma pa myeshi cinelubali: Akabengele kanono, Akabengele kakalamba, Kutumpu, Shinde, Akapepo kanono, Akapepo kakalamba, namu Cikungulu pepo; ikaba nimu Cikungulu pepo, imyeshi cinelubali, ico cimininako Inkulo shama Chalichi Cinelubali shonse. Umo kapyunga kuti

aimya cilya, kibili elyo kuti wacikwata, mwamona, kulya. Cisuma.

<sup>206</sup> Nomba, pali ici apa, lekeni—lekeni—lekeni fye ifwe tube nga... Imwe... Ici pano eco Ndesosa. Lekeni nsose ici, te Shikulu, lekeni nsose cena. Nga mwalyupwa pali ino nshita, kibili bonse bibili mwalipusushiwa, kibili muli abaisushiwa na Mupashi wa Mushilo, kibili mwalitemwana umo no mubiye, kibili mwali kwata abana abanono (nomba, ibukisheni uyu nine, te Shikulu. Mwamona?), twalilileni nokwikala pamo; beni abansansa; pantu tekuti mwikale nomukashi wenu uwa kubalilapo nga teifyo nga tamwamuupile. Nomba nga mwasha uyu nokubwekelamo kuwantanshi, mulecitapo icabipisha ukucila pafyo mwacitile pakubala. Mwamona? Eico mwamona, imwe mwali mucimfulunganya; takwaba inshila yakufuminamo muli cena. Kuti kwaba fye inshila imo mucine iyo Ningasosa ukufuma muli Baibele: imwe bonse bibili mwikale ukwabulo kuupa. Mwamona?

<sup>207</sup> Nomba, lelo... Iyo e nshila fye yeka Ningalandilamo pali ino nshita, lelo kuliko icintu nacimbi mulya, ukutila Ine—Ine tekuti mwebe nomba, kibili umulandu Nandila ukutila, “Te Ine, lelo ni Shikulu, twalililenipo.” Nga imwe mukatala leta ico kuli tepu, kibili ubushiku bumo, nga Ine naciletapo, muleibukisha umusango Nalandilemo ico. Nga mwali aba mano, nga mwalicumpwile (mwamona?), pafyo Nacilandile pali ilya nshita, kibili lyena kuti mwaishiba.

## **256. Munyina Branham, bushe kuti twaya kuma chalichi yambi nelyo bakana ukusuminako kuli imwe?**

<sup>208</sup> Mucine, ee! Yesu alicitile ico ilyo tabasuminisheny Nankwe. Twalililenipo. Twacimona apa, paletila, “Bushe kuti twaya kwi chalichi ici tacisuminishanya naiwe?” Mucine, Nshicita ico... Nshili akalibwe fye keka pa lulamba, namwishiba. Kuli—kuli fye abantu bambi aba bulesa kuncende shonse; Ndesubila Ndi umo uwa bena. Mwamona? Lelo mwiesha ukwisa kuno...

<sup>209</sup> Balinjatile pa cintu cimo icapala ici ubushiku bumo. I—ibumba mu Arizona lyalinjipwishepo kuli ico. Mwamona? Ibumba lya bakapyunga lyatile, “Icintu fye cimo ico twakwata ukususha iwe, Munyina Branham, ni (cimo pa fintu) abantu abo abesa kuno pamo na imwe, tekuti tubasende ukuya ku chalichi ukuli konse.” Atile, “Nabawkwata abana ne fintu fyons; bena tabaya ku chalichi.” Kibili atile, “Ukuba, ifwe twalibeba ukutila baliba abasengelwa ukwisa—ukwisa ku chalichi cesu.”

<sup>210</sup> Nomba, Ninjishiba ukutila balamipatikisha imwe kibili balafwaya imwe ukuilundako, lelo tamulingile ukuilundako; lelo muletwala abana benu kwi sukulu lyapa Mulungu kuncende imo! Kibili muleya ku chalichi; mwilaikala ku ng’anda, ukuya mukuloba, nokulunga, ne fintu ngefyo pa Mulungu.

Mwatila, “Ukuba, nshili kakonka wa mafunde.”

Ukuba, kuti cawama mwaba muli ulyo musango pa kashita, ukukana cindika ukubuka kwa kwa Kristu. Muleya ku chalichi ku ncende imo!

<sup>211</sup> Nga Na—nga Nalile... Nga Nalifililwe ukusenda... Nga Nalile ku chalichi *cimo* ico Naishiba ukutila kwaba fye icintu *cimo* ico balya bantu balandilepo ico Nacetekela: bena batile balicetekela Yesu ali Mwana wakwa Lesa. Bena batile cena (Ndetewishika cena), lelo Ine kuti naya umfwa bera ukusosa ico. Nalimo mwatila... Ico ni cino chaichi, nalimo ichalichi icakonkapo kuti caba icintu *cimo* nga ba Baptisti. Batila, “Ee, Ndecetekela ulingile ukukwata icakupitamo.” Ine ndi—Ine ndi nokuba pamo nabena kuli ico. Elyo Nalicetekela ukutila Yesu Kristu Mwana wakwa Lesa; Ndecetekela mulingile ukukwata icakupitamo. Cisuma.

<sup>212</sup> Elyo nalimo kuli ba Assemblies of God. Nomba, bera bacetekela... Mwamona, Ine—nomba Ine kuti nalya nalimo ftitatu nangu fine ifipandwa fya mukate pamo nabena (mwamona?), pantu bera kuti bacetekela...

<sup>213</sup> Ngo bushiku bumbi, uyu muntu umo wine alitumine lamya kabiili alefwaya ukwishiha palwa ico, kabiili atile, “Iwe watile...” (Uyu kapyunga kulya, uyu muntu kulya lubali uwalefwaya ukulanshanya pali ico. Munyina umubusu, ena aba mucabufi ca musango ngoyo.) Atile, “Ukuba, Munyina Branham,” mwamona, atile, “ena alasusha imwe ba Assemblies of God.” Kabiili nga cakuti kapyunga waku Asssemby abula iyi tepu, Ndefwaya imwe ukunjeba ilyo Ine nasushapo umwaume waku Assembly of God nangu umuntu uuli onse! Bushe mulandu nshi cabela ifyo, ilyo umusambo wenu ulasumina ukutila Nalitura kuli imwe ukucila ama million yataatu aya bana bandi abo Nafyala kuli Kristu? Musango nshi Nshisuminishanya naba Assemblies of God? Cinshi ico Nshisuminishanya naba Oneness? Ine nshisusha ba Oneness, ba Assemblies of God, Church of God, nangu umuntu! Ndasusha imibombele yonse iyo ipatula umuntu.

<sup>214</sup> Lolesheni, nalitura kuli ba Assemblies, ku finso fyabo abene, ukucila pali million uwa bana bandi. Nga bera bali ababipa nganshi, cinshi Ningacitila ico? Mulandu nshi? Ndetontonkanya cena cisuma nganshi icabako mucalo ukubatumako, nangula ba Oneness nangu i... kumo ukucetekela kwa ba Pentecosti, pantu balicetekela mukundapwa kwamaka yakwa Lesa; balacetekela mu cakupapusha; bera bacetekela mulubatisho lwa Mupashi wa Mushilo. Ico e cawamisha... Ine—Ine teti mbalete bonse pano; baba isonde lyonse. Nalikwata abanandi mwisonde lyonse, abana abo Nafyala kuli Kristu. Nkabatuma ku cawamisha... Mwalyunfwapo ilyo Ndeita abantu ku cipailo? Ntila... Ilyo Nabalenga ukwisa pamulu palya nokubalenga ukupusushiwa, Ntila, “Nomba, uleya kwi chalichi icisuma ica Mwisulo wa Mbila

nsuma kibili ukwate ichalichi ico wakulapepapo.” Nibanga baumfwapo ndesosa ico? Mucine, mucine. Ukuba, mulandu nshi Ninga batumina kulya nomba? Bushe kuti Naba bumbimunda ukutuma abana bandi ku mfwa? Cibe ukutali kuli ine. Iyo, mukwai!

<sup>215</sup> Nga tekuti uye... Nga tekuti wise kuno kwi hema, bulapo ichalichi cimo ku cifulo cimo; kabiyen'i kuli cena. Taufwile ukucita fyonse fintu bacita. Icipandwa ca mukate untu balepela, iwe upele umukate. Nga nabawkwata galiki, mulandu nshi, ilekefye ibe. Mwamona? Ico nacilungama. Ine tekuti ncilenge bena ukucicita, lelo cili bwino bwino... Mucine, imwe muleya ku chalichi. Konse uko icibi ca chalichi caisuka, ulatalukako na maka nganshi. Nga bena tabacetekela, ukuba... Nomba, imwe tamulingile ukukumako. Mwii'lunda kuli bena, mwii'lunda kuli imo iya filya fyalichi; lelo kabiyen'i kuli bena; isenge pamo nabena. Kuti waishiba shani ukuti te Shikulu? Ena atile Ena kuti alenga fyonse ukubombela capamo kubusuma! Kibili nalimo muli umweo mulya uulingile ukupusuka, kibili imwe kuti mwasanika Ulubuuto kuli bena. Mwamona? Kabiye kulya. Wiya uwakamuka, kabiye umusuma; kibili abantu balatendeka ukulanda ukutila, “Ulya emusango wamwina Kristu namayo, nabena Kristu abaupana; ulya emwina Kristu umulumento nangu umukashana. Owe, kuti Natemwa uku... Mune, bena mucine cine bacita kwati nabawkwata icintu cimo.” Mwamona? Kibili ukutila, “Cena ni cinshi?”

“Ici cili apa.” Nomba mubebe. Lelo mubefye abamucele, kibili bali nokukwata icilaka.

**257. We mutemwikwa Munyina Branham: Bushe ulecetekela ukutila ifishibilo filingile ukukonka bonse abo abawkwata Mupashi wa Mushilo?**

Yesu efyo asosele, Marko 16.

Nga cakuti efyo caba, nga abantu abacetekela i Mbila nefintu fyonse ifyaba muli bena, lelo tabawkwata ifi ifishibilo? Bushe bena tabacetekela nangu balekabilo Mupashi wa Mushilo? Nga cili ifyo, napapatu tusambilisheni ileelo, ifya kupokelela Mupashi wa Mushilo. Twalicetekela muli cisoselo cakwa Lesa icamubushiku bwesu. Munyinenwe.

<sup>216</sup> Natotela, munyinane, pakumpela umucinshi nga munyina obe—obe, kibili Ndetontonya ukutila ilyo lipusho ilisuma nganshi. Ba cibus'a, ee, lyena liliko panono ilishikondenkene. Ine ndefwaya ukubomba nalyo panshitako iitali nga cakutila kuti Nacita ico. Mwamona? Lyena talili ilya kondenkana. Lolesheni! Imwe bam... Mwamona? Lintu, imwe teti mupokelele ulubatisho lwa Mupashi wa Mushilo ukwabula ukukwata icakupitamo lintu cena cacitike... Nomba, nga cakutila imwe mwacetekela “akanono konse aka Cebo,” mwatila... Imwe

mwatila namucetekela konse akanono aka Cena, nomba ninshi i Cebo cili mulya cileolela pali Mupashi wa Mushilo ukucilenga Cena ukubomba; lelo cena cisenda ukwasha kwa nyali.

<sup>217</sup> Apa pali kandulo nentambo muli yena, kibili pamo ne—necamafuta yabuuta, kibili na fyonse ifyo yena ifwile ukukwata muli ilya inyali; lelo mpakafye umulilo waisa pali yena, yena tekuti ilangishe ulubuuto lonse. Temulandu nefyo inyali ingaba iyapwililika, kibili nangu ifyo yena inga aka iyapwililika na fyonse, yena ifwile ya ashiwa, kibili nomba elyo ya aka. Kibili lintu iwe wacetekela kibili wapelwa nefipope pafyo Mupashi wa Mushilo aba, ukutemwa, ukusangalala, umutende, ukukokola ukukalipa, ubusuma, ifisabo ifyo Wena utwala, mpaka Mupashi wa Mushilo aisa pamo necakupitamo ica mulilo ukwisa nokwasha iyo inyali, nomba iwe tau—iwe taula...taulati upokelele Mupashi wa Mushilo. Mwamona? Iwe ufwile wakwata ukwishiha pakukwata Mupashi wa Mushilo.

- 258. Ine naba mukabungwe akemininako ababomfi. Bushe ici cilubo ku mwina Kristu? I Cebo catila, “Wilapa iyo—wilapa iyo.” Ifwe tufwile twalapa pakukonka ulupapulo ulwa kabungwe akemininako ababomfi. Ine nshasendamo ulubali ulwa kuipamfyia mukubomba imilimo ukutulafye apo nabela umwina Kristu, lelo Ine ncili Ndepela ifyo mfwile ukupela ifyandi.**
- 259. Bushe ishina lyakwa Yuda Escarioti lyalifutilwe mwi Buuku lya mwana wa Mpaanga ilya Mweo, nangu bushe lyalu mwi Buuku lya mwana wa Mpaanga uwa Mweo?**

<sup>218</sup> Cisuma. Ukulola ku kabungwe kemininako ababomfi, Ninjishiba iwe ulabomba...Imwe mwebantu mwalikwata utubungwe utwimininako ababomfi nefintu ifyo imwe...Nga cakutila iwe ulefwaya ukubomba, ufwile waba mulikena. Ico nacilungama bwino bwino. Iwe ufwile wacita ico. Lelo ufwile wacenjela (mwamona?), pantu cena cili nokwisa ukufuma kubabomfi ukuya kuli cimo ica bukapepa muli ishi ishinku. Mwamona? Nomba, iwe ibukishafye, cena kutangilila kwa fintu fyonse ukuba akabungwe kakalamba. Uwe tekuti ubombe; bena tekuti bakuleke waba pa ncito; iwe uli—iwe uli “cakucingilila,” kano iwe—kano iwe waba muli aka akabungwe.

<sup>219</sup> Nomba ibukisheni, imwe mwebantu abaice, ibukisheni ifyo Munyina Branham alelanda. Kibili lekeni amashiwi yandi yalembwe nakalembelo kacela pa lu—lu—lupili lwacela! EFYA SOSA SHIKULU, ico icintu cimo cine cili nokucitika muli bukapepa. Iwe uli nokuba kucilonganino ica musango ifyo, nga teifyo tekuti iwe ushite nokushitisha. Eico ufwile ukuba uwacenjela uwa cine, Munyina. Leka cibefye ku babomfi beka. Cenjela; cena kusoka!

<sup>220</sup> “Bushe ishina lyakwa Yuda Escarioti lyalifutilwe ukufuma mwi Buuku lya mwana wa Mpaanga ilya Mweo, nangu bushe

lyena lyali mulya Mwine?" Ee, lyena lyali Mulya mwine kibili lyafutilwe ukufumamo. Mwamona? Pantu muli Mateo capitala 10, Yesu aitile Yuda na bonse abashala, nokubapela amaka pa mipashi yonse iya kowela. Bena bafumine baile baletamfy ifiwa, kibili Yesu atile, "Ine namwene Satana alepona ukufuma ku Muulu." Bushe ico nacilungama? Kibili bena babwelele, bonse balya abasambi capamo, kibili bena balesangalala; kibili Ena atile, "Mwisangalala ukutila . . . ifiwa fyacinakila imwe, lelo sangalaleni ukutila amashina yenu yalilembwa mwi Buuku lya Mweo." Mwamona? Ico nacilungama. Kibili Yuda ali fye pamo nabena! Mwamona?

<sup>221</sup> Eico ibukisheni, pa Bupingushi, moneni, pa Cipuna ca Bupingushi, "Ubupingushi bwilibikilwe; amabuuku yaiswilwe; kibili ne Buuku nalimbi yaiswilwe, ilyo lyali li Buuku lya Mweo, kibili no muntu onse apingwilwe ifyo fine."

<sup>222</sup> Nomba, mwaumfwa imwe, palipusho ilyacibapo pakashita akanono akapitapo. Mwamona? Pa Cipuna ica Bupingushi. Yesu, i Chalichi, Nabwinga, basumbwilwe, baile mulya mu Bukata, kibili bena bali kulya kibili balyupene, bali nokubwela pe sonde, kibili nokwikala imyaka ikana limo. Pa mpela ya myaka ikana limo Satana akakakulwa kibili nokufuma mucifungo, uyo uwakakwa na Malaika nomunyololo, temunyololo wapa mulando, lelo munyololo uwa nshita uwacishinka; bonse abasambi bakwe baba kumbo. Bonse balya ababushiwa ukufuma pe sonde balubwilwe na Yesu pamo nabena. Ena tabombele ibusha; lelo pa mpela iya myaka inaka limo, kubuka kwa cibili . . . "Alipalwa kibili uwamushilo uyo uwakwata icipandwa ukubuka kwakubalilapo pali uko imfwa yacibili tayakwata amaka."

<sup>223</sup> Nomba moneni, muli uku ukubuka kwa cibili, lintu bena bakema, nomba Satana ninshi nakakulwa ukufuma mucifungo pakashita akanono; nomba ubupingushi ninshi bwabikwa. Nomba moneni, Yesu pamo na Nabwinga, nge Mfumu na Namfumu, nabekala pa cipuna, pa Cipuna ca Bupingushi ica Buuta; kibili namabuuku yaiswilwe, amabuuku yababembu. Kibili ne Buuku lyaiswilwe, ilyo ilyali li Buuku lya Mweo; kibili no muntu onse apingwilwe ifyo fine na Nabwinga. "Tampaishiba ukuti (ukutwala utu utumilandu utunono kwi funde), bushe tampaishiba ukutila abashila bakapingula isonde?" Mwamona, mwamona? Cisuma.

## **260. Bushe mukwai kuti mwalondolola ili ibumba mu Kusokolola 20:4 lyaba? Bushe lubali ulwakwa Nabwinga uwapita nangu uwa kuntanshi?**

<sup>224</sup> Bena ni Nabwinga mukupwililika, bonse babilu uwapita nangu uwa nomba. Bena ni Nabwinga uwapwililika, pantu bena bekala mu myaka Ikana limo. Nacilungama.

- 261. Bushe mukwai...** (Ukuba, lyena bwino bwino lipusho limo line.) ...**Ukulsokola 20:4, bushe bena myeo ilya iyaputwilwe imitwe pamulandu wa bunte wakwa Kristu abo abakene ukupepa iciswango nangula ukupokelela ululembo Iwaciko pa** (Oh, Namona uko bena baleya. Ici capelwe kuli Ine fye, ukupelwafye kuli ine.) ...**apo cena ciletila bena baikele nokuteka pamo na Kristu imyaka ikana limo?** Eico cena cakusungusha, pantu kupakaswa kwakwa Nabwinga, lelo nibani bambi abo abengaba kabilis nokuteka pamo na Kristu imyaka ikana limo? **Bushe kuti baba bena—bena...bushe kuti baba aba andeleti na foto-foto saunsande?**

Iyo, iyo! Bena niba Nabwinga. Nomba, ibukisheni, bena...

<sup>225</sup> Wacitila, “Iyo bena batutwilwe imitwe pa bunte...” Nomba, watila, “Pa bu...ukukana pepa iciswango...” Icine cine! Wacitila, “Iciswango tacilati cise.”

<sup>226</sup> Iciswango cabapo inshita yonse; iciswango ecilya icaba lishishe bena kunuma kulya muli shilya ininga sha nkalamo, babalishishe kulya kunuma muli cilya icibansa kulya mu Rome. Ulya ewali mulwisha kristu; cilya ecali iciswango kulya kwine, cabikilepo imibele ya bukapepa. Bwino bwino fye kwati, mupepi, necakumwenako. I chalichi caci Roma cafumine mulya mwine muli Baibele, kabilis nomba... Ico bacitile kuli cena, bena baampenye icintu cilya icintu pamo nokupanga icintu kabilis nokupanga i—i chalichi icisangwa konse ukufuma muli cena, kabilis bonse abakene uku kontamina cena balipaiwe. Mwamona? Cena cali.

<sup>227</sup> Kabilis nomba mucipandwa ca Mubili icaliko lilya... Nomba, u Mubili walikula kwati cimuti mpaka Cena cilefika na ku Mutwe. Mwamona? Kabilis nabonse, babili bamufwila kristu, nabapakeswe, nefyaba ngefy... .

<sup>228</sup> Lelo Yesu alitupela umutende kuno lubali lwa mumana, kватифе fintu Ena acitile kumikowa ilya... kulya (mwamona?) bena tabaabwike kwi shilya. Nomba.

- 262. Cinshi ico Ine ningacita pali ena? Bushe kuti Ine natwalilila uku (Oh!) ukusakamana pali ba Taata abekala pe bala? Cinshi ico Ine ningacita...u—ukupangilamo ubwikashi...? Kabilis ena nalembapo ishina lyakwe.**

Ee, munyina wandi... Cena—cena nacilembwa pano. Ine nshishibe ninani... Ciletila, “Munyina Branham...” Elyo cena citampilefy, “Cinshi ico Ningamucitila ena?”

<sup>229</sup> Nomba, limbi mulumendo umo palwa ba wishi. Lolesha, wemutemwika Munyina, walipalwa niwe lintu wasakamana ba wiso bobo, pantu ba wiso balikusakamene iwe lintu iwe wafililwe ukuisakamana palobe. Kabilis ifunde lya kubalilapo ilya bulayo, ifunde lyakubalilapo ilya bulayo: “Cindika wiso obe na noko obe ico icinglefy inshiku shobe pe sonde isho

Shikulu Lesa obe apela iwe.” Mwamona? Ee, sakamana ba Wiso mu nshila yonse iyo wingacitilamo. Umone ukutila wamupela filya ifya wamisha.

- 263. Mwalandila ukutila Kaini ali lubuto lwa nsokla. Mulandila nshi Efa alandile ukutila, “Ine ninkwata umwana ukufuma kuli Shikulu”?**

Natutampeko. Ine kuti cawama nalolela mpaka panuma ya cakulya ca cungulo bushiku pali ili limo. Ee, Nalalolela mpaka panuma ya cakulya ca cungulo bushiku pali ilyo. Oh, ico calaisa senda inshita iilonoko pakwisa londolola ico. Nacilungama.

- 264. Wemutemwikwa Munyina Branham: Bushe kuti walondolola iyi versi kuli ine, Esaya 2:2: “Kabili cena cikesa fikilishiwa ukutila munshita isha kulekelesha, ukuti ulupili lwakwa Shikulu...mu lupili lwa ng’anda yakwa Shikulu cena cikapampamikwe pa muulu wa mpili, kabili cena cikasumbulwa ukucila pa mpili; kabili ne fyalo fyonse fikapongolokela muli cena.”**

<sup>230</sup> Ee, Nalicitile, ilyo uyu Mulungu taulafika. Mwamona? Ing’anda yakwa Shikulu ili noku pampamikwa pa muulu wa mpili, kabili ne fyalo fyonse fikengila muli cena. Icikalamba... Nga cakutila iwe taukwete ulu... Nga cakutila iwe naukwata tepu pali *Shibwinga na Nabwinga pa ng’anda iya ku Ntanshi*, yalilondolola ico bwino bwino muli iyo nshila.

Oh, owe! Naine limbi kuti nafwaya ukuleka nombaline, pantu owe, oh owe, munyina, tatwapwishe yonse aya pano. Whew!

- 265. Munyina Branham, bushe...(Natumone ifyo ici cili.) Munyina Branham, cena calishibikwa ku bengi abo abacetekela abo abakonka i Mbila yobe ukutila niwe Messiya uwa buno ubushiku. Bushe ifyo efyo caba?**

<sup>231</sup> Iyo, mukwai!

Palwalala twebe, Munyina Branham. Ulemoneka uwashinga shinga pakuilenga wemwine ukwishibikwa, kabili twalishiba ukutila nobupyungishi bwaba ngobu nga fintu Lesa apela kuli iwe, iwe uwfwire ukwishibikwa mu Malembo pa ncende pamo.

- 266. Inambala—Inambala 2: Imwe mwalitwebele ubukabilo bwakuya ku Arizona umuku wakubalilapo. Imwe mwalitwebele umulandu, kabili cena caishile fikilishiwa, lelo imwe tamwatwebele umulandu ico imwe mwabwekelemo nakabili.**

<sup>232</sup> Icakubalilapo, Ine nshili Messiya! Mwamona? *Messiya* ni Yesu Kristu, lelo ifwe tuli “bakwa Messiya,” onse umo pali ifwe. *Messiya, Messiya* cilepilibula “Uwasubwa umo.” Kabili muli Ena emwaikala umwisulo uwa bu Lesa mumubili; muli ine mwaikala fye icipandwa ca Mupashi Wakwe, cimo cine ngefyo

aikala muli iwe. Ine nalipelwa icabupe ica—ica—icakwishiba utuntu utunono nokumwena libela ifintu. Ico cilenenga ine ukubafye munyina obe. Mwamona? Ine nshili...nshili Messiya; Ine ndi munyina wenu (mwamona?), kacemafye uwa mukuni. Kabili nga cakutila Namyeba imwe ukutila Nine Messiya, Ine kuti naba uwabufi. Mwamona? Kabili Nshilefwaya ukuba uwabufi.

<sup>233</sup> “Nomba, mulandu nshi Ine nailile ku Arizona umuku wakubalilapo?” Namumfwa ico. Ine naile mwi Shina ilyakwa Shikulu, pantu Ine natuminwe kulya ukupitila mucimonwa. Nabwelelemo umuku wacibili pabukabilo. Cilekenifye cibe. Ine ninjishiba ico Nakonkele; Ine tekuti nande ifili fyonsé. Lintu iwe...ciwa tekuti eshibe, teti acifumye mu mutima wandi. Nga cakutila Ine nalanda ico, nomba ena kuti abula ico, lelo ena tali...ena tekuti acibule cena lintu cena cili mu mutima wandi. Nga cakutila Ine natila, “Loleleni mpaka cikese fikilishiwa!”... Ibukishenifye, sungeni iyi tepu; Ine naile ku Arizona kubukabilo bumuo. Mukwai ndekeeni. Mwamona? Citenifye ico Ine ndemyeba ukucita (mwamona?); citenifye—citenifye ico Ine ndemyeba ukucita. Mwamona?

**267. Munyina Branham, Ine ninkwata amepusho ayo Ndefwaya ukwipusha—ukwipusha imwe. Ine nalyumfwa abantu baletila ukuti iwe walipanda abantu amano ukushitisha fyonsé ifyabo...** (Limbì Ine nalalekafye ilyo libe pamo. Natumone. Ukuba, yena kale kale naifikasi inshita iyakuleka. Ifwe limbi twalaisa kwata ici panuma ya cakulya ca cungulo bushiku, lelo Ine—Ine nala asuka ici nangu ukwesha apakalamba. Nshishibe; yena lipelwefye kuli ine. Mwamona? Billy acindetela ayengi fye palya—palya pa mwinski. Mwamona?) **Nalyumfwa abantu balanda ukutila imwe mwalipanda abantu amano ukushitisha yonse amayanda yabo nokukonka imwe ku Arizona nangu—nangu bena tabakabe mu Kusumbiulwa. Bushe ici e cishinka?**

<sup>234</sup> Ubo bufi. Mwamona? Uh-huh!

**...nangu bushe kuti twashitisha amayanda yesu, nangu bushe imwe mwalilandile ici?**

<sup>235</sup> Iyo, mukwai! Ine Nshalandile ico! Nga kuti caba icili conse, Ine nalipanda amano abantu ukukana cita ico. Uh-huh! Ibukisheni, ibukisheni iciloto cakwa “Junie” Jackson pali ilya nshita lintu Ine naile kulya? “Junie” alotele ukuti amwene ici... Nibanga abaleibukisha iciloto, kabili nefyo Shikulu apele ubwilulo. Lulya ulupili ulukalamba, luntu ifwe twaimininepo, kabili nefilembo ifyakale ifya futike kulya; kabili Naleesha ukwilula cena, kabili Ine nafililwe ukucita ico. Kabili Ine—Ine naleilula ico kuli bena. Panuma Napwisheshe ukwilula conse, conse ukucilula, nomba Nafikile palya naingile (muciloto cakwe

nomba) icaba icintu cimo, kwati, cela kabiila cena caputwilefye pa muulu wa lupili ukufumapo kabiila naloleshe mulya, kabiila cena cali ni mfula ya buuta konse, kwati mabwe yabuuta. Lelo cena tacalembelwepo, kabiila Natile, “Imwe bonse ikaleni pano kabiila lolesheni mukati nomba, ilyo Ine naya kwishilya.”

<sup>236</sup> Kabiili “Junie” . . . Bonse pamo baile kabiili naba munyina bonse kabiili bonse balelolesha mukati pali cena, cimbi . . . Bena tabakutulwike; batile, “Ukuba, cinshi ico imwe mwaishiba? Cena nokulembwa tacilembelwe na pano,” lelo cibe ena alebelenga kunse yaciko. “Malandu nshi tacilembelwe muno? Ifwe tekutti tukutuluke.”

<sup>237</sup> Kabiili Junior apilibwike no kulolesha, kabiili amwene ine ndeya ukulola kumboshi, ukulola ku kuwa kwa kasuba, ukuya ukuninika ulupili, ulupili lumbi, ukwangufyanya icine cine, ukuyafye mukubula . . . Kabiili nomba bapilibwike nokulembwa nokumona nimfumapo; ibumba Lyonse ilikalamba ilyabo bakonkele muli ilya nshila, kabiili bena balefwaya ukuya *uku* nokucita *cilya*, panuma Nabebe ukwikala kulya. Ikaleni pano, ikaleni pano pene; inoine e ncende.

<sup>238</sup> Kabiili nomba, lintu Ine nacitile ico, nomba, kabiili Nailefye bwino bwinofye; kabiili pakashita akanono panuma yaico, Malaika wakwa Shikulu amonekele kuli ine, atile, “Kabiye kulya ku Arizona kwi shilya.” Naumfwile cilya icalepwike kabiili naile kulya, kabiili cali nicinshi cena? Ulya umulumeno alotele cilya iciloto kabiili cali icalungamafye bwino bwino, kabiili Shikulu apele icalungama . . . Ibukisheni, Natile, “Kulya kuliko icintu cimo ico Ndekonkako.” Kabiili lintu Naile kulya, cena cankama ca Fikakatikilo Cine lubali, filya fyaisalilwe mukati ka lulya lupili lwakwa Shikulu. Nabwelele nokwisulwa kwa Fikakatikilo Cine lubali. Mwamona?

<sup>239</sup> Iyo, taulingile ukucita ico. Nga cakutila ulefwaya ukuya, ico cili kuli iwe. Ifyo fine, Ine nshi . . . Owe, Ine nshilesakamana uko uleya, lelo iwe ucitefye ico, tontonkanya Nabwinga ali no kuya ukufuma kulya, iwe uli mucilubo.

<sup>240</sup> “Nakabili Ine nalyumfwa ici . . . Ine na (Lekeni ine . . . Ine ninkwata ico icalubana pa ncende pamo apa. Natumone.) . . . u Kusumbulwa. Bushe ici cacine nangu bushe ifwe kuti twashitisha amayanda yesu, nangu mwalitalile mwalandapo ici?” Iyo, Nshalandilepo ico. Nshatalile . . . Ine Lyonse nalipanda abantu amano ukwikala apo bali kabiili nokusunga ukutwalililapo ukutwalilila mpaka Yesu akese. Nga cakutila imwe Nalimyeba imiku iingi lekeni uyu tepu abe icakwibukisha; lekeni buno ubushiku bube icakwibukisha; lekeni ishiwi lyandi libe icakwibukisha; Ine nshatala, pa nshita imo, ukutala ukweba umuntu umo, ukutila afume, ukutala ukwebapo umuntu umo ukwisa kuli cino chalichi! Nshatala . . . Ukufika mukubeba ukutila bafume mu chalichi yabo kabiili nokushitisha ifipe

fyabo nefintu, Lesa naishiba ukutila Ine lyonse mpandafye abantu amano ukutwalilila ukuba abena Kristu nokwikala apo bali mpaka Lesa aita imwe. Umuntu onse alishiba ico. Ikala apo pene! Lelo nomba, ukweba abantu... Umuntu umo atila, “Ukuba, Ndefwaya ukwisa pano. Ndefwaya ukulaikala pano...” Iwe kuti waya konse uko ulefwaya ukuya; ico cili icalungama. Nshilesakamana uko iwe waya; ine uyo temulimo wandi pali ico.

<sup>241</sup> Lelo nomba, ukutontonkanya ukuti... Mwamona, bushe cinshi ico? Cena citampa icabufi (mwamona?), kibili nomba Ine naba mubwafya. Bena nabawkwata ibumba kulya nomba ilyo ilili nokuba pakupelwa ifya kutemwa nombaline. Kibili nomba cili nokuba cinshi cena? “Ifwe twaisa pano pa Kusumbulwa kwakwa Nabwinga.” Ico ecofye ama pepala ye lyashi yalelololapo! Bena balelolela ukukwata ico lintu bena baponena pafya kutemwa kibili bafilwa ukubwelelamo ku mayanda yabo. Nomba cinshi ico bena bali nokucita?

<sup>242</sup> “Ukuba, twakonkele Munyina Branham kuno. Cifwile caba...” Kibili Ine ndifye uwakaele palwa ico nga fintu Ine ningaba. Mwebatemwikwa, abantu abasuma, bena—bena balishiba ukutila Nalibatemwa, kibili nangufyefyabo. Kibili bena... Mulandu nshi, be... Bena... Nalibatemwa nangu cibe ifyo. Mwamona? Nalibatemwa; bena bana bandi; lelo bena bafilwafye ukumfwa kuli ine, paco Ine ndeesha ukubebe. Ine ndeesha ukupangapapo cimo mwi Shina lyakwa Shikulu, kibili bena tekuti baleke ine ncite ico. Mwamona? Bena icine cine balawisha ine mucifulo ca ine. Bena balecita...

<sup>243</sup> Bushe Nshamyeba imwe nga cakutila imbila ileshimikilwa, cena kuti caba pano pene pali lino ihema; icintu conse ico Ine nali nokucita, Ine kwisa pamo nokumyeba imwe mukubalilapo, ica tambalala ukufuma pano pe hema? Ico ebulayo bwandi!

**268. Pamo, Nalyumfwा kwaliba ukufundisha ukwafuma, ukutila ibuuuku lintu iwe walembele imyaka iingi iyapitapo palwa mukate wa mweo... Bena bapilibula ukutila ifwe tufwile twaba pamo naimwe nangu twapusa u Kusumbulwa.**

<sup>244</sup> Ukuba, i buuku lintu lyalubana. *I Buuku lya Mukate wa Mweo*, Ndeibukisha ico nomba. Ico caba cakulisha ichalichi isonde lyonse, kuncende konse. Mwamona, ubwafya bwaico buli... Nomba, nomba, imwe mwe bantu, iwe mwabafye abakosa palwenu, lelo imwe muwfyle mwakwata ico. Ico icikonka mukulongana konse. Ico—ico...

Nalebelenga palwa kwa Martin Luther pano tapapitile inshita, ukutila ifwe tatuwile ukuipashanya palwesu pamo nacilya; lelo uku kulungamikwa cimo cine nga fintu cilya cali. Kibili i—ilipusho lyaciba... Ni—ni—ni kasunga wa lyashi lya kale, batile, “Cena cintu cakusungusha ukutontonkanya ukutila

Martin Luther kuti ailishanya ku chalichi ca Katolika kabili nokwikala pamo neco. Ico cali cintu icisuma, lelo,” atile, “icintu cimo icisuma palwa kwa Martin Luther tacali nico. Ifyo ena kuti aimya umutwe wakwe pa muulu wafya kupena fyonse filya ifyalekonka mu musonkano wakwe kabili ukutwalililapo ukuba uwa cine ku Cebo, pa bwite bwakwe...” Mwamona?

<sup>245</sup> Iyo, mukwai! Tamufwile ukubikapo ifyenu... Umwaume onse nangu umwanakashi uyo uwabikapo icintu conse paco Ine nalanda, tamufwile ukucetekela ico Ine nalanda. Bena taba... Bena batila... Bena...

**269. Pamo palwa ishi indupwa isho isha shitisha nokuselela ku Sierra Vista, Arizona, apo bema bailula ukufuma pali tepu yobe imo iya mutwe (ndoleleniko fye panono) *Betelemu Munono—Betelehemu Munono*, Ukusumbulwa kukacitika ku Arizona. Bushe wali bapandile amano ukuya kulya?**

<sup>246</sup> Ine icine cine nshacitile. Lintu bema balembele inkalata palwa ico, umuntu umo kuno ku Connecticut nangu icintu cimo, Nabwekeshemo kalata nokwasuka ukutila, “Imwe mulepanga ukusela ukwabipisha uko tamwatala amucitapo mu mweo wenu. Tamufwile imwe ukucita icintu cimo icaba ngeco.” Mwamona, tamufwile... Ukuba, imwe ibukishenifye, imwe mwe bantu... Nomba, imwe bonse namwishiba ukutila Nsheba abantu ukucita ico; Ine ndabeba ukukana cita ico. Lelo mwamona, ico cifwile cakonka mukulongana. Mulandu nshi abantu betile ine *Messiya*? Mulandu nshi abantu bacitila...? Bena basenda... Ukuba, umuntu umo kulya anangile ine ubushiku bumbi bumbi, ena akwete akantu akanono kabili ena aile... ukutwalililapo, alefwaya abantu bonse ukubatishiwa mwishina lyandi. Bena bampangile ine ukuba mulwisha kristu! Lelo Ine nshaba muli ifyo fintu, kabili imwe mwe bantu mwalishiba ico. Lelo mwamona, ici nacikwata... Icofye cilangishafye i Mbila ukuba iya cine.

<sup>247</sup> Bushe bema tabaishile nokwesha Yohane, nangufye, uyo uwatangilile ukwisa kwakabalilapo ukwakwa Krista, “Bushe teiwe *Messiya*?”

Atile, “Teine! Ine nshalinga nokukakula insapato Shakwe. Ine nshalinga nokuloelasha pali Ena.” Mwamona? Lelo atile, “Uyo uuleisa panuma yandi...”

**270. Nomba, Munyina Branham, bushe ifwe pali icintu cimo ico tatukwanihe? Aba bantu balanda ukutila bacetekela ishiwi lyonse ilyo iwe ulanda ukuba ilya cine. (Lelo bema tabacita! Bema tabacetekela ico. Imicitile yabo eishininkisha ico bema tabacita.) **Mukwai lekeni njishibe ubwasuko bwenu ubwatambalala:** ee nangu iyo (Imwe namukwata ico! Nacilungama.) **palwa ifi fintu, kabili nga cakutila cena ca cine, ifwe tulefwaya ukuba abaipekanya nokuyaba pamo nabonse abashala kulya.** Uh-huh. Bonse**

**abashala... Ine natotela imwe apakalamba kuli aya amasuko kuli aya amepusho, nga fintu Nakulalolela ukumfwa kuli yena uno Mulungu, nga cakutila Shikulu akokola ukwisa.**

<sup>248</sup> Oh, owe! Ukuba, Munyina, Nkashi, Ine—Ine ninsubila cena nacumfwika (mwamona?) ukutila Ine nshacitile, nsha... Nomba, nga cakutila abantu... Oh, icine cine, nga cakutila imwe mulefwaya ukufuma ukwisa ku Arizona mukwikala... Kibili nomba, Ine nkafuma ukuya ku Arizona limbi muli ici cipandwa cakubalilapo. Ine nkabwelela kuno pano. Ndi nokuba... Nde—Ndefwaya ukwikala kulya; abaice balaba ababumi ubusuma nefintu fyonse. Nde—Ndefwaya ukwikala kulya pakashita akanono, kibili Ninkwata icilekabilwa. Ibukisheni nomba, pali tepu, EFYA SOSA SHIKULU, Ninkwata ubukabilo mukucita ico Ndecita; Namwishiba ukutia Ninkwata; lelo tekuti Myebe ico.

<sup>249</sup> Mulandu nshi Ine ndemyebela ukukana shitisha amayanda yenu? Imwe mukabulisha, kibili imwe mukapelelwa. Tamufwile ukucita ico. Ine nshakekale mu Arizona lelo nkabamo pakashita fye akanono. Mulandu nshi? Ine teti ncite ico nomba.

<sup>250</sup> Nga cakutila Ine naleka balya abantu ukwikala kulya nokwikalila pafya kupelwa fya luse, cinshi icili nokucitika? Nomba, ico cili nokubafye bwino bwino paco ifilonganino na bonse baleloleshako. “Aha, Ine nalimweba ico icali kunuma yakwe, libumba limo ilyaba kasesema nangu icintu cimo!” Mwamona? Mwaumfwa, ico ecofyne bena baleloleshapo! Nangu cibe ifyo, bena abantu, Nine ndi uwashingamwa pali bena; nangula bena tabacita ico Ine nabeba ukucita, kibili bena balicita icalungama bwino bwino... Mwatila, “Lekeni bena baleya; bena—benabena balicita ico imwe mwabebele ukukanacita!” Ico tacaba mu mutima wandi. Ine ndefwaya ukubakonka bena. Bena bana bandi. Ine limbi kuti nabomamo panono lintu Ine nababwesha, lelo Ine—lelo Ine—Ine ndi uwashininkisha ukubakonka. Kibili nimu musango nshi Ine ndi nokuya citilamo kulya?

<sup>251</sup> Bena batile, “Ifwe twaisa mukukonka i Cebo.” Ine nshakwata ne chalichi icakubatuma ukuyua kulya. Imisango yama chalichi bali nokuyamo kulya imoine neyo mulesha pa ncende shimbi, limbi nokubipilako. Mwamona? Kibili bena tabali nokuya ku chalichi mu musango onse, kibili Nshakwata ichalichi icaku shimkilamo kuli bena. Nomba Ine mumibele iisuma nabafye uwashingamwa ukufumya abana bandi mu Arizona, kulya...

<sup>252</sup> Ndemwipusha icintu cimo. Ine nalishimikile bwino ukucila pa mbila amakumi yatatu muli cino chalichi umwaka wafumineko. Kibili pa myaka isano, kunse, ukutula ukutula apo Naishila mu Arizona, Nalishimikila ishingi muli cino chalichi

pa mwaka umo ukucila ifyo Nacitile mu myaka isano munshita imbi (icine cine!), pano mu chalichi. Pano pene e ng'anda yandi iya kubalilapo; pano e cisaka candi; pano epo ifwe twabikwa. Nomba, sungeni ico mumano temulandu napali ico icacitika. Nomba, nga cakutila iwe uli wamano, walaumfwapo cimo icintu. Temulandu neco icacitika, cino e cisaka cesu, pano pene! Kabili sungeni ico mu mano kabilo mukese bwelela kuli iyi tepu ubushiku bumo, ukutila imwe mwangumfwile ndesesema. Nacilungama, mwibukishe ico!

<sup>253</sup> Nga cakutila imwe mulefwaya...nga cakutila imwe kuti mwafuma nokwisa ku chalichi, imwe tamufwile ukuya kulya ukuya fwaya cena, pantu Ine nshaba nakulya. Nshakwata incende yakuyako; Nshakwata ne ncende iya kushimikilako. Bena tekuti bandeke ine ukushimikila mu machalichi yabo. Ine nshakwata ne ncende, kabili Nalaile abantu lintu Ine naishile kulya...Bonse balyumfwile umwenso ukutila Nkesa kulya nokukula icikulwa icikalamba, nokufumya bonse mu ma chalichi. Lelo ubo tebukabilo bwa bwiminishi bwa mweo wandi. Mwamona? Ine—Ine ndalenga abantu ukupusuka. Cena cili kuli bena. Kwati ngo mu Samaliya aishile nokutwala umuntu mu ng'anda ya beni, nomba nokuleka bera ukusakamana ena ukufuma palya ukuya ku ntansi. Ine nshaisa kuno mukonaula ama chalichi, Ine naba pano kukuleta abapilibuka kuli Kristu! Mwamona? Kabili cilenga ine ukukana umfwa pakati ka bantu (mwamona?) lintu—lintu bera baleilula mu nshila yabo kabili ta...kabili...tabalelanda ifyo Ine ndelanda. Mwamona?

<sup>254</sup> Bushe tamuleibukisha icimonwa? Nibanga abaleibukisha iciloto cakwa Junior Jackson? Kabili na bonse bacikonkele cena bwino bwino. Cali ni cinshi? Ikaleni mpaka Nkaye kwi shilya! Mwamona? Kabili apokele ubwilulo nokubwela.

<sup>255</sup> Nomba, Ninkwata icintu cimo cimbi mu mutima wandi ico Ine bansoka kuli Shikulu ukucita, ukusela ukupanga icakulola kuli ino ihema, kabili neci chalichi; ico Mfwile ukuya kulya nangu kuncende imo pakashita akanono. Cena capabukabilo, ubukabilo ubukalamba, ubukabilo buntu iwe tawishibepo icintu nangu cimo. Lelo ibukisheni, Ine nshile "endaukafye ukufwaya ukonaula" ukushinguluka, pantu Ine ncita nga fintu Naba. Ine mombela mu bufwayo bwakwa Shikulu, nga fintu Naishiba ifya kubomba muli bwena. Mwamona? Uyo wine emulandu nga cakutila imwe mwacetekela muco Nanda, nomba mucite ico Ine ncita (mwamona?), nomba kutikeni kuli ine kabili muncetekele nga munyina wenu. Nga cakutila imwe mwacetekela ine ukuba kasesema, tamufwile ukupilibwila mumbi amashiwi yandi!

<sup>256</sup> Nga cakutila kuliko icintu icili conse, eico ngafwilisheni ine, nga cakutila kuliko icintu icili conse ico imwe mufwile ukwishiha ukutila Lesa kuti anjeba ine, Lesa alishiha ukutila Ine kuti namweba imwe icalungama fye bwino bwino! Kabili tamufwile ukulundako kuli cena nangu ukufumyako kuli

cena; imwe mucitefyе cena munshilafye Ine ndelandilamo cena (mwamona?), pantu Ine ndemyeba ukufuma mu mutima wandi icawamisha ico Ine naishiba. Mwamona? Imwe mufwile mwacetekelafye ico. Buleni fye—fye—fye ico Ine nalanda palwa ico, kibili cilekenifye ciye ifyo fine. Nacilungama.

<sup>257</sup> Eico nomba, Ine mfwile nabwesha abaice pano icakuti balyeko icintu cimo. Bena bali mulya muciswebebe balecula nensala.

<sup>258</sup> Kappyunga aishile kuli ine ubushiku bumbi, atile, "Munyina Branham, bena balepokelela icabufi icabipisha kulya ico tawatala aumonapo." Atile, "Cila umo pali bena, cila lucelo, balafuma ukuya; kibili bena batile ukutila tabali ukuya mukubomba, pantu nacipalamina mu Kusumbulwa." Bena tabafwile ukubomba. Ukuba, ico cilelangishafye imwe ukutila tabakutuluka noku kutuluka. Mwamona? Nacilungama. (Iyi tepu ili nokuya kulya kwine!) Eico, ee, mukwai! Mufwile, musambilileko ku bubenshi, Baibele itila, mwalishiba. Nga cakutila bena bakana ukubomba tabafwile balya. Eico ico cili—ico cili bwino bwino fye icalungama.

Pano—pano, naimya limbi ukufuma pali aya.

**271. Bushe . . .** (Ine nshishibe. Mwamona, cena ni fimo fye—fyena fili ifyapusana—kwena kulemba kwapusanako ukufuma kuli uku kumo. Ukulangisha fye imwe, Ndetontonkanya kuli ayali cine konse konse nangu ikumi aya aya pano. Mwamona?) **Efyo cili nokucilapo—efyo cili nokucilapo ichalichi capwililika mu Tucson, Arizona? Ine ndefwaya ukuba mu bufwayo bwakwa Lesa ubwapwililika. Bushe kuti twaya ku Tucson?**

<sup>259</sup> Kwena takuli nakalya ni kumbi—nikumbi ukulemba. Kwena kuli...Ine...Loleshenifye ukushinguluka pano; Nalamilangishafye ifyo yena yafulile pali lilya ilipusho limo. Ine nshi...Ine—Ine nimfilwa ukusanga yena, Ndetunganya. Yali pano—yali pani...Ine ninkwata yamo ayalembewepo pano, "Nalamibukisha mwishibe."

**272. Munyina Branham: Mukwai . . .** (Natumone.) **Ukwishiba ukutila iwe niwe kasesema, kibili, inshita intu tuleikalilamo, bushe . . . kibili—kibili . . . kasesema uwa nshita ifwe tuleikalila** (Ifyo efyo cena cili.), **bushe kukesha inshita lintu abantu bakwa Lesa bakabutukila ku Arizona pamo na iwe?** Nga cakutila caba ifyo, **bushe kuti watuleka twaishiba lintu iyo nshita ikesa?**

<sup>260</sup> Icine cine kuti nacita. Ine nalamyeba. Ine nalamyeba. Nomba moneni, pali ukulemba kubili ukwa pusana, abantu babili abapusana. Mwamona? Kuli ukulemba kumo, kibili kuli nakumbi. Mwamona? Ico efyo cifwile caba, ico icili mumano ya chalichi. Mwamona? Ukuba, lekeni tupwishe ici. Lekeni tumone nga cakutila Ine kuti nasanga... Lekeni tumone.

**273. Munyina Branham...**(Kuliko nalimbi, ilipuseneko capamo.) **Munyina Branham, bamo baumfwile iwe ulelanda mu mbila yobe Pa Ng'anda iya ku Ntanshi iyakwa Nabwinga na Shibwinga ifyo ili nokuba** (Iyo, ili nalipusanako.), **ube pali ba mailoshi fiftini andeleti ukufuma pa tabernacle, icalingana, sebeni andeleti cila inshila** (Mu mashiwi yambi, ihema ikele bwino pakati cili nokuba cila nshila sebeni andeleti, ukuba fiftini andeleti ba mailoshi. Oh!), **cila nshila. Bushe ici ca cine? Ine njikala kunse ya iyi ncende; bushe Ine kuti naingila mukati?** (Oh!)

<sup>261</sup> Iyo, Wemutemwikwa, taufwile ukucita ico. Lolesha! Nomba, walamona ifyo cena caba ica anguka ku bantu? Nibanga abali pano lintu Ine nashimikile ilya imbila? Ine natile lintu Ine nalepima Yerusalem Mupya, ukutila ili nokuba ba mailoshi fiftini andeleti monse monse. Natile yena ili nokufika mupepi ukufuma ku Maine ukufika ku Florida, kibili ba mailoshi sikisi andeleti ku mboshi ya Mississippi; iyo ili nokuba fiftini andeleti ba mailoshi monse monse. Natile Umusumba, mukutontonkanya kwandi, uli nokwikala palya pa mushili apo kasesema Abrahamu afwailishe pali ulya Umusumba, lintu takwakabe kibili bembra. Baibebe Yalandia ukutila takwakabe nakabili bembra, ico icaba kwati mupepi ne sonde lyonse lyaba menshi. Kibili takwakabe nakabili bembra; eico kanshi, wena tawakabe Umusumba uukalamba ukwikala pa ncende kwati ngefyo. Nincetekela wena ukekala muli ilya incende iinono uko babepa apakalamba, kibili Lesa afyelwe, mulya mu Betelemu. Nincetekela cena tacakabe icalungama ukuya mulya mu Palestine, umo wena ukafuma mu mushili palya pene kibili nokuba lulya ulupili.

<sup>262</sup> Lelo, wemutemwikwa cibusa, cena tacikwete nangu cimo icakucita na ino ihema. Mwamona? Abrahami, Isaki, Yakobo, Paulo, bonse abashila, bafwile monse mwi sonde, babocele, ba batotobeshe pa menshi, inkalamo shalibalile, kibili ne fintu fyonse fimbri; kibili bakesa fuma mu mulale onse, mukamulale kanono, kibili na mulusoso lwa calo. Ndesubila Ndi apo. Nshishibe apo Nalaba, lelo ponse apo cili, nga cakutila Ine ndi mwi bumba, takuli nangu cimo icinga ndesha ukuba mulya! Mwamona? Kibili Nshifwile ukuba pa ncende iili yonse. Incende fye imo iyo Mfwile ukubamo nimuli Kristu, pantu bonse abo abali muli Kristu ebo Lesa akesa Nabo pambo. Ine nshilesakamana apo cena cili nokuba, Ena ali nokubaleta... Mukanshike ine muli Yesu.

<sup>263</sup> Lolesheni pali balya bakasesema kulya kunuma. Bena bacishibe mannofye, nomba, ukutila ukubuka kwakabalilapo, ifisabo fyakabalilapo fili nokuba mu Palestine. Abrahamu ashitile incende, kibili ena...te...kibili emo ashikile Sarah. Kibili ena afyele Isaki. Isaki bamushikile kulubali lwakwa wishi na nyina. Isaki afyele Yakobo; Yakobo afwile mulya

mu Israeli...mu Egypto, bamuletele bamubweseha ku Palestine. Kibili nomba, Yosefu nao afwilile mulya mwine. Kibili baishile bwesha amafupa yakwa Yosefu, pantu ena atile, "Mukapange..." cali ni Yosefu ukwasuka kuli ico... Yakobo, ukutila ena takamushike ena mulya, lelo ukuleta ena ukumubweseha ena ku calo cabulayo. Yosefu atile, "Ubushiku bumo Shikulu Lesa wenu akamitandalila. Lekeni ine...amafupa yandi yakaye nokushikwa pamo na taata wandi." Kibili bena bacitile, pantu, ukuba bakasesema, bena balikutulwihe pali ifyo ifisabo fyakubalilapo ifya kubuka fikaba mu Palestine.

<sup>264</sup> Nomba, Baibele yatila...Kibili nga cakutila imwe mwanjita kasesema, Ine nshilelanda ukutila Naba; lelo nga cakutila imwe mwanjita ifyo, ibukisheni, Ndelanda kuli imwe mwi shina ilyakwa kasesema (mwamona?), mwi shina ilyakwa kasesema, ukubuka no Kusumbulwa kukaba konse konse mwi sonde lyonse! Temulandu noko iwe uli nokuba, lintu ilya nshita yafika, iwe ukasumbulwa ukuya mukumanya Ena! Epelafye! Takuli nangu cimo icikalesha iwe, temulandu noko iwe ukaba. Kibili na Ine ndesubilafye ukutila Ine nkaba kulya, umo pali bena. Ine ndecetekelafye nokusubila muli Lesa ukutila Ine ndi nokuba umo pali bena kibili na cila umo pali imwe aka mu—muli cimo cine.

Nomba, bushe namukwata inshita iya lipusho limbi? Nomba cena calabafye (mwamona?), mupepi nokuba wanu koloko.

**274. Wemutemwikwa Munyina Branham: Umukashi na Ine twalipatulwihe. Ena nanshitila saimoni iya kulekana. Ena te mwina Kristu, kibili Ine nalicetekela i Mbila kibili mfwaya ena ukupusuka** (Bushe ico te cisuma? Uyo icine cine mupashi uwa bwina Kristu. Mwamona?) **kibili cetekela. Cinshi ico Ine mfwile ukucita? Ifwe pamo twakwata abalumendo babili.** (Balilembapo amashina yabo.)

<sup>265</sup> Munyina, lolesha, leka ine nkwebe, ena nakushitila saimoni yakulekana. Uyo ni Satana. Wamona? Taufwile ukucita ico. Lelo kibili nga cakutila iwe uli mwina Kristu, kibili nga tawacitapo nangu cimo mwi sonde ukulesha ulya umwanakashi, nomba ena ni Satana uulecita ico. Ena aleesha fye ukonaula iwe.

<sup>266</sup> Nomba, nga cakutila ena ni umo uwa salwa na Lesa, ena ali nokwisa kuli Ena. Nga cakutila ena tali ifyo, ena tafikilepo nokula sakamaninapo. Nomba nga cakutila cena cacita...Nga cakutila wasakamana cili nokonaula ubumi bobo, kibili ico eco Satana alefwaya ukucita. Ena alebombela, Ninjishiba, pali iwe. Eico iwe bikafye icintu conse kuli Lesa kibili utwalililepo ukubombela Lesa ukubafye uwansansa ngefyo wingaba. Lesa ali nokusakamana pali conse icashalako. "Bonse abo Taata ampela Ine bali nokwisa kuli ine." Iwe fukama pa makufi

yobe; Nalapepa pamo naiwe nangu icili conse. Nalapepa pali yuu umulandu. Utilefyе, "Shikulu Lesa, Ine nalimutemwa; ena e nyina wa bana bandi," (nga cakutila ena ewaba) kabili utile, "Ine—Ine—Ine nabikafye icintu conse kuli Iwe, Shikulu. Ndefwaya bena bapusuke, Namwishiба Ndafwaya; lelo teti Nje ukutali. Ena alefwaya ukundeka nangu cibe ifyo. Ine nshacita nangu cimo; nga cakutila Nalicita sokololeni ico kuli ine; Nalaya nokuya lungika cena. Ine nalacita icili conse." Nomba bika cena kuli Shikulu kabili ucilekefyе cibe nomba, ucilekefyе cena cibe. Twalililapo fye uleikalafye mu musango umo wine kwati—kwati tapali nangu cimo icicitike. Kabili Lesa ewala sakamana pali conse icashalako.

- 275. Nomba: Munyina Branham, cinshi ici cimininepo palwa bantu (Oh, nakabili!) ukuya ku Arizona? Londolola ico.** Kuli ukulemba kumbi ukuibelele. Mwamona, mwamona?

Ukuba, ifwe kale kale natulondolola ico (mwamona?), ifyo ico cili.

- 276. Munyina Branham, bushe Nabwinga ali no kupita mukupakaswa nga fintu i chalichi cakubalilapo ica batumwa bacitile?**

<sup>267</sup> Iyo, Ine nacilondololafye ico ama mineti ayanono ayapitapot. Iyo, Icintu icikakonkapo kusumbulwa nomba. Ibukisheni, ukutila ifwe tuli mu calo cabulayo; ifwe tuli pamupaka. Imwe kutulukeni ukwenda kwakwa Israeli?

- 277. Bushe camu mafunde uku—ukubomfyा numusango onse uwa kicingilia ukuba pabukulu?**

<sup>268</sup> Ine cawama cawamafye nalekafye ico mpaka muli ici icungulo kasuba (mwamona?), pantu lyena lili... Ndefwaya u—Ndefwaya ukwisa landa icintu cimo pali ico.

- 278. Munyina Branham, Ine fye... (Ndelolelafye pali ba mineti batatu bambi nga cakutila kuti Nacita. Lekeni mbulepo limo ilili ilipi limo pano limbi.) Ine teti mpele mukupwililika kuli Yesu. Bushe Ine nalikwata umupashi uwa kowela?**

<sup>269</sup> Lekeni mposefyе inshita yonse iyashala pali ilyo pano. Iwe ulafilwa ukucimba kuli Yesu? Bena tabacita... Mwamona, Ine nshishibe umwaume nangu umwanakashи; Ine nimfilwa ukwishiба ni cinshi ico. Lesa naishiba ico.

<sup>270</sup> Iwe ulafilwa ukucimba kuli Yesu. Mulandu nshi? Uyo wine emulandu? Nga cakutila iwe uli mwanakashи, bushe taucimba kumulume obe pakuba umukashи, pela fyonse ifyo waba? Namayo munono lintu iwe waupilwe, wali uwabunjinu, walwishes mu mweo obe onse ukuba uwa bunjinu; lelo ubushiku bumo wasangile umwaume untu iwe watemenwe. Wali uwakwe mukupwililika. Ifintu filya efyo walekana mu mweo obe onse kabili waeseshe nokwikala uwa wama, kabili

uwamoneka bwino, kabi uwa bunjinu; nomba, iwe wacimba kuli conse icinono ica ico ku muntu umo. Bushe ico nacilungama? Waibika we mwine mukupwililika mu maboko yakwe; iwe uli wakwe. Conse ico iwe waimininapo, mukuba uwacindama, kabi namumisango iisuma, kabi ne fintu fyonse ngefyo, nomba iwe wapilibukila ku mwaume, pantu iwe naucimba palobe ku mwaume. Bushe iwe tekuti ucite icintu cimo cine kuli Yesu Kristu? Ukcimbafye we mwine palobe muli iyo nshila, “fyonse ifyo Ine naba, amano yandi yonse, amatontonkanyo yandi yonse.” Icine cine.

<sup>271</sup> Ine nshiletontonkanya ukutila iwe walikatililwa no mupashi wakowela; Ndetontonkanya ukutila umupashi uwakowela ulasuba iwe pamo nama tontonkanyo ayaba ifyo, ukwesha ukupanga iwe ukutontonkanya ukutila tekuti ucimbe palobe kuli Lesa. Lintu... Leka nkulange iwe icintu cimo. Mulandu nshi *wingawaila* ukucimba kuli Ena? Pantu kuliko icintu cimo kulya icileita iwe ukucimba. Cena cishibili icisuma icakutila iwe ulekabila ukucimba we mwine weka.

<sup>272</sup> Nomba, ico ufwile ukucita, Munyina nangu Nkashi (limbi kuti aba umuntu umwaice nangu umukalamba, conse ifyo cingaba), iwe watile... Tekutifye basange palwabo eico bena kuti mukupwililika bacimba. Iwe uipelefye we mwine. “Shikulu, ukutontonkanya kwandi, fyonse ifyo Ine naba, Ine—Ine ndefwaya ukupela kuli Imwe. Umweo wandi, Napela ngo mweo uwakubomba. Mbuleni, Shikulu, nokumbomfy Ine nga fintu Ndi.” kabi cena cintu caba icaanguka; Ine kuti nafwaya i chalichi kuti icine cine... Nincetekela nga cakutila—nga cakutila—nga cakutila tabernacle nomba, kuti yanonkelamo pali aya amepusho... Bushe namuyatemwa yena? Nacilungama. Yena yali nokwafwilisha panono.

<sup>273</sup> Nomba lolesheni, pali ici, nga cakutila ichalichi kuti caipusha ifi fintu (mwamona?), mwipushe pali ifi fintu: nga cakutila bena kuti bacita *ici*, nangu ukucita *cilya*, ne fintu fyonse, Ine ndi nokwesha ukucita icawamisha ico Ningacita. Nga cakutila Ine nalimpanda amano mucilubo, cena tacaba mu mutima wandi ukucita ico. Nga cakutila Ine nalilandapo icintu cimo icalubana mukubakilila amatontonkanyo yandi ne fintu, te... ukwishiha—ukwishiha ukutila cena cintu calubana ukucita ico nangu ukweba iwe ico, Ine kuti naba myalu myalu uwakowela. Ico nacilungama. Lelo ukufuma mu mutima wandi, nga cakutila Ine nalilufyanya, Lesa naishiba (mwamona?) Ine nincita ico na conse icili muli ine mukwasuka amepusho yenu.

<sup>274</sup> Kibili kuli imwe ba kapyunga mulya mu fyalo umo iyi tepu ili nokuya, Ine nshilelanda ifi fintu ukucena imwe. Nacilanda ifyo pantu Imwe nalimitemwa imwe. Mwamona? Kibili Ine icine cine, no mutima wandi onse... Cena cili... Nomba, Nshileesha ukubomba ukulangisha ukutila—ukutila Ine—Ine nalistiba icintu cimo ico imwe tamwaishiba. Ifyo tefyo

cili, munyina wandi. Ine ndecitafye ici pantu Ine nalimitemwa, kibili Ine—Ine—imwe mwalintemwa, Nincetekela.

<sup>275</sup> Nga cakutila imwe mwamwene ine ndeya pa mumana mu bwato ubwakale, pano pali uyu umumana, mupepi napo ifwe tuli nomba, pano pe hema, pa Mumana wa Ohio; kibili no mumana uli uwaisulisha; kibili nefipoma filifye pe samba lyandi. Kibili iwe nawishiba ukutila ubu ubwato teti bupite pali filya ifipoma; bwena tekuti bucitefye ico. Kibili pano Ine ninjikala nokulosha umutwe wandi kunuma, ndeimba, ndetusha, kibili ndeya ndesenselela, ndeelela ndeya palya, ndeangala, ukuya pali ulya mumana; kibili iwe nawishiba palya ukutila Ine palya ubwato bwalaonaika. Nga kutila iwe walintemwa, kuti wapunda, nangu iwe kuti watolokela mubwato nokubutukila palya, kibili nokumpomponsha pamutwe ne cintu cimo, ukundeta mukati. “Munyina Branham, iwe naufulungana! Iwe naufulunganna; ifipoma fili pano pene!”

<sup>276</sup> Kibili Ine natile, “Oh, leka ukulanda! Leka mbe!” Kibili cibe iwe walintemwa nangu cibe ifyo. Iwe kuti wacita icili conse mwisonde; kuti wamfwemba ine. Nga cakutila iwe wa—nga cakutila iwe wali nokonaula ubwato kuti wamfumyamo mulya, pantu iwe mwalintemwa; iwe nawishiba ico icili no kucitika.

<sup>277</sup> Kibili munyina, Ine ninjishiba ukutila ico ecili nokucitika kuli cilya icilonganino. Teti anashe amabimbi. Mwamona? Iwe uli nokuya kulya kwine mukulungatana ne Cisaka ca Calo ica ma Chalichi; kibili nomba, iwe limbi kuti wacipokelela nangu cena kuti cafuma munshila intu ifwe tulimo. Eico, cena cilifye bwino bwino, iwe uwfile wapanga ubusalobobe. Kibili Ine—Ine nshilepilibula ukuba... Ine kuti nafwaya ukonaula ubwato, nacilungama; Ine kuti nafwaya ukucita icintu conse ico Ningacita, tekucena iwe, munyina, lelo ukubusha iwe ukutila iwe naufulfyanya. Taufwile ukucita ico!

<sup>278</sup> Kibili ulu lubatisho lwa mu menshi mwi Shina lyakwa Yesu Kristu, tapaba nangu umo umuntu pa cinso ce sonde ico icingasusha ico ukupitila mu Malembo. Tapali umuntu uwingesusha ico. Tapaba Illembu nangu limo... Imwe mwe bantu, imwe mweba bwananyina—imwe mweba bwananyina, ibukisheni, ibukisheni fye, fwailisheni muli Baibele; sangenipo icifulo cimo apo umuntu umo abatishiwe mu Cipangano Cipy (benabena taba batishiwe mu Cakale, lelo mu Cipangano Cipy), umo umuntu umo atalile batishiwa ukucila mwi Shina lyakwa Shikulu Yesu Kristu; nomba mufwile mwaisa nokulangisha ico kuli ine. Nangu kabiyeni mufwaye mwi buuku lya lyashi lya kale umo bena babatishe pa makana imyanda panuma iya mfwya ya batumwa bakulekelesha... I chalichi caba Katolika ecatampile ulubatisho. Ba katukumeni babo balanda icintu cimo, ukubomfyia ishina lyakwa Taata, Mwana, na Mupashi wa Mushilo.

<sup>279</sup> Pa mepusho pamo na shimapopo, pano pa Sacred Heart Church, anjebele icintu cimo cine. Atile i chalichi ca Katolika calebatisha ngefyo, lintu Namwebele ukutila Ine nabatishe uyu umukashana Frazier, lintu bishopo alefwaya ukwishiba. Atile, “Bushe kuti walapa pali uku ukulanda?”

Natile, “Ine nshilapa nakalya.”

Atile, “Bishopo alefwaya iwe ukucita!”

<sup>280</sup> Natile, “Bishopo awfile asenda ishiwi lyandi nangu akane ukucetekela ico, limbi cimo ico alefwaya ukucita.” Mwamona? Natile, “Baibebe yatila taufwile ukulapa nakalya.”

Kabili atile, “Ukuba, uh . . .” Ena atile, “Ba . . .”

<sup>281</sup> Natile, “Ine namubatishe nolubatisho lwa bwina Krisitu mu menshi, namwibishe ena pe samba lya Spring Street mwi Shina lyakwa Shikulu Yesu Kristu.”

Kabili lintu shimapopo alebelle ico, atile, “Iyoine e nshila intu i chalichi ca Katolika cale batishishamo.”

Natile, “Nshita nshi?”

Atile, “Munshiku sha batumwa.”

Natile, “Iwe wita bena ba Katolika?”

Atile, “Icine cine, efyo bali.”

<sup>282</sup> Natile, “Nomba Ndi Katolika uwa wamapo ukucila iwe. Ine nkonka ukufundisha kwabo.” Ico nacilungama. Mwamona, mwamona? Bena balanda ico, lelo cena teifyo caba.

<sup>283</sup> I chalichi caba Katolika catampile pa Nicaea, ku Rome, pesamba lyakwa Constantino, lintu i chalichi nobuteko fyaikatene pamo, kabili—kabili ubuteko bwapele i chalichi incende, ne fintu ngefyo; bena icine cine batontonkenye ukutila bali mu myaka Ikana limo. Benatontonkenye ukutila baingile mu myaka Ikana limo. Iyo yali myaka ikana limo iyakwa Satana. Ico nacilungama bwino bwino. Taufwile ukucetekela ifyo fintu. Ee, mukwai!

<sup>284</sup> Nomba, lelo . . . Nomba lintu bena bapangile ubusalo, nangu, bakwete . . . mucifulo cakukwata a—akalubi, bena baponeshe—beni baponeshe Venus, babikapo Maliya; bafumyapo Jupiter, babikapo Paulo nangu Petro. Palya pene ku—ku Vatican, palya pene ku—ku Rome nomba, mulya mwine mu Musumba wa Vatican, icapangwa ica ma fiti naintini icakwa Petro, bena balanda ukutila balitomona ifikondo fitatu nangu amakasa aya cilya icabumbwa. Mwamona? Kabili na fyonsen fyaba ni . . .

<sup>285</sup> Fyonse . . . Fyale ku chalichi, Billy na Ine, ulucelo lomo kulya, twaile pe samba palya apo bashika bonse abashupa kabili ne fintu ngefyo kabili nokuleka amafupa yabo ybolela muli ulu ulukungu, ifupa limo lyabola ukufuma kulinankwe mulya mwine, kabili nokubula amafupa kabili nokupanga ifyamu ng’anda ifya mu ng’anda ifya lubuuto ifya mafupa ya

maboko fileselela kwati *ngefi*, kibili nefipanga; kibili na bantu baleisa mulya nokula kumunako kufipanga fya buuta, ukwesha ukulapoka amapalo aya pipanga fya balya abantu bafwa. Cena mibebe iya kupepa imipashi. Mwamona?

<sup>286</sup> Kibili palya pene epo catampile, mu Rome, kibili palya pene epaba icipuna ica cisiwango, kibili ukufuma palya kwaba nyina cilende. Kibili na bana bakwe abanakashi ba cilende bwino bwino fye ngefyo ena aba, pantu apele isonde lyonse ulukombo lwa cipyu cakwe, ulukombo lwa bunte bwakwe, ulo ulwaakanishiwamo ne mibebe yabipa iye sonde. Kibili ena akwete ubunte bwakwe. Atile, “Ine naikala nga nacisungu, kibili Ine—Ine naikala nga muka mfwilwa (Ine ndepilibula), kibili nshikabila nangu cimo”; kibili ena taishiba ukutila ena mulanda uwa pomonwa, uwapomonwa, impofu, umubusu, kibili taishiba ico. Nifyo fine. Kibili ico ca chalichi ca Katolika ukubikapo ne filonganino fyonse ifya Bakailishanya! Lelo muli conse ico mwafumafye icimfulunganya, mwaliba abantu abasuma abatemwa Shikulu Lesa ne mitima yabo yonse, imyeo, na mano. Kibili bena batontonkanya ukutila balilungama. Bena batontonkanya ukutila balacita icisuma. Lesa euli nokuba Kapungula Mukalamba.

<sup>287</sup> Kuli ine, nga cakutila Lesa nga akapinggula i chalichi ukupitila mwi sonde, efyo i chalichi caba Katolika cilanda, nomba Ine naipwishe uyu muntu uwalenjipusha Ine amepusho: Atile, “Lesa ali nokupinggula i calo ukupitila mu chalichi.”

Natile, “Nicisa ico?”

Atile, “I chalichi ca Katolika.”

<sup>288</sup> Natile, “chalichi ca Katolika Nshi? Fyena fyalipusana cimo ukufuma kucibiye.” Chalichi nshi? Icaba Orthodox baci Greek nangu icaba Roma? Nangu ni cisa cimo ico Ena akapingwilako naco? Nga cakutila Ena ali no kupinggula cena ne chalichi caba Protestant, ni cisa ico cimo? Icaba Methodisti, ba Baptisti, ba Lutherani, ba Pentecosti; ninani Ali nokupinggula neco? Baibele Yatila Ena akapinggula i sonde na Yesu Kristu, kibili Yesu Kristu e Cebo. Eico kuli ine, cena Cebo cakwa Lesa eco Ena akapingwilako i sonde naco. Ico nacilungama. Kibili Ine nincetekela ubupingushi Bwakwe buli pe sonde nomba, kibili Ine nincetekela... Lekeni ifwe tufwaye ne mitima yesu yonse ukubutuka ubukali ubwa kusekwa ubwa bukali bwakwa Lesa ubo ubuli nokupongololwa pali ili isonde ili shacetekela; kibili tapali inshila nakalya pali lyena ukubutuka ico.

<sup>289</sup> Takwakatale, akwisa, akwisa ipusukilo pe sonde nakabili. Bena balipita pamushilwa wabo pakati ka kusenamina no bupingushi. Ubwabapo... Imwe limbi kuti mwabika Abraham Lincoln monse mu calo mu United States, kibili cena tacakatale acipilibula ili ibumba ilyama “Ricky” nelya ma “Elvises” ukubwelela kuli Lesa.

<sup>290</sup> Imwe mwalimona mwi pepala (Ninkwata ilyo. Ndelileta kuli imwe muno cungulo kasuba nga mulefwaya ukumona lyena muno bushiku), apo i chalichi caba Presbyteriani (imwe mwe bengi namumona ico), i chalichi caba Presbyteriani cilepita mu bengi nangu ukupita mu—mu—ukupita mu sacramento pamo nokushana kwakuya kuntanshi na kunuma. Kakumba naiminina palya aletota na mumaboko yakwe ngefi; kabili bena balepita mu cakucitwa ica kutanika kabili na konse “ukushana kwa kunsansamuka” inga ukwakuya ku ntanshi nokubwelela kunuma mu chalichi caba Presbyteriani.

<sup>291</sup> Kabili lintu aba ababupapa abashakwata imicitile yaba bwino, balebilikisha, ibumba ilyakowela ilyama Beatles, ilyo ilitwa ifyo, abo abaicefyu ukucila pam muntu kabili bena bafwaya ukuba ba mukunkunya...Bena bakene ubukule bwama dollar andeleti na makana mu St. Louis imilungu iinono iyapitapo; bafililwe ukukana pali ico. Baisa pano, ibumba ilinono, ilya babipa ba Englishmen kulya nemishishi yabo ileselela pe samba lya meno yabo. Kabili nomba, balikwata bukapepa bwabo ubo bena baletampa. Imwe mwalimona ico muli *Look* magazine. Mwamona?

<sup>292</sup> Oh, ifyo ili sonde lyaba ilyaonaulwa. Takwaba nesubilo lyaliko nakalya; balyabuka pamushilwa wakwakanya pakati—pakati ka ku kalulushanya namanofye, nokucilapo pakati ke pusuki....

<sup>293</sup> Abantu tekuti nokupingula bapingule. Tatwakwata abantu nakabili na fintu ifwe twakwete. Nikwisa ukwaba Patrick Henry? Nikwisa ukwaba Abraham Lincoln, abantu abo abengeminina nefya kushinina ifya kosa?

<sup>294</sup> Nikwisa kuli abo abaume nokutamfyu aba abanakashi bapena ukufuma muno, ukuifula abene beka pamo...kabili nokufuma ukukonka aba abaume; kabili nomba—kabili nokulabutauka nge bumba lyaba cilende, kabili nomba nokubika umulumendo umo mukalyati uyo uwinga tuka umo pali bena? Nikwisa ukuli amano yenu? Bushe amano yaseka ni cinshi? Nga cakutila ena kuti aibika palya umwine eka, ukuleka ena ukuya nge mbwa. Ee, mukwai! Nga cakutila ena aleya mukufwa...imisango iisuma kuli ena ukucila pali ico... Nikwisa ukuli amafunde ayo ayenga lesha ico?

<sup>295</sup> Muno mwine mu Louisville, Kentucky, imilungu ibili iyapitapo ilyo ulya umwanakashi na...aleesha ukupanga... ukubika ishina lyakwe mwi pepala, awala akaputula ka pulasitiki, ukwenda ukufuma kulya ku Brown Hotel; kabili na kapokola aeseshe ukumwiminika, ena akene ukwiminina; amusekelefye ena. Kabili ena alishishe imfuti pakwiminika ena; ena amuposele muli motoka nokumule ena ukumukumanya pa police statiuon pamulandu wamifwalile ya bipa ne fintu fyaba

kwati ngefyo, kabili aile nokuya kumana... Namwishiba ico bacita palwa ico? Batamfishishemo kapokola incito.

<sup>296</sup> Lesa afwilisheni i calo ico icabola! Tekuti upite uwakaele kano wacita icilubo. Ifwe limbi tekuti tupitefy, lelo ifwe tufwile twaima; kabili apo epo tuleolesha. Natukonteke imitwe yesu.

<sup>297</sup> Shikulu Yesu, lekeni Kacema mukalamba ese nokutusenda ukufuma muli ici, Shikulu. Ifwe tulelolela pali Ena. Ifwe tulemona pali ilya inshita. Lintu ifwe twamona i sonde ukuba ilyaonaika nganshi, Imwe mwatile lili nokuba muli iyi nshila. Bakasesema benu abakalamba baseseme ukutila ishi inshita shikaba pano. Ifwe twacetekela bakasesema, Shikulu; ifwe twacetekela ico.

<sup>298</sup> Kabili nomba, twapepa, mwe Lesa, ukutila Imwe muletupela bakasesema abakwilula ici i Cebo kuli ifwe, ukutila ifwe twingeshiba nga tuli abalungika nangu abalufyanya. Tulemona bakasesema wa bufi baima; bena bali mufiswebebe, mu Salt Lake City, monse mu ncende isha calo, ifiswebebe fyamisango yonse, kabili nemisango yonse iya miputule yankama, imisango yonse iya ba Taata ba Maka ayakalamba, nefyaba ngefyo, konse konse.

<sup>299</sup> Ukumona balya abaland ba munyina bafita, ba nkashi abali kulya nomba; bena balefwaya ukwikatana pamo. Lilya line fye bena bakwata ico... Ico nacilungama; bafwile bakwata ico; bena niba munyina ne nkashi. Nomba, lintu bena bakwata ico, bena babipilako ukucila. Ico cilelangisha ukutila cena kusubwa kwakubombela pamo. Oh, mwe Lesa, bushe kuti balya abaland bamona ico? Ico cena tacicitwafye... Ukuba, cena cifwile cacitwa, Shikulu.

<sup>300</sup> Iseni, ico eco ifwe tulefwaya. Imwe isenifye, Taata. Ifwe tulelolela. Iseni, Shikulu, tusendeni pe samba lya maboko Yenu. Tweeleni ifwe ku membu shesu. Tamuli—tamuli ukupingula bwino nakabili muli lino isonde. Icintu cimo ciletintana necibiye, kabili cibe cena cilifye icaliwa ne mititi mpaka iwe... Tamuli ubusuma muli cena. Mwatilie umubili onse wasanguka ukuba kwati filonda fyabola. Icine cine, itebulo lyonse peswile amalushi. Mwatilie, “Nani untu Ningafundisha amasambililo? Ninani untu Ningapanga uku kutuluka muli bulya ubushiku?” Itebulo lyonse ilyakwa Shikulu liswilepo amalushi. Ifwe tulemona ico, Shikulu. Ifwe tulemona ico pano. Twafweni, mukwai.

<sup>301</sup> Lesa Mwebatemwikwa, amepusho ayengi pali ayo pano yali pa bantu ukwisa ku Arizona. Oh, Lesa mwebatemwikwa lekeni balya abantu abatemwikwa, abawama abantu... Bena bakalakutika kuli iyi tepu kulya. Lekeni bena beshibe ukutila Ine nshili walucu kuli bena nokubebe uko bafwile ukwikala, ifyakucita. Kabili lekeni bena bacumfwikishe bwino. Nga cakutila bena balitemwa cilya i calo, eico naine Nalitemwa, lekeni

bena babe kulya, Taata. Lelo lintu bena balefundisha ukutila u Kusumbulwa kufwile kwafuma kulya, kabili kulya kweka epela, nangu bena ukuba pamo na ine, umulanda, uushafikapo, umubembu uwakowela, uwapusuka nokusenamina kwakwa Lesa, afwile abapo na ine... Shikulu, Ndefwaya ukubapo—Ndefwaya ukuba na Paulo; Ninjishiba ukutila ena alesendwa. Kabili Petro, na Yakobo, na Yohane, bali mu Palestine balishikwa ku ncende kumo kulya. Ninjishiba Ine ndi nokuya pamo ba bena nga cakutila Imwe mwalibika i shina lyandi muli lilya i Buuku ukutula apo umufula we sonde wabikilwe. Nkaba kulya. Kabili Napepa, mwe Lesa, ukutila cila umo pali bena akabeko kulya. Ngafweni ine, Shikulu, ukubalonganya pamo kulya ku ncende imo, uko bena bengaba... Bena balefwaya ukumfwa imbila na ba bakafundisha abakalamba nga Munyina Neville, na Munyina Capps, kabili—kabili na bambi aba ba munyina pano: “Junie,” na Munyina Ruddell, kabili oh, J. T., na bonse capamo—bonse capamo: Munyina Collins, na Munyina Beeler, na Munyina Palmer, na... Lesa, Napepa ukutila Imwe mwalaifikilisha ici kuli aba...

Lekeni—lekeni—lekeni bena bese pano apo bena aba Cumfwa bwino bwino, nga cakutila bena balefwaya uku Cumfwa, tekubutuka ukuya kulya muli cilya iciswebebe. Bena baleesha ukucita bwino bwino ifyo aya Amalembo yabeba ukukana cita. “Moneni, cena cili mu ciswebebe; mwicetekela cena! Moneni, cena cili mu muputule; mwicetekela cena!” Shikulu, Ndeesha ukucita icawama ukusoka bena, lelo cena cilelangisha ukutila inshita naifika yena. Ifinshingwa fya cungulo fileingila.

<sup>302</sup> Napepela pa luse, mwe Shikulu. Kwateni uluse pali ine; ngafwilisheni ine. Cena cilanenga ine ukukwata umwenso noku sakamana, Taata. Napepa ukutila Imwe mwalandafwilisha. Ine—Ine nshilefwaya ukwisalila umweo wandi... Imilimo yandi yonse pamo kuti yaba yafumina kulya kuli abamio abapena ukutungulula amabumba yamo nangu ababufi mulya muciswebebe ku ncende kumo. Tamufwile ukuleka ishina lyandi ukupwa ngefyo, Shikulu. Ine nalwile na maka yakalamba pali ici. Ine ndi wacishinka muli ici kabili Ine kuti naba. mwe Lesa, mwileka cena ukucitika. Ngafwilisheni munshila imo. Ine nshishibe icakucita; Ine ndeshintilila pali Imwe, lelo Imwe ngafwilisheni. Ndi nokucita conse ico Muli nokunjeba ukucita. Ndi mubomfi Wenu; aba bana Benu. Shikulu, aba... Abengi palya aba bantu, nainte naini ukufuma mu mwanda, mwe Shikulu, baliminina abakosa. Bena balicetekela; balishiba; balakutuluka. Kabili bena balishiba ukutila teine; lelo Nalishiba ifi fintu fifwile fyakonka uku puputula ukuli konse, kabili neci tacili cafumishiwapo kuli cena. Eico Ine napepa ukutila Imwe mwataltwafwilisha nomba.

<sup>303</sup> Twafwilisheni ifwe ilyo tuleya mukulya icakulya icinono ica pakati ka mutwe, Shikulu. Paleni isenge lyesu capamo.

Mutukolonganye ukubwelela pano bwangu muno cungulo. Abengi pali aba balaya ku mayanda nomba, Shikulu. Bena bafwile ukuya kumayanda yabo—yabo, kabili Napepa ukutila Imwe mwala bafwilisha. Lekeni babe munshila imo, Shikulu, abengacita ukukwata tepu pakutila bengomfwa amepusho yabo ayashalako. Lekeni ayabo ayo ayashaswikwe. Napepa ukutila Imwe mwala bafwala, Shikulu.

<sup>304</sup> Ngafwilisheni mukwangufanya muno bushiku ukwasukafye aya amepusho kabilo nokubula onse ukuba muli ico Ine kuti nacita ico. Mpaka twise tukumane pano muno nshita ya cungulo kasuba, lekeni Imwe mutupale. Mwi Shina lyakwa Yesu Napepa. Ameni.

Nali mutemwa Ena, Nali mutemwa Ena,  
Pantu Ena ewabalilepo ukuntemwa  
Nokushita ipusukilo lyandi  
Pa cimuti capa Kalbale.

<sup>305</sup> Nalembele pa muulu palya, Nalembele ico ukutila cena lyonse cileba ku cinso candi: “Kristu kuli ine, ilyo Ine ndeasuka aya amepusho.” Bushe namucetekela ukutila Ine nacilanda ukufuma pa mutima wandi? Ifintu fyondse, ukufuma mu mutima wandi, ifykawafwilisha.

Bamo bena kuti baisa nokwisa poka ifipe fyabo pano.

<sup>306</sup> Lesa Mwebatemwikwa, pano pali utu tambala, ifipe ifikele pano. Fyena fileya ku balwele nabacula. Lekeni Kelula mukalamba uwa Cebo, Mupashi wa Mushilo Uyo uwa Cilembele, lekeni Ena ese mupepi nomba pali cino cipandwa icakulonganaka kabilo nokupala ishi insalu. Shikulu, nga cakutika Ndetontonkanya pa lwandi, Nine nani uwakubika ayashawama ayandi umubili uwakowela ukuya pali utu ututambala uyo uwiminine pakati kamfwa no mweo ku bengi? Oh, mwe Lesa, Ndetutuma. Lelo lintu Natontonkanya ico... Imwe tamulemona ine, Muleumfwafye ishiwi lyandi. Lyena lilefuma ukupitila mu Mulopa wakwa Shikulu Yesu pano. Nomba, Ine nincetekela ukutila Imwe mwalandasukilako pamo ngefyo Mwacitile kuli Ena, pantu Ena ali ntangilila ukwikala ku kuboko ukwa kulyo, kulya, ukwa Mfumu ya pulamo. Kabilo Umulopa Wakwe waba palya nge cikonsolwelo, kabilo na Ine nafimbwa pe samba lyulya u Mulopa.

<sup>307</sup> Nincetekela, Shikulu, ukutila Imwe mwalandapana bena, pantu bena balekabila. Bena nga tabacilambalika utu ukulambalala pano. Napepa ukutila Imwe mwalandenga onse ukuba uwaundapwa. Ilyo Ndeibika nemwine pali bena, nga... Bena batile bafumishe pa mubili wakwa Paulo... Ena alifye mubembu pamo, Shikulu, uwapuswike nokusenamina Kwenu. Abantu bacetekele ena, nangula alebakalipila kabilo na fyondse ifintu, lelo balishibe ukutila ena ali nikacema. Bena balimwishibe... atuminwe ukufuma kuli Imwe, pantu Imwe

mwaishininkishe Mwebene ukupitila mubupyungishi bwakwe. Lesa, aba bantu bacetekela icintu cimo cine ileelo. Napepa ukutila Mubafwilishe nokundapa cila umo mwi Shina lyakwa Yesu Kristu. Ameni.

<sup>308</sup> Bushe imwe muli nensala? Nacilungama. Ine ndi nensala pa mepusho na yambi. "Umuntu taba no mweo kumukate weka, lelo ku Cebo conse icifuma mu kanwa kakwa Lesa." Nomba, Ine limbi... Yamo aya amepusho, Ine limbi teti njasuke ayalungama; Ine ncitilefyen ica wama ico Ine ningacita. Munshita ya bushiku, Ndefwaya injeshe ukutampa pa sebeni koloko. Ukuba, ichalichi calaisuka pa sikisi sate. Kibili imwe mwe bengekala... Imwe mwebashinga, ifwe natumfwa; ico cilifye bwino. Lelo Ine ndeesha ukubula limo pali aya muco Ningacita buno ubushiku. Lesa amipale mpaka twise tumonane.

Nomba, natwiminine pa makasa yesu kibili twimbe ulu ulusuma ulwimbo lwakale, ulwimbo lwesu ulwa kusalanganinapo, *Bule Shina lyakwa Yesu Pamo Naiwe*. Nacilungama.

Bula i Shina lyakwa Yesu pamo naiwe,  
We mwana wa bulanda na kalanda;

[Munyina Billy Paul alanda kuli Munyina Branham—Kale.]  
(...?...bacibula umusangulo...?...luno lucelo...?...)

...Ishina, O ifyo lyawama!  
Isibilo lya pe sonde kibili ukusangalala  
kwamu Muulu.

<sup>309</sup> Ndefwaya ukupangapo ici icakubilisha. Billy atilafye bena bacifula umusangulo wakutemwa muno lucelo (mwamona?), kibili atila bacikwata umusangulo uwa kutemwa uusuma. Ine nimweba ukuya kunuma yacikulwa nokwiminina kunuma kulya. Ku bantu pano abo abashisa abaipekanya, mwebashikwete ulupiya ulwa pa cakulya capa cungulo bushiku, Billy alamipela ulupiya pa cakulya ca cungulo bushiku cenu kibili nokulipila umutengo wa ng'anda ya beni yenu, conse ifyo cili. Imwe buleni nokulipila nomba. Nga cakutila imwe... Nga cakuti imwe kuti mwaikala... Billy alamikumanya kulya nokulemba amashina yenu noko muli, kibili ifwe twalalipila pa cakulya ca cungulo cenu no mutengo wa ng'anda ya beni yenu ukufuma mu musangulo wakutemwa uyo bacipela kuli imwe muno lucelo.

Mpaka twise tukumane! mpaka twise  
tukumane!



*AMEPUSHO Na MASUKO* BEM64-0823M  
(Questions and Answers)

IMIBELE, UMUTANDE NE SAMBILISHO LYA CHALICHI MUKUKONKANA

Iyi Mbila na Munyina William Marrion Branham yaletelwe intendekelo mu Cingeleshi pa Mulungu ulucelo, Mukasaka ntobo pa 23, 1964, pa Branham Tabernacle Jeffersonville, Indiana, U.S.A., yafumishiwa muli tape iyambulwa kibili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti ly a lembwa pali pulinta yapa ng'anda ku kubomfy a kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfy a ku kulomba indalam a ukwabula insambu shalembwa na ba Voice Of God Recordings®.

Nga mulefwaya ukwishesibilapo nafimbi nangu ukufwaya na fimb iifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)